

سهبری سلیقانی

بیست سال و ئیقارهک

رۆمان

- 1 - بیست سال و ئیقارهک

”دهردئ من و ته ژئيك فهرقه
ئو فهرق ژ غهرب ههتا شهرقه
مهشرق تويي و ئاگرئ ته زاهر
مهغرب ئهز و باتنئ من ئاگر“

ئهمهدي خاني

”نقیسکاری دکاره نقیسکاران بلند بکه ههتا رادهیی خوهداوهندیی. وان هان بده کول پهی نهپه نیی بوننه وهریی بگهرن ئه فجا بکارن بوهاییی وئ بسه لمینن. نقیسکاری ساز و مهزن ب سه ری خوه خوهداوهنده که!“

لۆنجینۆس*

*نقیسکار و فیلو سو فیه ک ئه غریکی (۲۱۳-۲۷۳ز).

- 3 - بیست سال و ئیقاره ک

۱

[گهرهکه کو مروّف تتيگههه...]

- 4 - بيست سال و ئيفارهک

- هيٺ ته ز ته دڪم!
- چاوا تو هيٺ ته ز ته من دڪي و...!؟
- و چي؟
- و ته ز مري!
- ما قهي خوه دي دمره؟

* * *

د ڪافلي ئاخي بي ويران ده ل قهراغي گويفكي تاخي، وهڪ
 چه ڪيلهيه ڪي ته و خوه ب په رده يا تاريي قه دگره و ته فالڪين خويينا
 ڪو ل سهر رووپه لين بيره وهريي جه مسي، هلد مري سينه. ب خنزي ل
 گولولين به فرا ده رازينڪي درامينه، ڪاروانهڪ هاقي تيده دبينه:
 ڪه چڪين پور بزاله، ژنين بي ملدهف، زاروڪين پيخواس و بيمه ريز،
 پيرين ڪو هزا ژياني دهيله ته و بهري لاوان برهفن، سويارين

سه رکۆل ل سهر پشستا هه سپين بئ زين، بئ لغاف و رکيب. هه موو ب
جاره کئ تف دکن ئه قراز و بهري کو سنوران ببه زينن ل سهر ملين خوه
دزقرن.

ئهو د جهئ خوه ده قه دجنقه. بيهووده ههول دده ب وان ره
بگه هه. کهفا سپي ب سهر ده قئ وي دکه قه، کهف دبه تف... تفا سور.

گيژ دبه. ده مسالان ده ريباز دکه، ژ زفستانا سپي وهک کاغه زهک
فالا بهري کو ب رامانين ژانهک نوي بله وته بهره ف هاقينا کو ب
دويکيلا ئاگرين گولگه نمين پريزه بان موژويلانکين خوه کل دکه. د ناف
باهوزا بوويه رين که فن ده خوه هوندا دکه رهنگه چونکي هوندابوون
خوه ديتنه ل جه و زه مانهک دن نه سه پاندي.

دبيژه: «خوه» دوير و جودا يه ژ «ئه ز» و جودايي نه تنئ د
واته و ريژمانئ ده. بهلي ته مه نهک بي داو، ژيانهک بهردار و مرنهک
دوير / نيژيک دناقهه را ههردوو يان ده هه يه.

ههردوو چاقين هوير وهک دوو ميکين چاکيتئ ئاسمانئ بي کول
گه ل سالگاري بوويه کنجر بهلي هيژ پاک، دگره و ب بيدهنگيا خوه
دهيله ژماره يا ديوارين ئوده يا وي ببه بينج. مينا قولنگهک مه لويل
ههردوو باسکين خوه دادقه زلينه و سيمايين خوه د روبرائ تفا سور
ده، بي کو ژ گه وريئ دهه رکه و دين پرا ئه ژنو يان ره بزاقئ دکه،

دروانينه. پاشي هېڅ دکه دهردؤرا خوه، ههرتشت تف دکه و تفا
ههرتشتي ژي سؤره: کووزکي گولان، کهقالين هلاويستي، ههروهسا
پرتووکين قافتير ل سهر ماسه و رهفکين کو ژبهه دهرئ دکانين
دارتاشان قيدايي.

ب دهنکهک کيم بهلي ههراسه، نفرينان ناراسته دکه. گرزه
مادئ وي وهها نامازهيي دکه.

دبېزه کو هزرين ل سهر پرس و پرسياران گرنگتره ژبههسفداني.
د ئاليازا هؤميرؤسي ده خواندييه کو بههسف تنئ ل فرههيان پهيدا
دبن و پرسيار ل تهنگاقيان، لهو ئهوه ههردهم پرسياران دکه بي کول
بهندي بههسغان بمينه. ئايا دههستپيکه يان دوماهي يه؟ دههستپيکا
چي؟ دوماهيا چي؟ دههستپيکا دوماهيي يه يان دوماهيا دههستپيکي يه؟

د پيوارين نامؤبووني ده وي پرسيارا پيرههههه ناراسته خوه
دکه بهلي ل شوينا بههسقي ئهوه دهنگي قيفيانا پور سور و ديمزيوان
کهچا قرياقووسي کرپدار دههيسه داوي کو ئهفا داويي ل سهر بههفرئ
دلههجه.

ئوه دزانه دهمي وانهيين تاييهههه و قيفيان دي سي جارن ل
پهي ههف دههگههي داري بقوته بهري کو بخزينه، دي ب تيريزين
ئهلندا ئههيا خوه پههدهييين تاريي وهک تاقيين بوهارا دههشتا

دووبانئ ل بهر لنگين وى ببارينه و ب گرنزينا پان، ژ گوھ ههتا
گوھئ دن، خه م و په ژاره يين پتر ژ چل سالان - بهروخت - ژ بيرا وى
ببه .

ب له ز رهفتار دكه:

رووپه لين كو وهك بهلگان ژ چق و تاكين وى هه لدوه رين كوم
دكه .

* * *

تو دبهيى فيقيان؟

ديسان ئه و دنگئ بيانى دهئ گوھئ من... و ديسان ژ قودره تا
خوه دئ ئه ز ژ چه كيله يهك تاريخه ريس ديم كويچكهك په يت و راهاتى
د قى كافلى وهك بهرمايين سيركهك رووسى ده و ل هيئيا ئاگه هيين
غه ييئ و دهستقوتانا مونكه ر و نه كيران دميينم. بهرى هاتنا ته من
فه نه ر داگيرساند و حيسيرا خوه رائخست ژبو كو سه رئ خوه - بهرى
بخوم - ب هيئينيئ هزاران بمه يينم به لئ وژدانئ نه هيلا. پيش كو خوه
ل جهئ ته دريژ بكه جارهك دن خويئا خوه و يا من هه ركاند و تهف
له وتاند. فزكين خويئ بوونه دهستين زاروكهك چلهك و گه هيان
جهين بلند و دوير. ژ پشت بهرچا فكين مه زن و جامستوير... شه فا رهش
و زفستانا سپى ههردوو من سور ديتن .

- 8 - بيست سال و ئيفارهك

تۆۋەن ۋە قەھەتتە دىكى ب تايىت ل ئىقاران. ئەز ۋى ھەز ۋى
دكم بەلى ل سېئەيان. ب ھەر حال، قەھەت بەرھەقە. خوەلى ب
سەرى من، ئەز بېستەككى ل جەزۋوكى گەريام، من نەدزانی كو من
داهینايە سەر ئاگرى پەلان.

بېۋرە، مەى نەمايە. ھىژ نەبوويە سەرى ھەيقى. ئەز دزانم
باقى تە قریاقووس قى ئىقارنى ۋ خانكى قەرگەريايە. وەسا ديارە كو
مۆچەيا خانەنشینی وەرگرتییە و بەريکا وی گەرمە. دبه كو جرنییەك
مەيى ل گەل خوە ھینابە چونكى ئەم دزانن ئەگەر نە مەيا خانكى
بە ئەو ب سەر دە ناکە. گاقەك دن، ھەتا كو مە سار بېە، ھەرە
بەھرا مە بھینە ئەو ۋى ئەگەر ھىلابە.

نھا ۋى مە سارە بەلى شەقبېرى گەرمە. ھەتا ھینگى ئەم دى
خوە بدن ئاگرى، یا گەرمى ھەرگیز مە گەرم نابە بەلى بەلكى
دەريايىن قەرسى د ناڤا مە دە ھندەككى بھەلن.

قیفیان، ئەز دى قى ئىقارنى ب دەنگەك بلند بەزینم. ئەز دى
ھەول بدم ب ھندەك رویدانین کەفن و کاریگەريیىن نوى ھەبوون و
كەسايەتیين وە بەرجەستە بكم. ھەر جارى بيم يەك ۋ وە. دبه كو
ئەز پى بئیشم يان ھندەك خوەشبی ۋى ببینم. ئەز ۋى ھەردوویان
خوە ئامادە دكم: ۋى ئیشا دوماھیی يان خوەشیا دوماھیی.

چيڊبه ئاخفتنا من نهگهلواز به، تهوش و خهونهروژ به بهلي
دئ ژ كانگهها دلي من دهر بکهفه ب هيڤيا کو تو تيگههي و ل داويي
من زي تيگههيني. ئەم دوو پيکهاتهييڻ جودا نه بهلي دکارن ل
ههفدوو تيگههن.

ئەري قيفيان، ئەم دوو پيکهاتهييڻ ژ ههف جودا نه. ئەو
ديمهنيڻ من ديتين هيژ ته نه ديتنه، ئەو دهنگين من بهيستين هيژ ته
نه بهيستنه و... و ئەو مر (ه) وڤين پيرگي من هاتين هيژ پيرگي ته
نه هاتنه و هيڤيدارم چ جار نه هيڻ.

ئەز دئ بهردهوام بيم، من گرتي هيژ تو گوهداريا من دكي.

ژ قياقي ههتا کو وژدان بهي، دهم بو دهمي ئەم دئ خوه ژ خوه
بقه دزن و قهستا هندهک جهين دوير و داخستي بکن: ياخيوونا
زاروڪيي، سهرگه رميا لاوينيي و هافيوونا پياو بووني. ئەم دئ بگههن
و ژ نيزيک ديمه نان ببينن و دهنگان بهيسن: ديمه ن و دهنگين دوهي
و سوبا و مرنئ و ژيانئ و غهريبيئ و خوه دئ.

* * *

وهك كو توّ دزانی، بهرئ گهلهك خوهداوهند ههبوون نهمازه د
میتولوزیئ ده بنگههئ ئول و ئاینئ، لی پاشی ب سایا ده می و
ئهموونئ - ههتا نها - هات سهلماندن كو تنئ یهك ههیه. بهلی ژ
میژا ئهز دخوینم و دبهیسیم كو خوهداوهندهك دن ژئ ههیه.

قیفیان، توّ باوهر دکی كو خوهداوهندهك ل فی باژیړکی هه به؟

توّ دکاری باوهر بکی و گوننهها ته ل ستویئ من به!

ئهم دئ نه تنئ باسا خوهداوهندئ فی باژیړکی یو ته بکم، بهلی
دئ وی ب جهلالهتا قهدرئ وی قه بهینم جهم ته داکو د محرابا
بئگوننههیا ته ده گوننههین خوه بقهناسینه و نهینینئ ئهقینا خوه
کفش بکه. ئهم دزانم کارداریهک زهمهته و بئ ئالیکاریا ته
ئهمهسته مه. ئالیکاریا من بکه قیفیان. سنوران دناقبهرا راستی و
خهپالی ده نههپله چونکی دویر نینه ل داویئ ئهم بکارن یاسایا
گهردوونئ بههلوهشین پستی كو خوهداوهند لیپورینا خوه ژ ته
بخوازه و قهپهریانا مهدهرفانیئ بکه.

ههر ئیقار توّ دپهیفی و ئهم ب مهرق گوهداریی دکم بهلی فی
ئیقارئ ئهم دئ جهپن خوه پیگوهوړن. دبه كو ل زهمانهك دن، ل
جههك دن، ئهم بیړیا ههفدوو و فی ئیقارئ بکن. ب تایبته ئهم،

بیریا ته بکم، بیریا دهنگی نکاندنا سهری پیئقیسی ب سهرتلا ته یا بهرانی. و بیریا گهلهک تشتین دن...

ئەز هەز دکم ل قی ئیقارئ تو پتر من ناس بکی.

تو دزانی، ل گۆر سالنامەیی تەمەنی من پتره ژ چل سالان، نزانم ب عەسسەهی چەندە بەلی دایکا من دگۆت کول هەیا ما شوپشا ئیلوونئ ئەز ب سەر پپیان دکەتم. ئانکو، تەمەنی من ژ سنورئ دەمراس تژبو هلگرتنا پەیا ما پیغەمبەریی بووریه. چل و چەند ساله و ئەز ئەقیندار: من تیکلی ل گەل کەچکین جیاواز هەبوو بگره ژ کەچکین مؤسلمان، ئیزدی، فەله، عەرەب، ترک، فارس، تەنانەت ل گەل ژنن شویکری ژی بەلی هیز بی ئەزمونم د گوهنایی ده. هەمی دکەتن دلئ من و نه سهرئ من. و نها، پشتی فان سالان، هندهک جاران نیرهک درنده د کویرایی من ده هشیار دبه، خەیا لئ وی خراپ دین و دخوازه پەلاماری هەر مپیەکا هەبه بده بەلی ئەز هەقسارئ وی نابەردم... ئەز ژ هەرکینا خوینی دترسم قیقیان.

وژدان ئاوارته بوو. ئەو نه تنی کەت دلئ من، بەلی کەت سهرئ من ژی.

سهرتلا وی یا شههدئ وهک نه هنگهک برسی هیقینی ماسیکین ژیانئ د دەریایا خوینا من ده نه هیلان. سهرئ چەند سالانه و ئەز کف

دکم خویڼ، تف دکم خویڼ. ژبلی ماسیان وهکی دن ئەز ئیرەیی ب
هەمی ئافەریدەیان دیم بەلی ما کی نابیرە وان ژی خوینا هەقدوو
قەخوارنە؟

تۆفانی ب دلۆپەکی دەستپیکر. ئەز ژ تۆفانەک نوی، سۆر،
دترسم. و پاشی هەموو ب جارەکی بیه رابردوو، ئەف ئیقار و تۆ و
ئەز.

نەبیرە ئەز تیناگەهم چونکی ئەز دبینم کو تۆ دھزینی و
هزریڼ پشتی تیگەهشتنی یه.

هەر ئیقار ئەز بیڼیا رابردویی دکم، و رابردوو ژی ئانکو وژدان
و سالی (سالی رحانی) و بەهزاد (بەهزادی فاتمی) و ئەز دی،
ئەز ئەز دی. بەلی قی ئیقار ئەز بیڼیا داهاتویی دکم. داهاتوو
نیڼیکه. کا رابردوو چەند دویره ئەها داهاتوو هنده نیڼیکه. ئەز
جانم، ئەز بیڼیا داهاتوویەک سپی دکم لی رابردویی سۆر ژبیر ناکم.

تۆل بەندا من دمینی کو دەست ب وانەیی بکم. ئەز ژی ل بەندا
تشتەک دن دمینم و ئەو ژی وانە یه. وانەیهک تاییهتە د پەپرەوی
دبستانان دە نینه. ب دریڼیا سالا خواندنئ تۆ وانەیان وەردگری ژبو
ئەزموونا دوماهیا سالی بەلی ئەقە بیست سالا و ئەز وانەیان
وەردگرم دبه کو ژبو قی ئیقار بە.

هندهک جاران ئەز ژى شاگردهمه. شاگردهيهک دهبنگ ل بهر
دهستى قى رۆزگار سهر و دلسهخت، ههررۆژ فهچهرا وى دبه.

* * *

تۆ دخرمينى. خرمانا ته ژى زمانهک تاييهته تنى پهناهر و
عاشق تيدگههن و ژبيرنهکه کو ئەز ههم پهناهرم ههم عاشقم ل قان
وهلاتين توتاليتارى.

کهسى من ناسنهکه هزر دکه کو ئەز ديوانه مه چونكى گهلهک
تف دکم و ژبهه دئاخقم. و کهسى من ناس دکه تيدگههه و ژبو من
دگرى. بلا کهس خوه نهگرينه بهلى بلا خوه تيدگههينه.

گهرهکه...!

گهرهکه کو مروّف تيدگههه. و ههتا مروّف تيدگههه تهمهنهک
بيداو پيوسته، تهمهنهک پتر ژ نووزدهه سالىن ته و چل و تشتهک
سالىن من بهلى کى دبيژه کو تهمن ب سالىن دهى هژمار نهخاسمه
تهمهنى نازاردانى؟

٢

[دبه كو ژيان ئهفسانه به و مروّف ژى تنى ئافهريدهيهك ئهفسانهدار
به ...]

خوهزی ته زانیا کا لۆنجینۆسی (مریی زندی) چ ب سهری من
هینا! دبه کو تو بزانی بهلی زانین نه بهسه فیقیان.

ل سهردهمی بهری خویابوونا ئیسلامی - ئیسلامی دبیرن
سهردهمی جاهلیی بوو - ههلبهستفانین ره بهق ل دهقهری ههبوون. د
ههلبهستین خوه ده گههیان ئاستی ئهفراندنی لهورا مللهتی جزیرا
عهرهبستانی، وهک خهلات و پاداشت، هندهک ژ بهرههمین وان ب
دیواری کهعهبیی فه هلاویستن بهلی پاشی ئایهتین قورئانی جهی
وان گرتن. ل گهل مرنا ههلبهستفانان ههلبهست زی مراندن ژبهرکو
تنی مرنا لهشی دنیا سن.

ل گۆر پیفانین وان بو مرنی ههموو ب جارکی دی بمرن بی
ئاوارته. لی ل ئهسینایی (پایتهختی یهوانستانی) نه وهها یه.
ههلبهستفان و نفیسکار و فیلۆسۆف نامرن ب تاییهت کهسهک مینا
لۆنجینۆسی. ئهو د ههر پرتووکخانهیی ده دهی خواندن. زارۆک بهری
مهزنان وی دخوینن.

ئەم كى دخوينن قىيان؟

ب پەندەك لۆنجىنۆسى و دلۆپەك خويىنا وژدانى نە ئەز مروڭف مام و نەژى بووم خوه داوهند. ئەز بووم ئافەرىدە يەك سەپىر ل سەر هېلېن سنوران و وەها بەردەوام دكم. دلۆپا خوينى دەپلە كو ئافەرىدە يى سەپىر وەك ئەقىندارەكى تنى پەيقتن غەزەلئى بېيژە و پەند ژى دەپلە كو وەك موترىهكى تنى جقېنان ئاراستە بكە: لۆنجىنۆسى دكارى بېيژە كو نقيسكارى مەزن رەبەقە و د قەدەريا جقاكى گەند دە رۆژانە دەي چەوساندن. رېبوارە و ل پەي نەپەنىي خوه دگەرە داوى كو د پەنى دە لانهواز دمىنە. نالەبارە و تنى ل تەنگاسى و هەياما هەقبەهرىا قوربانىي وى ل بىر دەينن. دكارى بېيژە ئەفسانە يە و توخويىن باوهرىي دەرياز دكە، يان ئەفسوونە يە ب كراسى مروقان و ب زمانى سىمىلۆژى بەخت و هزران دخوينە بەلئى نە خوه داوهندە چونكى هەرگىز باوهر ناكن كو خوه داوهند مينا هەر ئافەرىدە يەك دن: بخوه و بقەخوه، بمىزە و برى، بكەنە و بگرى. ب شەف ل بەر سەلىقەيا زكى برسى بنقە و ل سپېدە يى ژى هەردوو چاقىن وى پر كنىشته بن و بېھنا هەلەمارى ژ دەقئى وى بفرە هەر وەك ئەقىانوسەك خوينى قەخوارى.

باوهر ناكن كو دلەك د نافئا پەراسىيىن وى دە هەبە... حەز بكە و بەي حەزكرن. باوهر ناكن كو هەردەم نىزىك بە و ل شىن و شادىان،

ل كۆسەرین پەرسنگەھان، ل ناھەندا بازیری و ل راوەستگەھا
ترومبیلان پیرگی وان بەھێ تەنانەت ل بەر دەرگەھین مەخانەیی
ھێژنەھاتین ئاڤاكرن ژى.

ئەرى...

باوەر ناكن كو ئەو ل فئى كئلىكى وەك سحابىيەك ھەژار د
بىوڤرافيا ھنارتىيەكئ دە ھاتى ژبىركرن پاتكا خوە ژبەر كئچ و
سپھين ھەسرەتان دڤورينە و ل بەر رۇنيا فەنەرى، دەولەسەرى
بريارا نەفت بەرامبەر ڤوارنى، زېرەقانىيا بزافا كادزئ دكە و
بەردەواميا ھەبوونئ ب بوويەرىن ناكۆك بەلى گەلواز تۆمار دكە.

ما ئەز نەحەقم نەفرينان بكم فئىيان؟ تە ھى ژ من ھەيە؟

گوھئ تە ل منە بەلى چاڤين تە نو. تو دزانی كاتئ كو ئەز
دپەيقم، دڤوازم كەسى بەرامبەر بەرى خوە بدە من چونكى ئەز نە
تنئ دەنگم.

نە گوھ...

نە دل...

د قى ئىقارنى ده تنى چاقب تاييهت چاقىن ته بىن به ريقه دار.
چاقىن ته و چاقىن من ل قالايى دگه هن ههف. ههردوو چاقىن ته
ههفرکيا ديمه نىن په يقان دکن و چاقىن من ههفرکيا گولولين
روناهيى دکن، ليقين من ژى ههفرکيا باوهشکان دکن لى ئەز ب خوه؟

ئەز د خهم و خه يالين بويژنهک به هي ده ههفرکيا ههستين
خوه بين هه تکبه ر دکم و کاغه زين سپى د تاريى ده دخوينم.

خواندن که سيره داره و ئەز ژى گرديايى مه.

ئەز خوانده فانهک سازم قيقيان.

د خه وهک زقير ده جار بو خه ونا که قنار و رهنگدار دکهنم جار
ژى ب هويى شه قيه ستي - دخوازت ببيرته کو ب خوه فه دميره -
ريژنه يهک روئدکان ل سهر سه رينيى سه ريى خوه بيى کو وهک زه ميني
دزقره دبارينم. ل به ربانگى، ل بهر دهنگى که باره يا خه ليفه يى بيى
که زى پيشوازيا روژهک دن ژ ته مه نيى زه مانى پير دکم. هيژ باقى ته
قريباقووس د خه واکران ده و تو د خه ونا که چينيى ده ئەز ژ قى
گوړى بيى کيل ده ردکه قم و هه ول ددم ههردوو سه يين خوه بين تييهنى
ژ بايى ژيانى پر بکم.

ل گهل به نيان ل بهر ده رگه هي نانگه هي د نوره يا ناني ده، ژبو
وه رگرتنا سي سه وکان بو هه رسي دانان رادوه ستم هه تا کو دقه رمم.
گيژ ديم و دگندرم. تني پرژين خويني و پيلاقان دبينم. دونيا هه مي
دبه پيلاق. نزانم سه ري من د نافا پيلاقان ده دزقره يان پيلاق ل
دور سه ري من دزقرن؟ که سپن خيژدار به ري کو خيژ بکن، ئاوران
دبه ردن که له خي من هه تا خوبنا من دهه رکه و به ري کو زوها بيم،
ئه وگونه هي خوه دغه فرين و بيهووده هه ول ددن ستويني من بين
شکه ستي ل بن خيفه تا به نده مانئ بقه دن. پاشي خوه دوير دگرن و ل
جاتي ئاوران ب نيريني هه ژي زيمار من گه ماروو ددن. نابيژن من،
به لي بيهنا مه ستيوونا من ژ هزري وان دفره هه رچه نده سپيده يه و
ئه ز هيژ له خرينم.

د ناف وئ ئاژاوه يي ده ئه ز ب سه رسامي ل سيمايي نانبيژي
درامينم ب تاييه ت ل جينيکين وي بين تويژ و خوه هر وهک کالانين
خه نجه ران، ل دافين گه قولا وي يا کوزري ل بن که فيا ده ستان يا کو
ل سه ري خوه ئالاندي، ل له هيا خويديانا کو ل سه ر دي مي وي دته يسه
و گومله کي وي ب له شي قه دنوويسه. هه روه سا ل گرکا هه فيري خاف
کا چاوان د ناف له پين وي ده پان دبه، بلند دبه ئه قجا د نه قه با
جاف و بروويان ده دبه سه وکه ک گهرم.

نانبيژ ب ئاوايه ک بسته هه ده ستي خوه هه تا سه رملئ خوه دکه
د کويره هي ده. تو دبيژي قه ي ئه مانه ته ک تيده هوندا بوويه و ئه و

لئ دگه ره. جاره کئ ژ جاران من پرسپاره ک ساده ئاراسته ی
نانپژته کئ کر: ئه رئ چاوان هوین وه سان ل ئاگری که هی بوون؟
به رسف دا و گوئ: ژ راهاتنی یه!

دبه. دبه ژ راهاتنی به به لئ من وه ها زانی کو دئ ببیژه:
فرشکئ مه ژ ئاگری یه یان ئه م کورین ئاگری نه.

گه له ک سپیده یان ژ ی هه ناسه سار و ده ستقالا فه دگه رم. هنده ک
جاران سه وکیئ سوئی دبن به هرا من و هنده ک جاران ژ ی برسی
قه ستا خواندنگه هی دکم به لئ پشتی کو قریاقووس ب بجمه ک بوغمی
سلافا سپیده یی ل من دکه و تفی دگه وریا من ده زوها دکه.

* * *

باوهر ناکن کو ئه و ژ ی مینا هه ر فه رمانبه ره ک دن خوه به ره هف
دکه و منه تا خوه دیکاران رادکه. د چه نته کئ قه هوایی ده ژ ره نگی
سوؤلا ب قه ر کپی ئاجندایا خوه هلدگره و جارنا په راوه ییئ کو ب
ئالیکاریا قیفیانیئ سه رراست دکه. وه ک هه رروژ سه عه ت حه فت و
چاریکه ک ده رده کفه و به ره ف ئافایی دبستانا ایئ ئاداری دده ری.
ژبه ر گوئین ئافا گه نی ل کولانیئ تاخی و بیه نا پیس، دفنا خوه
ناگره لئ به لئ ده ستئ خوه داده ینه به ر. وه ک نه ساخه ک کو درپزی
ل تلکی داده ییایی دیوار دیوار رییا خوه دگره. داڤ و تیریزین

ههتاقى دهيلن هه مان گول وهك لهيلانى خويا بكن. سول و دهلنگين
وى د چپكان ره دميين لى ل سهري كولانى پيرگى زاروكان دهى و
روژكين كو ژ ديمين وان دهه لن دهيلن نهو تهف ديمهين بيمهريز
ژبير بكه.

ژبه سلافدانى و دراوسين كو ل كونا سپيدهيى ل بهر
قهنته رهيان و ل سهر بانان ب ديبرينه يى زيهره قانيا په ياده يان دكن،
چارىكهك پي دجه ههتا كو تاخى ل بهى خوه بهيله. چاريكهك ژى
ب نه سپايى، قهراغ ب قهراغ ژ جادا سههركى يا كو باژيري دكه دوو
ئالين نه وهكههف، دبوره تا دگه هه (سويكا عهسرى) يا كو روژ بو
روژى كهفن و ويران دبه. بهرچا فكين خوه ب ليثكا كاره فينا ژ رهنكي
چهنته و سول پاقژ دكه و نيرينين كهه ل ديمهني ميوه وگيايين
جوداجودا دجه رينه: تولك، كهنگر، گوپريسك و كارى وهتد...
خوارنين هه ژاران يين سههركه. بهرچا فكان دهينه خوار ههتا دفنا وى
يا بهراني وهك قهسپهكي لى دهى و هيث دكه ديمهني ژن و
كهچكين گوندى كا چاوان ل بهر رهحما باژيرفانيان هه ريهكي
زه مبيل يان توپركى خوه داهينايه بهر كوشه يا خوه و نمايش دكه.
زيده بارى بو زهركين ماستى تازه و خورى سهرتيك و تهف ژى ژ
گوندين هاوپردور دهى وهك خانكى، موسيريكي، مهرويني، موقبل و
باتيلي.

ل دوماهيا ديمه نان وهک تافيه کي ئهو دبوره . دگهه ئافايي
دبستاني و ل چاريکا داويي، بهري کو زهنگلي وانهيا يه کهم بزه نه،
پچه کي بيهنا خوه شه دکه . ب دهستين خوه چه پيا ده لنگان دسرينه و
سوئي دتھيسينه . ل ته واليتي هه نه فيا ئافي هه ميئ شه دکه . تير تف
دکه، کف دکه، پاشي دهف و ليقيئ خوه ب دهسمالهک سور بو
مه بهست، زوها دکه . ژ تنازه بيئ زاروکين نه شه هجمي و تيبينيئ
هندهک ژ هه فکاريئ کهيسدار دترسه وهک: ريغه بهر، ماموستا و
به رده ستک .

ريغه بهر وهک خوه دايه کي رهفتار دکه؛ قوتابخانه زي وهک
دورته هي ده رگه هيئ خوه شه دکه، ئهو ل بهر رادوهسته و هه يزه ران د
دهست ده . ب ره ژنه بيئ تفي و هلمه هنافيئ خوه ناقچافيئ زاروکان ژ
به رمايکيئ خهوا سوبه هان رادماله . ب جوش ل ميلي ده مرثيئ
دنيره داکو پف بکه فيتکا وهک سوورهي و دهستپيکا روتيا قيامه تي
براگه هينه . د ناقا زاروکين بچويک ده ئهو خوه مه زن دبينه . ب سايا
سه ري وي روواله تي زاروکان پاقره به لي ئاستي په روره ده و زانيئي
نزمه هه تا وي راده بيئ کو زاروک خوه د سه ر ره ده افيزن .

* * *

ئهرئ فيفيائي، ل داني نيقرؤ زي ل گهل ريژه يهک مه زن ژ
بيکاران ل قه هوه خانه يا ناقه ندي ل هه مبه ر ئافايي - خرابه يئ -

یه‌که‌تیا مامۆستایان ل سهر یه‌ک ژ که‌راویتیئن وه‌ک هئیسکان دروینه. د خویسارا جامئ ره ل بزاقئ جمانده و رییواران دمه‌یزینه. گه‌له‌کئ دینه و کیم تئیدگه‌هه. قه‌نجه کو به‌هرا پتر ژ مرۆقئین قئ بازئیرکی پرس و رازیئن خوه ل مالئین خوه دهئین ئه‌گه‌رنا بییدی کتا مایی ژی پرتووک، رۆژنامه و کۆفار نه‌دخواندن.

ئه‌ف بازئیر هه‌رده‌م برسی یه‌ که‌چی مرۆقئین وی هه‌مه‌ر دبن، توتمه وان دگره چونکی هه‌رتشتی دخون: سهر، خه‌م، سویند و به‌رتیل. ل قئ بازئیرکئ هه‌رامخوهر دزیکاری دیارده‌یه‌ک ریکخستی یه، نه ب شه‌ف به‌لئ ب رۆژ چونکه خه‌لکئ وی ب رۆژ دنقه، د گوهئ گایی ده دنقه.

گوه‌داریا سوحبه‌تیئن جودا دکه: سوحبه‌تا پاله‌پیان و گازندیئن کریئا ئه‌رزان ژبه‌ر نه‌بوونا ده‌لیقه‌بیئن کاری، دبئژن کو بوونه پاله‌بیئن پویشه‌یی. سوحبه‌تا پیره‌میرئین بیزار ژ کونجئین خانیکان و مزگه‌فتان هه‌روه‌سا سوحبه‌تا بازرگانئین په‌یفئ ده‌ما کو ب ده‌نگه‌ک کز دئاخفن هه‌روه‌ک پلانا کوده‌تایه‌کئ ساز بکن.

پئلاقئین که‌سئین ئه‌فه‌ندی ل سهر سندۆقئین بوویاغئ د نافا لنگئین زارۆکان ده، پئین وی د ناف دوو کۆمئین بزمار و ده‌رزی ده دبزقئین. هه‌ر بیسته‌کئ دویکئلا سپی ل هنداڤ سه‌رئ که‌چه‌ل عه‌وره‌ک سته‌ور پیک ده‌ینه. ژ به‌ر قریژا چغارهبیان نافتلئین هه‌میان

زهر دکن. ئهو دکوخه، هزارا شهقامي گشتي و دويکيلا ترؤمبيلين
خهسپال دکه ب تاييهت کؤستهريين شينبوز. دکهنه و سهري خوه
دههژينه. تهنانهت ل زفستانئ زي، ل رۆزهک وهسان بهفرييني، ئهف
باژيرک تاري خويا دکه ژبهه دويکيلا و ههروهها ژبهه ملدهف و
کهفينکان.

فيفياني، تو دزاني کو ئهف سال تهمهني سيميلا دبه چارسهد
و پينجي سال بهلي ههروهک ژنوي هاتي ئافاكرن؟

ل گور پيشانيين باژيرداريي سيميل نه گوند ما و نه زي بوو
باژير: قهسر، خانيكين ئاخئ و دکان ههنه بهلي مهخانه؟
پهستگهه، قههوهخانه و خوارنگهه ههنه بهلي پرتووخانه؟
دبستان، خهستهخانه و قهبانه ههنه بهلي بنگههين رهوشهنبيري؟
راوهستگهه، شهقام و کولان ههنه بهلي ترافگللايت؟

باژيرکهک نه تاييهته بهلي جودا يه.

بهروفازيي باژيرکين دن، ل في باژيرکي کهسين ژيدار وهک
قريا قووسي ههز ژ رهنگين کهسکه سوري دکن بهلي کهسين جوان وهک
ته ههز ژ رهنگي رهش و سبي دکن، ئانکو رهنگي بهردهواميي، و وهها
جياوازي دناقبههرا دوو نفشان ده پهيدا دبه.

جياوازي فھرہ .

ژ لايه کي بلا هممو ب ناف و دھنگ و رھنگ ژ هھف جياواز بن به لي ژ لايه ک دن وه کھه في پيوسته ژبو کو هممويان بگه هينه هھف. کيژان وه کھه في به کو وان بگه هينه هھف فيفيان؟

- ئه فين؟

- تو دکاري بيژي ئه فين و ئه ز ژي دکارم بيژم نفيسکاري يان مروفايه تي به لي کي دبيژه کو به رسفيين مه سازن؟

بو نمونه: گرنگترين تشت د ژياني ده چي يه؟

في پرسياړي سوقراتي ماموستا ساماند .

ئه گهر ئه م في پرسياړي ئاراسته ي کومه له ک که سان بکن هيڼگي هه رکه س دي هه ول بده کو ل به رسفه کي بگه ره. وه ها دزانه کو ب سه ر به رسفا راست هلبوو لي به رسفا راست خوه ل پشت يه ک پرسياړي فه دشيره و ئه و ژي ئه وه کو هه رکه س بزانه کا ژبو چ تشتي ئه و دژي؟

به لي بزانه فيفيانا من، گرنگترين تشت نه ئه وه بي کو ژمروفي کيم يان پيوسته .

* * *

سهقا سهقه مداره .

دهستين من گهرم دين و فنجانا قه هوهيئي ساروبار دبه . فنجانا
قه هوهيئي زي تييرا خوه من نازار دده .

ساله كي بهري كو وژدان من بهيله (يان باستره ببيژم خوه
بهيله چونكي دل و جاني خوه ل گهل من هيللا و تني جهستي خوه
بر)، حورمه تهك قهره چ فنجانا من خواند و هندهك راقه يين سهير
هينان سهر زمان، گوت: هوين چار كهس پيگفه ژ دايك بوونه، ژنهك و
سي زه لام. دوو زه لام دي بمرن لي ژنهك و زه لامهك دي بمينن. نه ژبو
توقي بهلي ژبو كول و قه هران دي بمينن. مه بهستا وي ژ دايك بووني
پتر واته و بوونه و هري بوو. وه كي دن، گوت كو رييهك دوير و دريژل
بهر منه .

راست دبيژه . سهرئ چهند سالانه و نه زل وي ريكي دچم و هيژ
نه گه هيامه . دبه كو ئيرو بگه هم و دبه زي نو .

باسا تهيري دهوله تي زي كريوو، كول سهر ملي من يي راستي
باله فريي دكه و نه قجا دنشه . ههر دوو به ريني يي وي يين سهره تا

راست دهرکه تن بهلی بهربینیا داویئ دویرخستی یه ژبه رکو دهولت
ب خوه نینه ههتا کو تهیرئ وئ هه به. لهوانه یه تهیرهک دن به و وئ
باش نه دیتبه... بو نمونه تهیرئ که له خان.

ئاکنجیئ فی باژپرکی باوه ریئ ب خوه داوهندی ناهینن فیجا
چاوان باوه ریئ ب خیفزانکان بهینن!؟

فیقیان، کهس ژ گوهداریئ ناوهسته لهورا ئەز دئ بهردهوام بجم
ب ئاخذتئی...

باوهر ناکن کو بهری نها ههرههیف وی دراقهک ژ دهسته براییئ
خوه سالی و بههزادی قهر دکر. بهلی پشتی کو سالی د داستانهک
براکوژیئ ده هاتی کوژتن و بههزاد ژ داوی خهبات و لهباتا سالان
ب رهقا خوه دئ رهقی و ل وهلاتهک ئاوروپی مافی په نابهریئ
وهرگرتی، ههرههیف ئەو هندهک ژ پرتووکیئ خوه بیئ نهواز ل سهر
قهراغی جادا سهرهکی ریژ دکه. ههتا عهسرا درهنگ دمینه و ئەگهر
بهخته وهر به هینگی ب بوهایهک کیم، بو مهخسهد، دهین فروتن و
ههمی ژ پیخه متهتی کو بگه هینه سهرئ هه یقی چونکه هه یقانه تییرا
ژیارا روژانه ناکه و ئەقه هه یقا چارئ یه و معاش نهوهرگرتی. ئەو
ژی مینا گه لهک هه فکارین خوه ههول دده ب گوئتنین نه تهوه یانه بیئ
مهزن خوه بخاپینه و ل سهر کیستی ئەندورستیا بهدنهئ و ئارامیا
دهروونی بنه ماییئ هه یوونهک بی مه رهق بیاریزه.

ب دلی برسی و نه ساخیی یه .

بهلی ئه و دترسه هه یامهک بهی و ل بهر دیواران بمینه هه کهر هات و کرییا کافلی د ده می ده ئه دانه کر چکو هه تا نها کرییا چار هه یقان که تییه سه ره هف و پتر ژ چار جاران هاتییه ناگه هدار کرن و بیژاندن ژ ئالیی قریاقووسی کریدار .

فیفیانئ، ب سایا سه ری ته قریاقووس نه چاره بیهنا خوه ل گهل فرهه بکه . تو ناهیلی ئه و ب ئاوایهک نه ریئی رهفتار بکه . ل هه ر جاری تو قارچکی که فن دجوی . وی تیڭه هینی کو ژبلی من کهس دن ل فی باژیرکی ئاماده نینه کافلان کری بکه یان بی بهرامبه ر هاریکاریا ته ب وانه یین تاییه ت بکه . تنی تو شیوه یی سه ره ده ریئ ل گهل قریاقووسی چر دزانی رهنگه چونکی تو ل زمانئ وی تیڭه هه ی: زمانئ بهر ژه وه ندیا که سایه تی .

ژ بیر نه که ، یه ک ژ مه رجین هه فتیڭه هشتنی زمانه .

- ژبو خاترا ته ئه ز ئاماده مه هه رتشتی بکم!
- سوپاس .
- سوپاس خوهش .

ئەو ب خوه فئى ھەمىيى باوهر ناكن بهلى نكارن بيان ناخوازن
باوهر بكن كو كەسەك ھەبە و باوهر نەكە حىشتەر ب بار قە د كونكا
درىزىيى ره بپوره. باوهر ناكن كەسەك ھەبە و باوهر نەكە كوژەرەك
نووت و نەھ مروقتان بكوژە و ل دوماھىيى بەھشتى بە. باوهر ناكن كو
كوردستانىيەك ھەبە و باوهر نەكە براكوژى وەلاتپارپىزى بە.

- باوهر ناكن چونكى گومانى ژى ناكن.
- ئەرئ. و تۆ باوهر دكى چونكى تۆ گومانى دكى.
- ژيانا وان بوويە ئەفسانە و ئەو ب خوه بوونە ئافەرىدەيىين
- ئەفسانەدار. دخوازن مروقت باوهرىيى ب ئەفسانەبوونى بەينە ھەتا كو
- ئەو باوهرىيى ب مروقتبوونى بەين.

۳

[بهندهمان زحمته بهلی بهرباوه ره ژی هه رچهنده هندهک جاران
خهستیا رامانی و فرههیا بیهنی بی واته دهیله...]

وهى ل فئى ئىقارئ، ئىقارا خىر و گوننهان: خىرئ بهنيان و
گوننههئ خوهداوهندان. ئىقارا راستيا نازاردهر و رىيا وئ يا دريژ ژ
دريژيا تهمهئى من يئ كورت. تهمنى پپ و د ههمان دهمى ده قالا، پپ
ژئهقينا وئ يا نيزيك و قالا ژ بهرئ وئ يئ دوير.

ئىقارا منه و گهرهكه ئهز كهيفخوش بم. لئ بهرگههئ
ئالوزيئ ل ناف پيوارئ بهفرئ دتھيسن و ئاورئ بئ نهوا دگهقلينن.

بهفر، شهف و رامانئ بژاله وهك كونيلهئ پيستھيئ من، يئ ژ
خهريژئ جهفايئ دارزايئ، بو گھرما ههناسهئ وژدانئ شهدين
بهلئ دهروونا من گرژ دبه ئهگرچئ پشتئ بهندهمانا بيست سالان
ئهف ئىقار دئ مه هردوويان بگههينه ههف: وئ و من.

بادهفه...

و تارى پەردەدارە .

مينا پيرەزايەكئ پەلوازيا من ل پرهك فەگەريانئ بەرهف
زاگەهئ خوه دگەرە . هئژ زوى يه و شەف ژى وهك كەزيبئ وئ تارى و
درئژە . هەتا نھا بئھنا كەزيبئ وئ ژ تلئين من نەچووپە .

ژ قەھرئين بئدەنگيا خرۇشان دە جارچار ئەز ھندەك پرسياران د
تاريئ دە هل دكم و وهك ھەزرتئ سلئيمان سەرچەم زنديوهران ل دۆر
فەدحەوينم . سئبەھرئين پرسيارئين من ستەورن بەلئ ئەنجەق زندى
نە .

- دەستپئكە يان دوماھى يە؟
- پرسيارەك بارمتە يە ل بەختئ بەندەمانئ!

پرسيارا بەندەمانئ ژ ئەقئندارئين دوير بکە، ژ ئئخسير و گرتيئين
ھەبس و زندانان، ژ داىکئين كو غەريبي جھئ وان دگرە و لۆرى لۆرى و
دايئ مەنال ل بن سەرئين غەريبان دسترينە، ژ من بکە قئقيانئ .

بەندەمان زەحمەتە بەلئ بەرباوەرە ھەرچەندە ھندەك جاران
خەستيا رامانئ و فرەھيا بئھنئ بئ واتە دەئلە .

بەندەمان بيانئيوونە ...

چل وچهند ساله و ئەز بوونه وەرەك بیانی مه ل جهه و زه مانهك
بیانی. تنی جان و جهست و دەر وونا خوه ناس دكم: جانی من تنی
توخویبان ناس دكه بهلی ههز ژ ئازادیی دكه، جهستی من تنی
برینین عه داڤگرتی و هه سره تین لایینی ناس دكه بهلی ههز ژ
خویدانی دكه و دەر وونا من ژی تنی نالینی ناس دكه بهلی ههز ژ
لایه لایی دكه.

* * *

قیفیان!

ئه شه عه ده تی منه. گاڤا كو ئەز دئاخقم دخوازم خامه د ناڤ
تلین من ده به. هندهك خیچكان ل سهر كاغهزی چیدكم بهلی ئەو
خیچك ب سهری خوه زمانه كه، هونه ره كه، دهر پرینه ك راسته قینه یه
ژبو رهوشا نه هشیاریی یا كو گه لهك جاران پیویستیا مه پی ههیی لی
كیم جاران ئەم دگه هنی.

ههركهس كه سهك دن دگرینه بهلی ئەز تنی خامهیی خوه
دگرینم قیجا پرتووكا خوه ژ بهر دهستین من هلبگره یان ئەڤ خامه
هیڤینی رووپهل سپی ناهیله. ئەز رووپهلان تنی پیس دكم بهلی

رہمہ تیی سالی کوزین وان دقہ تیاند و درانین خوه پی پاقژ دکر۔
ہەر پرتووکهک من بیرہاتنہک وی تۆمار دکہ۔

ب ہەر حال، وژدانا چاخوماری ژی تنی من ناس دکہ بەلی ئەز
نزانم کا حەز ژ چیی من دکہ۔ ژ سەری کەچەل؟... ژ ھەردوو چاقین
کیم؟... ژ قارقوودەیی ل دەمەکی کو قەفتین سمبیلان و بەرکپ و زکی
مەزن بوونە سەرمەرچین پیاوبونی ل فان ھەریمان؟... ژ خەونین کو
وہک ریڤنگین بی قیلەنامە سەری رییان ھوندا دکن؟

- دبه کو ژ ھەرتشتی تە!

- نو... نو!

- نەخوہ ژ خەونین تە رەنگە چونکی وەک وئ بقی خوه تیدە دبینە!

- خەون؟

- !...

- ئەف ھەفسۆزیا بی پایان وەک ھەفتەرەنگی یە د ساھیبوونا تە دە۔
تۆ پتر بیدەنگی بەلی ھەموو ئەندامین لەشی تە دپەیفن نەمازە
چاقین تە۔ دیمی تە ب وان زیوانان وەک زەفیا گەنمی یە و چاقین
تە... چاقین تە ژ چاقین عالیایی جوانترن۔

- ژبەر ھندئ ئەز گەلەک حەز ژ دەنگی فەیرۆزی دکم و ھەررۆژ ل

بەر پیلین موزیککی و ئاوازا سترانا عالیایی دفرم۔

- ھەردەم بفرە قیقیان۔

سەر دونیایی و بن دونیایی دوو جھین جودا نه. ل بن دونیایی تارى يه لهو ئەز گەلەك جارەن هێقى دكم كو من دوو چەنك هەبن دا بەرهف رۆناهیی و بلندیان بفرم و بگەهم هەندەك جھین نەپەنى یان ب كیمی بگەهم كەزیین ئاسوئى. ئاسو وەك كەچەك قەیرە ل بەندا مە دمیئە و پیاوئ ژ مە هەموویان پیاوتر بوویە سەرسەرى و ب دویف دەهەمەنیسان دكەفن.

ئەز نه ژ پیاوئین قى زەمانى مە... ئەللاھوممە ئەشھەد!

قیقیانی، ئاسو جوانە و بی توخویبە. تنئ ئاسو بو كەسەك وەك من جەهەك كیرھاتی یە چونكى وەك كو توۆ دزانی ئەز بیقام حەز ژ ئازادیی دكم و زەمین هەموو تیرا پینگاڤەك ئازاد ناکە.

- ئازادی، نه ئەم وئ ناس دکن و نه ئەو مە ناس دكە.
- دبیژن كو هەندەك ئازادی پەیدا بوویە. دبە...
- لئ نابیژن کیران ئازادی! ئازادیا پەروردهیی؟ ئازادیا باوهریی؟ ئازادیا ژیان و مرنئ؟
- كى دویره ب ئاوايهك ئازاد خوه ل گۆرى دەم و وەراری پەرورده بکە؟ كى دویره ببیژە ئەز باوهر ناکم گافا كو هەمی باوهر دکن، یان وەكى دن؟
- تەف ل ئالەكئ و ئازادیا ژیان و مرنئ ل ئالەك دن... كى دكارە ب ئازادی ژیانئ بەردەوام بکە یان ب ئازادی ئاوايي مرنا خوه هلیژیره؟

- ئۇوژى پىرسىيارىن بارمىتە نە ل بەختى بەندەمانى!
- وەسا ديارە .

و پىرسىيار ل پەى پىرسىيارى پىر دىبە بەلى نامرە .

* * *

لافئاقا ھەستى بىزارىيى و ئازراندنى بىرى و بەندەمانا من
رادمالە . دوماھىيا سەردەمەك زوھا سەرانسەر ھىلىن پان و درىژ
دكوبىرايىن من دە رادگەھىنە .

بىست سالى و ھزرىن دەمدەمى وەك پەروانەيان ل دۆر ئاگرى
سەرى من دزقرن :

ھزرا نىزىك : ئەز گوننەھكارم .

ھزرا دوپىر : ئەز گوننەھبارم .

ھزرا ناقتىن : ئەز شاھدم ل سەر تاوانەك بىست سالى .

ھزرا دىھلەك : ئەز قوربانم .

- 37 - بىست سالى و ئىقارەك

و ل فی باژیرکی رۆژهلانی ههركهس دخوازه دپهلک ههبن
بهلی کی خوهدی دهردکهقه ل دپهلکان؟

ئهئ. ژمیژا ئهز چاقهئ مه کو هزرا وژدانی ژ ی وهک
پهروانهیی خوه د ئاگرئ سهئ من وهربکه و بقهمرینه، ئهقرۆ نه
هزرا وئ لئ ئهوی ب خوه ئهف سهره ههورانده بهلی بداخه ئاگر
نهقهمراند. وهلاتهک سهربخوه، یارین بهدهو، کهقوکین شاپه سپی و
برهک پرسیارین بی بهرسف، ههموو ل گهل فزکین خوینی ژ سهئ من
ههركین و هیژهندهک سهرمهزن ههنه و دبیزن: سهئ وی قالا یه!

بیست ساله و ههموو درین من بوونه گوهد و دخوازن زهنگهزهنگا
دهنگی وئ بههیسن کاتی کو دبیزه: هیژهنهز ههز ژ ته دکم!

جهئ ئاسوودهیا منه دهمی ئهه وهها ببیزه بهلی جهئ ماتهمینیا
منه دهمی ئهز بههیسیم. ناهئ وئ واتهیئ کو ئهز کهسهک سادیزمی
بم، نهخیز. بهلی دهبرینهک راستهقینه یه بو ههستی من وهک پیاو
ئهو ژ یهگهز ئهز پیاو بم هههچهنده تهستوستیرونین* من سازن.

بایی بهفرئ دکاری ل فی نیفرۆیا سپیدار گوھین من بسمینه یان
دهنگی وئ بقهمرینه. بلا چاقین من دیمهئ وئ دیتبان لئ گوھین من

* هارمۆنین پیاو بوونی.

دهنگی وئ نه بهیستبان. ئەز دبیژم بڤهمرینه چونکی په یقین ئەقینئ
وهک خهلامووری نه د زهنگه لۆر و گوھین ئەقینداران ده.

بهری بیست سالان، ل هه یاما دهستیپکا جهنگی کهنداقتی یهکی،
ئهم پیگه هابوون. فه رههنگ ببوو خوین و گولله و سه ندریک و پاته یین
رهش. بهلی وژدانی ب دیمهن و دهنگی خوه هندهک ههفسهنگی د
رهوشا من ده ئافراند. ههستی خوه ده ربی و گوته من: "ئەز ههز ژ
ته دکم!"

ئهو چه ند سال بوو مه دزانی کو ئهم ههز ژ هه فدوو دکن بهلی
مه دهرا خوه نه ددیت ئهم ههز کرنا خوه ئاشکهرا بکن ژ بهرکو جار
دگوئن فهیته و جار گوئنه هه.

پیسترین بوویهرا وئ هه یامی دهستیپکا جهنگی کهنداقتی یهکی
بوو، و جوانترین بوویهر ژئ ئەقینا وژدانی و من بوو.

هینگی هه می ژترسان ده دمرن و ئەز قه دژیم. خه لکین قان
باژیرکان ههز ژیکرن ژ بیر دکرن. به رهف ئامیره تبوونی دچوون. ژ بلی
پاره و کوژتن و بوهوژینی ئاگه ه ژ تشتهک دن نه بوون و دهوله سه ری
ئەقینا وئ من ژئ تنی ئاگه ه ژ کوژتن و پاره و بوهوژینی نه بوو.

"هیز ئەز ههز ژ ته دکم!"

داوی چہندین سالان بھیستنا فی ہہٹوکی ببوو مہرہقہک مہزن۔
ببوو خہون و خوہزی۔ بہلیٰ نہا د قالایا دہمسالیٰن من دہ تہف ب
جارہکی ببو مژ و مؤران۔
- و ل دوماہییٰ مژ دپڑکہ!
- ل دوماہییٰ... لیٰ کی دبیزہ دوماہی بہ؟ کی نابیزہ دہستیپیکہ؟ تو
دبینی، دیسان پرسیارا دہستیپیکہ و دوماہیکہ ریکیٰ ل مہ دگرہ!

سالہہان سالہ و ئەز ل ہیفتیا وژدانا بیٰ وژدان۔ وئی ژئی ل سہر
دیوارئ ببدهنگیٰ، بہری کو بہرفینہ، ئەنیشکا خوہ دپالاند و ل
بہندا من بوو کو ئەز ببیزم: ” ئەز ژئی حہز ژ تہ دکم“، دزانم کو ژن
حہز ژ پھیٹین ئەفینئ دکہ و پھیف رییا ہہری کورته بو دلیٰ وئی۔
دزانم ژئی کو ہکەر ئەفین نازاد بہ وی چاخی ژن و بیاو دئ و ہک دوو
جہمسہریٰن سار و گہرم بن۔ بہلیٰ کی دبیزہ ئەفینا کسہک و ہک من
ژ چل سالیٰی بوری ل گہل بویرنہک ہیژ جھیل، د جھاکہک نہساز دہ،
ئەفینہک نازاد و پھوا بہ؟ و کی دبیزہ وژدان ژنہ و ئەز بیام؟

ئەز دترسم فیفتیان۔ نزانم ژ وئی دترسم یان ل سہر وئی۔ ہہستہک
ژاندارہ ل فیٰ ئیقارا فیفتیانانہ من دئازینہ۔ ساوہک سہبرینہ دہیلہ
ئەز و ہک مندالہکیٰ بھوینم، گہہ نازہلین و گہہ ہار۔

بهري من دزاني چما ئه و چه ز ژمن دكه لي نها ئه ز نزانم. بهري
ئه ز داگرتي بووم بهلي نوكه قالا مه... قالا.

* * *

هزرا من وهك بيواني به، تزي به ژ لهيلانا فهندكار. ديمي من
وهك ئاسماني به، ب روژ ساهي به بهلي ب شهف عهوردار. جهستي
من ژ بهر داخداني بوويه نهخشهك ديموگرافي و سهري من زي وهك
كو تو دبيني: مويين سپي كهتن سهري من و هيژ پيلين خواهشي
نهگههيانه بهراقين دلي من. ئه ز گوماني د ههميي ده دكم، نهانته
د هاتنا وي ده زي بهلي تني گوماني د ئهقينا وي ده ناكم ژبهركو
تهك راستي به د ساليين ژيي من ده.

ئاراستهكرنا پرسياران بوويه نهساخي ل جهم من و وهسا دياره
كو ته زي فهدگره. پرسيار بكه. تو بهرسقي بزاني يان نزاني هه
پرسيار بكه چكو بهرسف ژ بهرسقي جودا به. كي دكاره خوه ل بهر
پرسياران رابگره؟

كهس...؟ پيروزي...؟ راستي...؟ ديروك...؟ يان تايبهتمهندي؟

ب پرسيارهكي و هندهك گوماني ئه و ههمي ژ راستهقينيا خوه
دترسن قيجا ب بستههي پرسيار بكه.

تاييهتمه ندى مافهك رهوا يه بو ههر ئادهميزادهكى بهلى ب
ئەسپايى پيشيل دبه لهورا پارازنتا تاييهتمه ندى د ئازاديا
ئاراسته كرنا پرسياران و بهرسقدانى ده يه. نه گرنگه ئەز بكارم
بهرسقا ته بدم بهلى گرنگه تو بكارى پرسيار بكي.

* * *

ب تامه زروويى تو حەز دكى دەر باره ي گوهنيلىي تشتهكى
بزاني. پرسيارهك گرنگه چونكى گوهنيلى يهكه ژ بنه مابين ئەقينا
ساز و بهردار. و ئەز دشيم بيژم كو بنه مايئ سهرهكه يه ژبو
پهره سەنديئ. بهلى ئەقينا مه پتر روحى بوو. د خه يالگه هي ده، گاڤا
كو ئەز حەز بكم ئەو دهئ و ب دەستين خوه من تازى دكه و ب
دەستين من خوه تازى دكه. وهك بهرئ بهيتئ و ئەز ل دوور دزقرم.

ئەگەر گوهنيلى وهك پراكتيك ههر دلوپهكى ژ دلؤپين خويدانا
كونيله بين پياو و ژنئ نهكه په لاتينكهك و ل هنداڤ وان نه فرينه، و
ئەگەر چاقين وان وهك ستييران دبن پهردين تارى ده نه دره وشينه،
هينگئ تنئ دبه ئەركهك سار و بي واته و ئەرك ژيانئ دكوژه.

ل پرانيا فان باژيركان بهرى گوهنيلىي پياو و ژن جوان و
نازهلين و ب ئەتيكيت رهفتار دكن بهلى داوى هينگئ كرئ و

تامسارن و ب ئاوايهك ههژى بيز رهفتار دكن و تنى هينگى جودايى د
ناقبهرا ئهفين و چهزكرنى ده خويا دبه.

گوهنپلى هونهره، كهقالهك شيوهكارى يه و نه ههركهس دكاره
تبيگههه. گوننهههكه و مروف دكاره ل گهل ههركهسى بكه تهناهت
ل گهل ئازهلان زى بهلى ئهفينا روحن خيرهكه و نه ههركهس دكاره
بكه.

* * *

من ساره...

بهرى بيست سالان وژدان و ئهز هيژ دوو سنيل بوون. دهمى وئ
ههست ب سهرمايى دكر، من دگوت: ل گهل خوه ببيزه من گهرمه داکو
ته گهرم بيه!

مهسهله سايكولوژى بوو. بهلى گوتنين من ههموو نه بهرامبهه
كريارهك وئ بوون.
- ته ب گوتنان ئهه گهرم دكر و وئ ب كرياران؟
- ئهه. ههتا رادهيى سوتنى.

جار ههروهك ئهو دايك و ئهز جهگهر، سهري من دادهيئا سهه
چوكا خوه و دگه مراند. جار زي وهك عاشقا بييريدار و دلپزي ب بيھنا
خويانا مه مكنن ژ تاما بهرسيله يي و ب گولافا ميړگين خوه
هه ناسه يين من دادگرتن. ب لامزين دلكي خوه مويين لهشي من
قه دلهرزاندن. وهك دارا ئه رخه قاني ئهزل ژيتر سيبه را وي رادكه تم و
وي بهلگ و كوليلكين خوه ل بهر بايي هه سره تان ب سهه من ده
دباراندن. ب مههن، ب نهرم و نياني ده ستين خوه ل ستويي من
دئالاندن. ب ئاوايهك ئاسته مي جهي تلين وي وهك قامچيان ل
قوولنجين من چاپ دبوون بهلي يا زهه ميي خوه شتر پسته پستا وي بوو
گاڤا كو سهرين ليقين خوه دگه هاندين قه راغين گوھين من و ئهز گيژ
دهيلايم... سينگي خوه يي قه پهنگزي ب سينگي من يي بهرده لاني
دپه رخاندا. پيلاخين گهرمدار ب قارقووده يي من دهه سوي. وهك
قولكاني بهري په قيني، وي بورچك دهاڤيتن و ئهز زي وهك
بيسه رهكي ل جاتي كو خوه خلاس بكم من خوه دهاڤيت دناق ده.

فيڤيان، ئهز چاوان ته تيبگه هينم هيران؟

نوکه زي ساره. روحا من ساره. كي دکاره روحي گهرم بکه؟

د ساليين زندان و گرتيگه هان ده، نه تني دلي من شكهست، و نه
تني خهون و ميره قين من. دهنگين شكهستنا وان هات بهيستن بهلي
دهنگي شكهستنا روحي و پياو بووني نه هات. ههروهسا دهنگي گاڤين

خوهدئ کاتئ کو بازدايي و ئەز ب تنئ هيلام د زندانئ ده بهلي
وژدانئ ئەز نههيلام. ژ هينگئ ده ئەز ژ وي دترسم، بيدي ههز ژئ
ناکم. ترس ترسئ پهيدا دکه و ههزکرن ژئ ههزکرنئ پهيدا دکه. دبه
کو ئەو کهسهکئ ژ بير نهکه بهلي بيړيا ههزکهسئ ژئ ناکه. دبه کو
پشتا خو نهده کهسهکئ بهلي بهري خو ه ژئ ناده ههزکهسئ. کا ئەو
چاوا يه ئەز وهسان وي دپهژرينم و کا ئەز چاوا مه بلا ئەو ژئ وهسان
من بپهژرينه.

دادمه نديا راسته قينه ئەوه قيفيان.

بهري تنئ دوو راستي د گهردوونئ ده ههبوون: ئەو و گوهورين.
نھا بوونه سي راستي: ئەو و گوهورين و ئەقينا وژدانئ.

* * *

ههلويستين من دهباره ي باوهري و مافين راهينانئ ديارن.
ههروهسا دهباره ي پرسين ئاکار و پهروهدهيا کومه لگه هي. دبه کو
ئەز کهسهک هيمن بم وهک ئەز دبيزم يان ژخوه خلاس بم وهک ئەو
دبيزن بهلي قهنج دزانم کو روژ د بيژنگئ ده ناهي قهشارتن.
بهکارين من وهک ئاقا کانبي ژ کويرايان دزين و دبن جفاکئ نفستي
ره دهه رکن ههتا کول سهر کاغهزان چک دبن و ل دوماهيئ کهسهک
وهکي ته بخوينه.

هندهک جاران ئەز ههول ددم ب نقيساران دهربيڤم بهلي دهمي
رووبهري راستيا جفاكي مه و دياردهيي نه ساز ديم، بيحهمد، خوه ژ
بیر دکم. دادپرسیا من دگهه پهيف و پرسيار، ههست و سهودايي
من ژ ههف قهدهتن و د ئاکام ده هندهک سهرخالين ژبيرکری تۆمار
دکم.

قيفياي، ل جفاكي نهخواندهوار ده نقيسکاري دبه بهلا سهري
نقيسکاران ...

تۆ دزاني، خوهدي ب خامهيي سويند خواريبه. گهلهک جاران
ئاماره بو خامه و نقيسکاري کرييه و تني دقورئاني ده سي سه د و
دووانزدهه جاران. ئيستا كي هاي ژ خامه و نقيسکاري ههيه؟

زهماني لههنگانه، بههرا پتر بوونه لههنگ و تني سههاتي و
داستانين خوه قهديگيرن. لههنگ زهحفن. ههروهسا بهرپرسيار و
سههاتي و داستان بهلي چما زوي دهين ژبيرکرن؟

- بهزادي د نامهيا دوماهيي ده گوت کو جفاک و کهسين
بهرپرسيار ل ئاوروپايي قهدي نقيسکاران قهنج دزانن. جار جار د
پهيامين خوه ده پهندي نقيسکاران ب کار دهينن، نقيسکار مارسيل
بروست وهک نمونه.

- ئەرئى. بەس ل رۆژھەلاتى جودا بە. دترسن كو ئەو ب خوه بچويك ببن دەمى كەسەك دن مەزن دكن.
- پەرودەگار جەختى ل سەر پېدقيا خواندن و زانينى ژى دكە.
- كى دخوينە؟ كى دزانە؟
- بلا نەخوين و نزانن بەلى بلا گوهدارىي بكن. پەند دپېژە: "نەزانى گوهدار چپترە ژ نەزانى نەگوهدار!"
- نقيسارا من يا دوماهيى دەر بارەى كوژتتا ئافرەتان ب ناقي ئافروويى گەلەك كەس و لايەن ئارھاندن.
- من خواند.
- ئەز دزانم تە خواند و تە دقيا پتر تيبگەھى لەو تە ھندەك پرسیار ژ تەفنى وئ ريسان لى ھيژ گەلەكان نەخواندییە ب تايبەت ئافرەتان.
- ما ھندەك ئافرەت ھەنە جوامير؟ ب شەقى تنى پييان بلند دكن و ب رۆژى ژى كيلويين زيىرى دپيقن. ئەگەر ئەو بخوين لازمە زيىرنگەر دەرین دكانين خوه بگرن و ل كارەك دن بگەرن...
- و ئافرەتین گوندان؟
- ئەو گوننەھن. تنى خوارنى چيدكن و بچويكان دزين.

مزارا ئافرەتى يەك ژ مزارين تابو و ھەستدار وەك براكوژيى، ئابورئ مردار، گەندەليا ريفەبەرى، زيىدەگاقى و تاوانين بەرپرسیارين سياسى بو نمونە كوژتتا ئافرەتان. ھندەك كەس ناخوازن ئەز ل سەر

بنقېسم بهلې دخوازن ب مه دح و سه نايان هه رروژ پرتووكه كې چاپ
بكم.

- ئه ز د بېټم نه هه ركه س هېژا به كو مروڦ په سني وي بده!
- قېقياني، بېټره نه هه ركه س هېژا به كو مروڦ ره خنه يې ئاراسته
بكه.

كوژتن ل هه ر درئ هه يه لي حه زناكن ل سه ر كاغه زان هه به.

وان له هنگان بره ك قيزين ده همه نپاك په فاندن و ژكه چيني
ئېخستن و پاشي ل هنده ك جهين قه دهر وه ك نزارين سيجي ئه و ب
خوه بوونه پېزه قهنگ بو ئزائيلي. سه راره ي سيكاري، وه ك
په روپاگه نده ل ناڤا جفاكي دگوتن كو هه موو قه حېكن و حه قې وان
كوژتنه... عوزرا ژ قه بجه تي مه زنتر.

- ياسا دكاره بپاوان بپاريژه و نه هيله كو ببن نپره كهر. دكاره ژي
ئافره تان بپاريژه و نه هيله كو بين قه حېك.

- كي ياسايي ب خوه بپاريژه؟

- ياسا كوړه به و كه س ئاماده نينه ده ستي وي بگره.

بيرا ته ده ي ئه و بپاوي سه قهت كوره ك ساڤا ل ملي خوه
هلدگرت، ب لاف و قه پهرين دگوت: ژنا منه و ئه ز قايلم... تكايه
نه كوژن!

مېيونا وئ كرن تاقىگهه ژبو سهلماندنا پياوونى و پاشى
گوللهيهك گورى كرن. پياوئ سهقهت و بيكار دزاني كو ژنا وى خوه
دده بهلى ب خوهداني ناني روژئ بو وى و كورئ ساقا و ئيكانه پيدا
دكر.

وئ ههيامئ رادهيئ بيكاريئ گههياوو نووت ژ سهدي. بو پياوان
براكوژى و كهچكوژى ببوو كار و بو ژنان زى سوژاني، ب زمانى
نيرهكهران ئانكو گاندان.

- ههكه رتول جهئ وئ بايا دا چاوان رهفتار بكى؟
- ئەز ناخوازم خوه ل جهئ وئ ببينم.
- كى دبيژه كو وئ دخوازت؟ بهلى بههرا پتر بيچار دميين و ل
داويئ خوه ل وان جهان دبينن. قيفياني، جهين قالا گهلهكن و خوهزى
ههمى وهسان زوى و سانههه هاتبان داگرتن.
- د قئ كيليكى ده ئەم ژ ههردهمهك دن پتر راستن ل گهل خوه. لهو
حهز دكم پرسيارهكئ ژ ته بكم.
- كه رهم بكه بي دوودلى.
- پا ههكه رتول جهئ بهر پرسيارهك كاله قاز بايا؟
- ئەز ژى خوه ل جهئ وى نابينم دزاني چما؟
- تو ببيره چما؟
- چونكى ئەز ب ئيكجاري ژ جه و زهمانى دهركهتي مه.

٤

[تلا شهدي ئاراسته‌ي كه‌سي به‌رام‌به‌ر خوه نه‌كه چونكي هينگي
تليين دن ههمي ئاراسته‌ي ته ب خوه دبن ...]

- ئوپالا جفاكى يە .
- دېە . بەلى جفاك ب خوه زى گوننەھبارە .

جفاكى مە وەھا يە . ل ناڤا بيانان تاكەكەس جفاكان
دادمەزىنە بەلى ل ناڤا مە جفاك تاكەكەسان دادمەزىنە .

قىڤيان، تۆ نە تنى ل من تىدگەھى بەلى تۆ ھەست زى ب من
دكى لەورا دىيژم ئەگەر كەسەك د ژيانا من دە ھەبە و شاپەستەى
سوپاسىي بە ھەلبەت دى تۆ بى .

من وەھا دزانى كو ئەز دانا مە، قەنجم و ل گۆر وى سەرگەيى
دى بشىم ل سال و زەمانەكى كارەك ساز ئەنجام بدم بەلى ھەبھات .
ئەز نەزانەكم و... ھەو .

ئەف جفاكى زالم من دپووكيينه، من دهيره و هەر دانكهك من
دهافئزه درهكى. كى دكاره من بقئده؟

سالى و بهزاد ل سهر من دترسيان، دگوتن: بيدي نه نقيسه!

من زى دگوت: ئەگەر ئەز نه نقيسم ئەز دى بهيم نقيسين!

بهري، پهيئين من وهك كۆمپان جيهانا من يا سار و تارى گهرم
و رۇناهي دكرن بهلى نها وهك پريسكيين بارانهك بوهارى نكارن
زه مينه يئ من ئاف بدن. دبارن و د عهيني ده مى ده ئاگرئ هنافئين من
گوب دبه.

ئەز شل ديم بهلى ئەز دسوژم زى قيفيان.

* * *

نه سانه هي يه كو نقيسكار ل وهلاتهك داگيركرى ل سهر
ئازاديئ بنقيسه، يان ل سهر دهر بهستيئ ب ئهرک و مافان، يان ل
سهر لاوازيا ياسايئ همبهر هيژداريا بيباريئ، يان ل سهر گرانيا
بيباريئ و سفکيا بهرباران، يان ل سهر جه گهردارى و قوربانئي کاتي
كو ميرئ باوهرمه ندان ژ ترا خوه فه دجنقه و برويئ خوه دگه هينه
ههف، يان... و يان... وهتد.

دبیرن بنقیسه بهلی نه ل سهر ههر بابتهتی.

نقیسکارین مه بههرا پتر ژار و بهلهنگازن. ههول ددن بهرسقا گازیبهک نهپهنی بدن، گازیا روحی. ل ناقا نهتهوهبیین دن نقیسکار نانئ خوه ب خامهیی خوه دخون و گهلهک جاران بهتهر دبن بهلی ل ناقا مه نقیسکار ههردهم قهردار و بهرگازنده نه.

ئو نهتهوهیا قهلهمی بشکینه باوهر نهکه کو تشتهک تیده ساخلم بمینه.

گهلهک ژ فیلوسوف و نقیسکارین روژئافایی د ژيانا کهسایهتی ده جودا بوون ژ تهقایی. ب زمانئ کولانی ئانکو: هندهک فهلیته بوون، هندهک قومارکهه بوون و هندهک قویندهه بوون. لی ب راما و بیردوژین خوه بیین ساز کیر جیهانی همیی هاتن. پرسین خوه بیین کهسایهتی تهف ل پرسین گشتی نه دکرن. کوچا دوماهیئ کرن بهلی وهک ئهفرینه نافتین خوه ل رووپهلین دیروکئ نقیساندن، پهیره و ریبار دامهزراندن. ههرسال ل سالیادی وان ریژهیا ههره مهزن ژ خواندهقانان سهرانسهه جیهانی سهری ریژ و نوازشی دتهوینه.

قیفیانئ، پیویست ناکه کو ههر فیلوسوف یان نقیسکار ببه فهلیته یان قویندهه و پیویست ژی ناکه کو ههر فهلیته یان

قويندههك ببه فيلوسوف يان نقيسكار. ل جبهاني هميي گاڤا كو
باسا وان دكن ب شانازی ديژن فلاني فيلوسوف يان بيقاني نقيسكار.
كس نابيژه فلاني فهليته يان بيقاني قويندهه. مهبستا من نه
تاكهكسي يه، بهلي پتر جفاكي يه. جفاك دكاره ل گور داخواري
هموو جورين مروفتان پيدا بكه و وهسا دياره كو - ههتا نوكه -
بيدنيا جفاكي مه ب فيلوسوف و نقيسكاران نينه.

جفاكين روژنفايي كهسين فهليته و قويندهه دكن فيلوسوف
بهلي جفاكين روژهلاتي فيلوسوفان دكن فهليته و قويندهه. نه تني
ئهف، بهلي ب فهتوهيا كهفنهپهستهكي دكن سهريور دكو كهس چاف
ل وان نهكه.

و... سهري خواندهفانان ساخ به.

كهسين كول سهر زندانيان، ديهلکان، دينان و ژبيركريان دنقيسن
ههلبهت ئهو د ئافكارنا خوه يا كهسايهتي ده تايبهتن.

پرسيار: بههرا پتر ژ مه زنداني نه، ديهلکن، دين و ژبيركري نه،
بهلي كي ل سهر مه دنقيسه؟!

- ئهز گومان دكم كو ههتا نهئا ئهو واتهيا نقيسكاريي تيگههن.
- گومانانا ته دجهي خوه ده يه.

- ب. سپینۆتزا دبیژە کو گەرەکه مرۆف ئازاد بە، یان سەدی سەد
ئازاد بەزرینە یان ب ئیکجاری نەهزرینە.

- تۆ ببیژی کو وی چاخی زیڤهگافی پەیدا نەین؟ یان ئازادی واتەیا
خوێ هوندا نەکه؟

- ھندەک کەس وەھا دبیژن و ل گۆری وەج و بەرژەوێندیی سنۆران
بو ئازادیی ئاڤا دکن. زیڤهگافی، لارییوون، حیجیوون و سەریەردان
ئەڤه ھەمی تیڤهھین سەربخوێ نە، ھەرەسا ئازادی بەلی دەمی کو
ئەو شروڤه دکن بەکسەر تەڤلەھەڤی پەیدا دکن.

ھەبوونا ئازادیی ل ناڤ جڤاکی ب ریژەیا ھەبوونا ئڤیسکار و
چارەسازین ئازاد ڤه گریڤای یە.

وہا دزانن کو ئڤیسکاری ڤەرمانبەری یە و پیڤدی یە پیڤگریی ب
رینمایان بکە. سەرمەرڤی ئڤیسکاریی ئازادی یە. نزانن کو کەسی
ئڤیسکار دەستەھلات ل سەر دەڤی ئڤیساری نەمایە، ئڤیسکاریی یاسا
و زاڤۆننن خوێ ھەنە و ئەو یاسا و زاڤۆن ئڤیسکاریی ژ ئاڤتەنا
نۆرمال جودا دکن. کەنگی دئ خوێ تیڤهھین کو کەسی ئڤیسکار
دکارە ببە یی دن و وی چاخی ھەڤکیشەیی تەڤاڤ بکە. دکارە خوێ
ژی بمرینە. دکارە بی کو ژ جە بلڤه مەودایان دەریاز بکە، ھەرەسا
توخویبان ب تاییەت توخویبین یاسا و ناسنامەیی.

ثیفیان، نفیسکار ژ سته مکارین جیهانی هه موویان ناترسه بهلی
تنی ژ یهک تشتی دترسه. نه بیژه ژ مرنی. نا... نا!

- نه خوه ژ چی؟
- ژ نفیسکاری ب خوه دترسه!
- ئهن تیناگه هم...
- دزانم تو تیناگه هی چونکی تو د جهی خوه ده دججقی. نفیسکاری
می یه و هشی نفیسکاران نیره، ئهو دترسن کو هشی وان ژ ی بکه می.
- بلا هه می ببه می!
- بلا ببه بهلی وی چاخ میاتی هه یبه تا خوه نامینه.
- جاره کی من پرسیارا واته یا نفیسکاری ژ ماموستایا ویزه یی کر،
گوت: نفیسکار وهک دارا بی قورمه بهلی ئهنجهق کاته دده و بهری
خوه دگره. و پاشی پیقه زیده کر و گوت: وهک دهقهک بی یاسا یه ل
به ر هه رتشتی فهکری یه.
- خه بهری وی یه.
- و هندهک جاران قریاقووس دبیژه کو نفیسکاری نانی ناده مروقی.
- راست دبیژه. بهلی گهلهک کارین دن ژ نانی نادن مروقی وهک
روژی و نفیزان. دیاره قریاقووسی ئهنجیلی ناخوبینه یان تیناگه هه.

* * *

د کومارا بېمافیې ده مافی وان ههیه ژ نفیسکاریې بترسن بهلی نه ژ ههر نفیسکارهکی. مافی وان ههیه من بیژن و خهونین خراب ب من ببین بهلی مافی وان نینه ژ من بترسن چونکه بیست ساله و من نهشیایه قوژبنهکی تنی ژی د زندانهکی ده (زندانین کهښه - نوی) بکم روڼاهی. بیست ساله و من نهشیایه بشکورینا زاروکهکی د ناقا پیلین فهرمیسکان ده ل سهر دیمې وی بقیدم. بیست ساله و من نهشیایه قیما کهسهک باوهردار بهینم کو جارهکی تنی د تهمهتی خوه ده گومانی بکه.

قیفیانې...

عهورپن بیدهنگیې ل پوانین ته دبارینن و هزرپن ته مینا سفیانکان ژ سهرپن ملین ته دفرینن. ئەز دکارم بهردهوام بناخقم و تو ژی دکاری بهردهوام گوهداریې بکی، وهک ههرجار ب ئاوایهک ئازیمه دهستی خوه دابهینی ژیر وی ئهرزنکا وهک قوبهیهکی ل هنداق گهردهنا بلند و ئاسی، بهلی کی دکاره نهکارینا مه تیگههه؟

تهمهتی ته نووزدهه ساله، ژنوی ئازهبه ل دیمې ته یی تریفه دار خویا دبن. و تهمهتی نفیساندنا من بیست ساله.

ئهری، بیست ساله و ئەز دنقیسم؛ ل سهر بېریا وژدانی، ل سهر راستی و نهراستی ژیانې، ل سهر ههمیان تهنانهت ل سهر جیهانا ته

ژی بیی کو تو بزانی. تنی من ل سهر خوه نه نقیساند چونکی ئەز
هەمیئ دبینم لئ خوه نابینم، و هەمیئ قەدناسینم لئ نکولیا زاتی
خوه دکم.

نقیسکاری پرۆسەسەک ئالۆزه ب تاییهت گافا کو نقیسکار پیاو
به و ل سهر ژنی بنقیسه. بیردۆزا فیتاغۆرسی کو ب هەزرهتی
زهردهشتی داخبار و ل دوماهیئ هەباندی، وهک تازییهکی رادهیله
هزرین من و هزرین من ژی وهک کیفریشکان د نهالین سهرئ من ده
بیهووده درهفن.

ئهو دبیزه: ئاهۆرامهزدا ژیدهری ریکخستنئ، روناهیئ و پیاوی
یه بهلی ئههریمهه ژیدهری ههراپی، نارپی و ژنی یه.

بیردۆزهک بهرگومانه لهورا ئەز ب خوه نهویرم زوی ب زوی ل
سهر ژنی بنقیسم ژبهکو خوهرستهیی تاگریی بو پیاوان دئ دهقی
نقیساری بههرمینه.

من ل سهر پرس و مزارین جودا نقیساند و ههژی گۆتنی یه کو
ههتا رادهیهکی ب فیلۆسۆف و بیرمهندی مهن داخباربوومه. دبیزم
ههتا رادهیهکی چونکه ئەگه نهرادهدار به کهواته ئەز ژی وهک وان
پایهدار و بلیمهتم. ئەز ژوان فیڕ بووم و هیژ فیڕ دبم: د تهنگافیان ده
پرسیاران ئاراسته بکم. خوه کیم نهبینم بهلی د ههمان وهختی ده

خوه ژ کهس دن زېده تر نه بېنم. خوه نيزیک نه یاری خوه بکم - نه گهر
هه به - و دلې من بو قه کری به ژبو کو هه ست پې بکم ب تایبته ل
ده مې رووبه ریې. تلا شه هدې ئاراسته ی که سې نه کم چونکی هینگی
هه موو تلې دن ئاراسته ی من ب خوه دېن. ل هه ردوو چاقین په یفداری
به رامبه ر خوه بېنم ده مې ل گهل من دپه یقه. گه له ک بخوینم و
گه له ک بنقیسم چونکی خواندن زاگه هې ئه فراندنې به و نفیسین ژي
راهاتنه. گومانې بکم دا به زینم و به زینم دا بمه یزینم و بمه یزینم
دا ببینم و ببینم دا کور نه بېم و کور نه بېم دا د تاریستای ده نه ژیم.
ب ئالاقین خوه یېن تایبته جیهانه کی ئا قا بکم نه کو ب ئالاقین
به رده ست. باوه ریا من هه رده م کیم به داکو پپو یستی ب پرسیار و
هزر کرنې بمینه و مه ژیې من ژ کار نه که قه. پرتووکا خراب به ری یا
قه نج بخوینم ژ بهر کو مافی وې پتره. سه ربخوه بم دا ئایدولوژی یان
فه لسه فه یه ک تایبته باندوړې ل ئاستې وهرار و ئه فراندنې نه که.
نه گهر نه ز نزانم هینگی به کسه ر بېنم نزانم ژبو کو جاره ک دن
بېنم دزانم و وی چاخی ژماره یا نه زانان ل جیهانې به کی کیمتر ببه.

ئهرې، تو راست دېږی.

نه تنې ل سه ر ژیان و مرنې به لې ل سه ر گه له ک تیگه هین دن
ژي من نفیساند هه روه ک ده وله تی، ئه فینې و براکوژین.

ئەز ناخوازم برىنن كەفن بڧەكم بەلى براكوژى پرس و
گرىبەستەك سايكۆلۆژى يە ل بال مە. براكوژى بوو نەكو برابرىندارى
بوو قىقيان. تۆ بىژى كو مللەت وئ ژبىرەكە؟... تۆ بىژى كو نفش بو
نفشى مفايئ ژئ وەرەگرە؟...

براكوژىي پتر ژ سئ هزار چرايىن ژيانئ د شەفستانا مە دە
قەمراندن. سئ هزار خەون بەرھافىتى بوون و سئ هزار پرسىار پەيدا
بوون. دبىژن كو براكوژى ب داوى ھات. گەلەك تىشتىن دن ژى دبىژن
بەلى نەمانا براكوژىي ھەك كردارى ناھى وئ واتەيى كو شوينكار و
كارتىكرنىن وئ نەماين.

من ل سەر كاغەزان ئفيسانە. بەلى ل دۆرھىلى دە نەدھات
خواندن.

- تۆ چ دبىژى بو تىگەھى دەولەتى؟ دەولەتەك كوردستانى؟
- كۆمارا كوردستانا فەدرال .

دەولەتەك سەربخوھ ئاڧا بېھ و ھەڧوھلاتى تئ دە ئازاد و
سەربخوھ بىمىن. ئاوات و خەونىن وان بەرجەستە بىن نەمازە ھەگەر
ھەڧوھلاتى چەوساندى، سئەمبار و داگىركرى بن ھەروھك تە و من. كو
پىكھاتەيى سنج و ئاشنا بوونى دگيانەك پەروەردەيى دە بھى پارازتن
دا مەبەستا بەرجەستەكرنى خوھ بسەلمىنە.

قېڭيان، بوھايى دەولەتى دىمىنە ل سەر ئاوايى بەرجەستە كرنى
و دەرېپىنا وان ئاوات و خەونان، ئانكو: ل سەر زەمىنەيى كەتواری و
ل ژىر سىھا يەكسانى و وەكھەقئى، دووبارە دېڭىم يەكسانى و
وەكھەقئى، ھەقسەنگىيەك گونجايى پەيدا بىھ و د ئاكام دە
ھەقوھلاتى نرخ و بوھايىن خوە ل گۆر دەستۆرەك بەرھەف بو
گوھۆرىنى بپارىزن و ب ئەنجامان راستيا بەرجەستە بوونى
بچەسپىنن و سازيا دەولەتى براگەھىنن.

- ئەفلاتون و ھەا دېڭىھ؟

- نە تنى ئەو بەلى ئەھمەدئ خانى و ھىگل و گەلەك كەسىن دن
ژى و ھەا دېڭىن.

- سەبارەت ب تىگەھى ئەقنىن؟

- ھەكەر تە كارى د تارىي دە بىنى و د بىدەنگىي دە بېھىسى، د
گرىانى دە بگرنژى، د رەتكرنى دە بپەژىنى، د پەژاندى دە رەت
بكى، و گاقا كو پېويست بە بېڭى نۆ، ھەز ژوى بكى بى كو ھەز ژتە
نەكە، ئازا بكى، خوە ژ بىر بكى و كەسى دن ژ بىر نەكى، بېڭى تۆ و
پاشى ئەز، ھىنگى بزانه كو تۆ ئەقندارى، ئەقندارەك راستەقىنە.

* * *

دېڭىن: تەمەنى تە چل و تىتەك سالە. چل و تىتەك سالە و تۆ
دژى! دېھ...

كەس نابېژە كو چل و تشتهك ساله و تو دمري رهنكه چونكه
هز ژ مرنئ ناكن. هز ژ مرنئ ناكن و ژيانئ ژى دكورن.

ئەو نزانن كو بېست سال ب بەنده مانئ قەديان. دئ بېژئ ئەز
نۆح پېغەمبەرم و دئ نەھ سەد و پېنجى سالان تەمەنى بېورينم قېجا
خەم ناكە ئەگەر بېست سالان ل بەندى قەسەيەكئ بمينم.

قېقيان، وەك ئاقامەزن تو هېمن و ئارامى بەلئ د كويرايين تە
دە شەپۆلەك پرسياران هار دبه. چيئدبه تو دزاني كيزان قەسە يە ئەز
ل بەندى وئ دمينم بەلئ ئەنجەق بېدەنگى چونكه تو ئافرهتى و
وھينئ ئافرهتئ، وەك تو دزاني، مەزنە.

- ئەز ژى وەك تە دكم.
- ئەرئ وەك من، د دەمئ پېويست دە خوە گيل دكم.

بەلئ، ئەگەر هەر نەھ سەد و پېنجى سالان جارەكئ ئەز
چاقەرئ قەسەيەكئ بم كەواتە تەمەن ھەموو چەند قەسە نە و دوير
نېنە كو بئ وائە بن ب تايبەت ئەگەر ريژەيا ھەرە مەزن ژ مە نەزان
بن.

- وەھا دزانن كو زانين ب خواندنئ يە!
- لەبئ. وەھا دزانن كو زانين ب خواندنئ يە. كى تەمەت من
دخوينە و كى تەمەت من نەزانە؟

ب راستی بیست سال گهلهکن نهمازه د کومه لگههک
روژهلایتی ده: کومه لگههک چهوساندی و دهه مان ده می ده
چهوسینه ر. په نایئ تنئ بو رابردوویئ بی قه گهر دبه. هندهک جاران
رابردوو ئیورگههک ئارامه. رابردوو و داهاتوو وهک دوو ژنئین
سه رههوی نه و خوه دیئ دوو ژنان زوی پیر دبه بهلئ درهنگ ب خوه
دحهسه.

نه هه سهد و پینجی سال ته مه نهک دریژه. کیلیکهک کورت تیرا
ههیه ب دوماهیک بهینه لی بیست سال نه گهلهکن مروښ ل هیڅیا
راستییهکئ بمینه و ل داویئ ئاشکه را بکه کو ئه و راستی تنئ
دره وهکه. ب هزرا خوه ئه ز دشیم باوهر بکم کو چه زره تی نوح نه ه
سهد و پینجی سالان ته مه ن پورانند و رهنگه پتر ژی چکو توخوبیئین
هزرئ ژ نه ه سهد و پینجی سالان دوپرترن. بهلئ کی باوهر دکه ئه قه
بیست ساله و ئه ز ل هیڅیا راستییهک ئاسان؟

- راستییهک پیروژ!
- نو، راستیا ئاسانه نه یا پیروژه.
- ئه ز تینا گه هم!
- قیقیانئ، ربیا راستیئ پیروژه بهلئ نه راستی ب خوه.

راستیا ئهڤینهکئی کو وهک تاوان د دهرحەق من ده بهی
ڤهناسین و بیڤهیی ل بن پین من بههژینه و بهیله ئەز - ئافه‌ریدهیی
سه‌یر - د بازنئی خوه‌زایی ده سه‌خه‌را خوه یا بی پایان بسه‌لمینم و
ئه‌ڤجا، ئه‌گه‌ر سالیین ته‌مه‌نی مان، ب هه‌ول و کزاف ژ خالا
ده‌رپه‌رینی ده‌ست پی بکم و مینا هیله‌ک راست بچم و بچم بی کو
خوه‌هر بچم بیان بڤه‌تم.

بیست سال... ئانکو هیژ تو نه‌هاتبوویی ڤیڤیانی. به‌لی ڤه‌نج
بوو تو هاتی. سوپاس بو هاتنا ته.

- مروڤ ژ کویڤه ده‌ی؟ بو کویڤه دچه؟ چاوان و که‌نگی؟
- ده‌رباره‌ی پرسا ژیان و مرنئی ئەز کیم دزانم.
- تو دبیری کو مرن هه‌بوونه و ژیان ژی هه‌بوونه.
- به‌لی ژ هه‌ڤدوو جودا نه.

تشتی ئەز دزانم ئه‌وه کو هاتنا مه بوڤی ژیانئی تنی ریکه‌ته.
د ناقه‌را ژیان و مرنئی ده موبیه‌ک زراف هه‌یه به‌لی ئەز
ناهیلیم بڤه‌ته داکو نه تنی یه‌ک هه‌بوون بمینه: ژیان یان مرن.

و ژیان بی مرن وهک وژدانئی یه بیی من.

و مرن بی ژیان وهک منه بیی وژدانئی.

ئەگەر مافى ھلبژارتنى بدن من، ئەز دى بېم بچويكەك د كۆمارا
ئەفلاتونى دە و نە مەزنەك د كۆمارا بېمافىي دە. ئەز باوهر دكم كو
تۆبەرەبەرە ل من تېدگەھى لى ھندەك پرسیار د ھەبوونى دە ھەنە
و ھەو نینە كو مروّف تېدگەھە بەلى پەراوہ بکہ دا واتەيا پەيقي
بزانە و پى بکہ ھەرۆك دویریى.

- دویری؟

- بەلى.

دویری قیرۆسیا یە قیفيان.

دویری ھەف پېویستیا مە ب بیست سالىن دن ژ بەندەمانى
ھەيە ھەتا كو ئیفارەك دن مە بگەھینە ھەف. مروّفایەتى د
ژانگرتنا داویى دە یە، سەردەمى لەزى یە، كى دكارە بیست سالان
بەندەوار بمینە؟ ھینگى بەلكى بارى مە ھندەكى سفك ببه بەلى
گەلەك تشتین دن دى گران بین وەك ھەستیين مە، دەردین مە،
گوننەھ و بەزەیین مە.

ھەمى ب جارەكى مەزن دین تەنانت ئاقلەمە ژى د زكى داىكا
خوہ دە. تنى گيان بچويك دبه. دویری بوھايى تشتان كيم دكە و

ئەم ب بېدەنگيا خوه بوهايي خوه كيڻم دکن و ههروهها بوهايي
گهلهک تشتيڻ دن مينا وهلات، ئەفین، خهون و دەم.

قيفيانا عهزیز، ئەز دخوازم بکهنم بهلي نكارم چونکی داويا
کهنيي من گريانه و ل گهل پهرييهک وهک ته نازهلين و پاکيزان
پيډقي يه زيان، دەم، پرسيار و بهرسف ههمی تزی کهنی و ئەفین
بن.

بوهايي مه ئهزرانه. و گهلهک جاران زي ههروه يه. راسته، ئەم
ناهيڻ کرين، تو دزانی ژبهرچی؟

خنيکا ته و وان چاقان. ب خوه ل دهمی پرسياران زي دئاخفن.
مافي کهچکان ههيه کو ئيرهیی ب ته بين.

ئەز دئ ببیژن ته ژبهرچی: ژبهرکو ئەم ناهيڻ فروتن ههرچهنده
بازرگانين مه گهلهکن و دهستدریژن زي. دهستين وان دگههن ههتا
بهريکين خوهدي.

ئەز دئ پرسيارهکي بکم: ئەگەر کهسهک وهک من ل ناڤهندا
باژيرکی يان ل بهر قهنتهريهيا مزگهفتهکي يان زي ل مهيدانکا
پهزي بدالهقينن و ب گوننهها ئەفينا بييمهرج بهرگوننههد بکن و هه

كەڭر و تف و ميز ب دینارەك ئاسنى بە، ھینگى كى دى دینارین
كاغەزى ب كار بهینه؟

- و پیرانیا مللەتى باوەرمەندە و ھەز ژ كەفراندنى دكە، بەردەوام
تف دكە بەلى - ببۆرە بۆگۆتنى - مېزەھەقى يە.
- و ھندەك جاران ل ھندەك جەھ و زەمانان كەفر مروڤان دخاپینە ب
تایبەت زارۆكان ل فلستینى و جلسپیان ل مەكەيى.

كەسین ئېستمۆلۆژى دڤكرن و دبېژن كو ھندەك دیارده وەك كەد
و كار، ماف و بەرزەوھەندى، گروپ و سازى دكارن ھەتا رادەيەكى
مروڤان بگەھینن ھەف. دبە بەلى ئەو ب ئاوايەك بەروەختە و وئ
ھەفگەھاندنى بوھايى خوە ھەيە. لئ ئەفین ل ھەر جەھ و زەمانى ب
ئاوايەك ھەردەمى مروڤان دگەھینە ھەف و ل گەل روژگارئ وئ
پەيوەندیى موكوم دكە و كینداريى ژى كیم دكە.

- ھندەك جاران تو دبېژى تنى ئەفین پېرۆزە!
- ئەفین... ئەف ساخلەتا كو ژ تەف بوونەوهران دگرە، نە تنى ژبانە
بەلى ژانەك بئیدادە ژى. ئەز نزانم، چاوا پیاو دتەوزە گاڤا ژن دبېژە
وى: ئەز ھەز ژتە دكم!

دویر نینە ل ھەيامەكى ئەز تئېگەھم بەلى نۆكە نا.

تو بیٻڙی کوئز نه پیاو بم فیقیان؟

ئہگہر بہر سف ئہرینی بہ نہخوہ ژبہرچی ئہز ناتہوزم؟ ژخوہ
ئہگہر نہرینی بہ، نہخوہ چما بویرنہک وک وژدانئ جوان ژجوانیا
جاریان ہہتا رادہیی پہرستنئ حہز ژ من دکہ؟

وئ ہزری بکہ، حہزکنا وئ بو من پترہ ژ حہزکنا دکتاتورین
روژہہلاتئ بو کورسیین دہستہہلاتئ.

ئہف ئہرینا یہ من دین دکہ، ناکوکیئ د نافہرا ترخان و ژانی
دہ پہیدا دکہ.

* * *

وہی ل قئ ئیقارئ، ئیقارا ترسی ژ نہپہنی. کی دکارہ تیگہہہ:
چاوان مروؤف ب خوہ چرایہک ہل بہ و ژیانہ وی تاریستان بہ؟

ہہرجار من جیہان تاری ددیت و تنئ کافلئ خوہ سپی بہلئ
نوکہ وکی دن. نوکہ جیہانئ ہہموویئ سپی دبیم و تنئ کافلئ
خوہ تاری.

۵

[بهرشف نه کارئ نفیسکارانه بهلی پرسیار سه‌رمافی وانہ ...]

ههيامهك بئوتوته به.

رۆڭگارهك ناله باره خهونا منداليئ بهرهف ئهئكيدو بوونئ دبه.

د خهونهك ههژ ده وژدان و ئهز هاتن قئ جيهانئ. ب خه يالا
بهرفرهه و نيگاهئ رهخسان مه دنه هاند كو ژيان ژئ خهونهكه. نها
ژئ دنه هينم كو ژيان خهونهك دريژ به، بهلئ نه وهك خهونا مه
بهدهوه.

د هه مان خهونئ ده ئهم پيگه هيان و...

بئنهنا خوه ل من فرهه بكه. ئهز ديسان پرسيارئ د چاقئين ته ده
دبينم لئ تو بهرسقئ د چاقئين من ده نابيني ژبهركو بهرسف نه
كارئ منه بهلئ پرسيار سهرمافئ منه. ئهز دئ ههول بدم دهنگئ

خوه يئى كو تنئى د ههيامين هلبزارتنان ده گرننگ، بدم فان كئيليكين
بيدهنگ و ته و خوه تيبگههينم چونكى ئەز زير و بيزارم و تنئى
بيدهنگى دكاره بيزاريئى ب داوى بهينه. ژبير نهكه، بيدهنگى زمانئى
بهندهمانئى يه و بهندهمانئى بيست سال ژ تهمهئى من دريژ كرن و
هيژتا.

و د عهينى خهونئى ده ئەم ژههف فهقهتيان و هاقئى بوون.

- كو مروؤف د خهونا خوه ده هاقئى ببه، تو تيدگههئى فيفيان؟
- بهلى!
- تو ههست پئى دكى؟
- نو!

هاقئىبوون ...

هوير هوير ل سيمايين قرياقووسى بنيره هينگئى دئى ببينى، و دئى
ههست پئى بكى. چه ند ئەو پير دبه پشتا وى قوؤف دبه و سه رئى وى ژ
زه ميني نيزيكتر دبه. چاخئى كو ئەو دغه يده؛ مه وهك دوو زاروكنين
ده سندرئىژ دبينه و ل مه دحه يتينه. جفينان ئاراستهئى مه دكه. ئەم
ههردوو عاجز دبن، تو ژ وى عاجز دبه چونكى هيژ ته بچويك دبينه
بهلى ئەز بو وى عاجز دهم، وى ئازا دكم چونكى تابانا كه نيئى ته د
تاريا ديمئى وى ده دبينم.

ئەو ھەز ژ تە دكە ژبەرکو تۆ شەھزادا ئیكانەیی ل سەر
عەرشی بەرماییڭ قئی میرگەھئی، میرگەھا بی بەھر ژ دیرۆک و
خاکناسیا قئی باژیرکئی نامۆ. ھەز ژمن ژی دكە ژبەرکو رووپەلین
داستانا خوە یا تراژیکۆمیدی د رووخساری من دە دخوینە لی بەلی
ھەزکرنە خوە ب ئاویەک توند دەردپەرە. گەرەکە ئەم وی بزائن و ل
وی نەگرن.

ھەزکرنە ژدل زوی دگەھە، مەرچ نینە ئالاقئی گەھاندنی تاییەت
بە نەمازە ژ کەسەک نەخواندەوار بیان تەمەندار.

پشتی کو قریاقووسی کەودار مەیی ب سەر دە دكە و جامی قری
دکە، ل دیواری دە، ھینگئی ئەو ب خوە دگری وەک وی زارۆکئی یاریا
خوە ھوندا کری بیان شکاندی. دلئی من پئی د رکەھا بی دەرگەھ دە
جەمدی پئی دسوژە لەو ھەز دکم وەک باقئی خوە، یئی کو من چ جار
نەدیتی، ھەمبیز بکم و ھەناسەیا خوە ژ بیھنا وی تژی بکم.

سەرۆبەری وی من دئارھینە و وەھا دكە کو دلئی من ب من ب
خوە بسوژە چونکی ئەز ل ھەمبەر ماقولیا وی خوە کیم دبینم.

جەمەد ژی دسوژە قیفيان.

بیست ساله و ئەز بیهووده ل پەیی نەپەنی و ماھییەتی دگەرم،
ل پەیی بوھا و بنەمایین ھەبوونی وەک گیان و ھزر و زمانی لئ
قرباقووسی قایم ب سانەھی ب سەر ھلبوو.

ئەو ب کوردی دھزرینە و دئاخفە. ب کوردی خەوان دبینە.

ژ رۆژا رۆژ دە کالکا سپی ل پئی خوە دکە و ب دەستەک
بەرگیزان بەژنا خوە یا بھۆست و نیف دخەملینە. ئەو ل جقاتان
دبێژە: "ئەز کوردستانی مە!" و ھندەک کەس ل ھەمان جقاتان ب
رویقایمی دبێژن: "ئەم عیراقی نە!" قریاقووس قایمە بەلئ بیین دن
رویقایمین.

خوەزی قیثیانئ... خوەزی ژ خیرا خوەدئ و میرئ مرادان رە من
کارببا ئەز قریاقووسی بنقیسم و وی ژئ کارببا من بخوینە.

* * *

- ئەو گەردەنا شوپھئ شەمال، سەر چەشمەیا ئافا زەلال... قارورەیا
خەمرا حەلال یا شویشە یە یان مەرمەرە؟
- جاما زەلال، خەمرا حەلال، یارئ شەپال...! و یا دی تۆ دزانی.
- ئەرئ، ھزار رەحمەت ل جانی ھەردوو ھەلبەستقنان بە.
- نۆش بە ھیژا!

- نۆش ئەى جۋانتىرىن مى د دىرۆكى دە .

بفەخوھ ل سەر ئەفسانەبوونا قىاقووسى ئەقىندار ل سەردەمى
گرىانا پىاوان . بفەخوھ ل سەر قەھسانا قى ئىقارا بەفرىنى و ئازاۋەيا
سەرسالا بى ھەۋەس .

بفەخوھ و بەيىلە شەقىستانا ژ پورا تە رەشتەر تەمەنى بەندەمانى
ئىقارەك دن ژى درىژ بکە . بلا مەى سەرى تە بگرە و چاقىن تە
بدرەۋشىنە ، بلا لىقىن تە ۋەكا دوو پەلاتىنكان ژ پاوانا دىمى تە
بفرىنە و سنورىن خرمانا تە ل پشت خوھ بەيىلن .

- ئەزى بەيىلم . بەلى تۆ ژى بەيىلە ئەز باۋەر بكم كو سەرانسەر
دىرۆكى تنى پىاۋەك ھەيە!

ئەز ھىقى دكم كو ۋەيىنى تە ل گەل بەرسۆزكان دەرېكەقە و ل
گەل ھلما ھناقىن من يىن زنجىرى تىكل ببه . بەلكى خەلكى قى ۋارى
ھەموو بىدار ببه و تۆ و ئەز مەست ببن ھەتا رادەيى گرىانى د
كەنىيەك بىتابەت دە . دىرۆك ل بەندا پىاوان دىمىنە ما نزانە كو
تۆقى پىاوان برھايە .

- فىقىان !

- لەبى ھەى ئەز گۆرى !

- لهزئ نهكه، ئەز دئ باسا تشتهك دن بو ته بكم...

- ببوره .

- تو دزانی چا ل گهل چي خواهشه؟

- چا؟ ل گهل ژاژي!

- و قههوه؟

- ئممم... ته جارەكئ گۆتوو ل گهل چغارەيئ!

- مەي ل گهل چي خواهشه؟ ئەز دبیژم هیژ من نهگۆتییه ته.

- ئەز ب عەسسەهي نزانم بەلئ قریاقووس دبیژە ل گهل گۆشتئ قازان. لئ گافا کو ئەز دەنگئ قورئانئ ژئودهيا ته دبھیسم، هینگئ دزانم تو مەيئ ب سەر دە دکی.

- راسته. چونکی مەيئ ل گهل پیلین دەنگئ قورئانئ چهژەك تایبەت هەيه، هیژ ته نه جیرباندییه بەلئ پرسیارئ ژمن بکه.

سالی هات کوژتن و ئەز نهگریام، بەهزاد چوو غەریبیان و ئەز نهگریام و وژدانئ ژي شوی کر و هەر ئەز نهگریام. تنئ جاما مەيئ ل گهل دەنگئ قورئانئ من دگرینه، وهك سیوییهك هوندا ل نافا قەرەبالغئ ل خەفتانئ دایکا خوه بگەرە ئەها وەسا زهنگه لؤرا من ژ ئیسکان دخهتمه. ئەز تیر دگریم بەلئ ل دوماهیئ دگههم لووتکهيا تهوزینئ.

- و گریان نه تنئ ب روئدکبارینئ یه.

ل سڀڏهه پيئ ٺهز دئ سالي و به هزادي پيئ ٺاگه هدار بكم كو من
ڙي جهڙنا سه رسالي ب مه پيئ، ب گريان و سه مائي، ب مه هنيئ
ڦيڦيائي و بهنده مانا وڙدائي پيروز كر.

براكوڙيئي سالي كوڙت به ليئ ٺهز دئ وي بڦه ڙينم. به هزاد ڙي
دويره ليئ ٺهز نيڙيڪم، گهلهڪ نيڙيڪ. هه هه يامهڪي ته له فوئا من ل
دبستاني دكه. ل سه رهتا پرسيارا رهوشا من دكه و پاشي من ب هه لس
وڪه تين خواه هاپدار دكه. هندهڪ جاران ڙي نامه يان ل گهل
پهنا به ريئ كو ب سه رهدان دهنيئ، دهنيڙه و باسا بيڙاري و تنييووني
دكه. ٺهز تيڏگه هينم كو گه رهڪه بو خواه هه فالان چيڪه چونڪي
هه قال ل غه ربيبيئ وه لاته. ٺهو ڙي وهڪ سالي و ته و من و گه لهڪين
دن گوننه هه. ديڙه وهڪ ره فهدا مسري و ساليئ هه شتيان ل مه
هاته.

ڙ نيڦا دل هه ز ڙ دوستا خواه يا ٺه لمانا دكه به ليئ دترسه.

- دترسه؟ ڙ چي...؟

- ڙ هه زڪرنا خواه يا لاسار.

دخوازه وي مه هر بڪه ليئ دكه و ناکه نڪاره هه چهنده هه ردوو
پيڪڦه ڊڙين. دؤستا وي ڦيري كوردي بوويه، روحا وي دبن وي ٺه ردي ده
يه پيئ كو به هزاد پيئ ليئ دكه، هه روهڪ ٺهو ديڙه.

- بهلی؟

- بهلی به هزاد دبیزه پهردهیا که چینیی بوویه ئاستهنگ د ریکا
پرورتهیی زهواجی ده...

ئهو ترس ههمی، ترسا ئهفینی و ژیانئ و هافیوونئ ببوو
گیرهیا بیدهرئ بو به هزادئ ره بهن. من ههول دا بکم د سهری ده کو
ئهفین جودا یه ژ زهواجی، کو پهردهیا که چینیی نهگرنکه ب مهرج
ئهگهر ژ کانگها دل چهز ژ ههف بکن. به هزاد ژ داهاتوویی مالباتئ
دترسه ب تاییهت ئهگهرهات و زاروک پهیدا بوون. دبیزه ههکه رهیز
نامویس ل نک مه دبن که لیزیئ تنئ ده به، هینگئ دئ ببیزن کو
به هزاد بی نامویسه چونکی که چکهک (بی پهرده) مههر کر. ههرجار
ژی نامهیا خوه وهها ئیمزا دکه: ل گهل سلاقیئ پیاوهک روژههلاتی!

قی ئیقارئ بیهنا وی و سالی ژ وژدانئ دهات. گاقهک دن بی
مرن - وهک کو ئهو دبیزه - دئ دیسان بیهنا ههردوویمان ل گهل خوه
بهینه. وژدان هیز نزانه کو سالی هاتییه کوژتن و به هزاد چوووه
غهریبیی.

گهلهک تشتین دن ژ نزانه.

* * *

فيقيانئ، ژبلى ته و دهسته براههك نيښ مروف ب ناقئ ئه مينئ
لهنگ من كهس دن ل سهر دارئ دنئ نه مايه. هندهك جاران ئه ز
خوه دخاينم و دبئرم كو زاروكئ دبستانئ هه موو زاروكئ منن لئ
ب راستئ تنئ چار سه عه تان چونكي ههر بيست سه عه تئ دن
زاروكئ داياقيئ خوه نه. ئه ز وان ژبيرنه كم ژئ ئه و دئ من ژبير
بكن.

پشتئ وژدانئ و سالي و بهزادئ، ئه ز ب يه كجاري بيكه س مام.
مه رجهك دن ژ مه رجئ خوه داوه نديئ ل نك من زيده بوون.

بيكه سيئ ئه ز دوه ستاندم. ئه ز ل چ شريكان نه گه ريام به لئ ل
سه ميانه كئ. من سيمايئ هه رسئيان د كه قاله كئ ده ل سهر
پارچه يهك خه زنه يئ سپي گه هياندن هه ف و دهم بو دهمي ل گه ل
وان دپه يقم. گه ه پرسيار و گه ه گازنده. گه هيئ دن تنئ گوهداريئ
دكم، وهك زافايهك گوندي و خيغه بهري كو برازافا يه كه مين وانه يا
پياو بوونئ و فزكئ خويئ نيشا دكه.

* * *

كي قالا مايه كول في ئيفارا درهنگ ده رگه هي بقوته و من فيري
هندهك په يقئ نوي بكه ژبو ديداري وژدانئ؟ كي دكاره ده رپرنا

ههستين من بکه؟ ههستين مانی وهک قریاقووسی باقی ته و سپی وهک تهنبهريکا وژدانی. ئەف بهفرا سپی ههمی نکاره سرنجا من رابکيشه بهلی تهنبهريکا وئ دکاره؟

ل تاریگه ورین کانونان کی ئاماده یه من ل ملی خوه بتهپتهپینه داوی بهیستنا دهنگی قورئانی؟ من بگههینه تهختی من یئ نیژیک و دویر؟ نیژیک ژ جهستی من و دویر ژ خهوا من.

فیفیان، نهبیژه ئەز چونکی گهلهک جاران تو ژ من دویری و دقهومه.

ل میلی دهزمیئ بنیره، دبوره و خوه ل بهندا کهسی ناگره. بیست ساله و ئەز ل بهندا یارا نهیار، یارا من و نهیارا خوه. ئەز باوهر دکم چ نهمايه کو بگههه، دئ ب مههقا زاروکان و بیريا ریڤنگان ل هیفیا من بمینه دا بیژم: ئەز ژ هیژ ههز ژ ته دکم!

- من ویریا ئەز بهیسم لی تو باوهر دکی کو ئەز بویرم ب لیف بکم؟
- ئەز باوهر دکم چونکی ته وهک ویرهک ناس دکم.
- ویرهک؟ ئەو ژ باشه، ژ فی بازیرکی کهسهک من ویرهک بنیاسه.

داوی بارکرنا وئ ئەز ببووم فهلیته و ب سهری خوه دکهتم. من پهيوهندی ل گهل هندهک کهس دن سازکر وهک: دهم، جهه و قالایی.

ههروهسا ل گهل شهفئ و خهونان. ئەز ل گهل تهفان نقتم ههتا رادهيئ ئورگازمي و ل گهل تهفان ژي من خوين ديت. من پياوبوونا خوه سهلماند.

وژدان وان نهينيان نزانه لي بهلي دزانه كو ههستي من پير بوويه و ب پهيفان جوان نابە، بي ئەندازه و ب ساليين بهندهماني ناهي پيفان.

ل سحار و ئيفاران، ده مي كو تو ب گيسكي فان دران رادمالي يا ژ من شه ههستي منه ل جهئ توژئ، ئەتومين وي ل هه درئ بهلاف بوونه. هندهك جاران تو دبيري بيدهنگي زمانهك زهحمهت و ئالوزه و نه ههركهس دكاره تيبگههه! بهلي بيست ساله و زهمان و زهمين و ئەز ل گهل ههف ددن و دستين، ل ههف تيدگهن و ههموو ژي ب زمانئ بيدهنگيئ.

فييفان، ما ديمهن زوي دگههه يان دهنگ؟

ئهگهر چافين ته و چافين من د ئاخفتني ده بگهن ههف، بزانه كو ديمهنئ مه ههرسیيان: زهمان، زهمين و ئەز، د بيدهنگيئ ده دگهن ههف.

بيست ساله و نهز بيدهنگ بهلي ل في ئيفارئ وژدانئ گوت كو
وئ گوهل دهنگئ من دبوو ب تاييهت ل جهين كهقنه ژفانين مه، بن
سيها داركازين خستهخانهيي، سهري ملا زيارهتان. ههروهسا كاتي
كو پيرگي زاروكان دهات. ل پهي دهنگئ من دچوو بهلي نه دگه هيا.
تشتهك دن ژي گوت بهري كو خاترا خوه بخوازه: ”من نافئ كورئ خوه
بيئ ئيكانه كره ئافدهل. پشتي كو ميئرئ من د شهري براكوژيي ده
هاتي كورتن ژبلي ئافدهلي من كهسي خوه ل سهر دارئ دونيايي
نهمايه!“

تو دترسي كو دهم هاتبه و نهز ل دويف وئ ههرم و ته ب تنئ
بهيلم؟ نهترسه فيفيان. تو نا ئاخفي، لي ب ئاوران تو من ددي
ئاخافتن. نهز ژي دترسم: ل سهر وئ دترسم، ل سهر ته، ل سهر فان
نقيساريئ كو كهس نهخوينه، ل سهر فان رامانين بويژي د ناف خويئا
سهري من ده خوه دگه قيزن.

خوه نهترسینه ژبهركو نهز دئ بمينم.

- ههردوو چافين ته پرسيار دكن: كهنگي و ل كويقه ته وژدان ديت؟
- نهري. نهز دزانم تو زمانئ چافين من تيدگه هي لهو بيدهنگ
دمينم.
- دووكهس ل ههفدوو تيبگه هن نه خراپه. ب راستي حنيرهكه
نهمازه ل سهردهمي ههرايي و ل جههك ژبيركري وهك في باژيركي.

قى نىقروڧى ...

ل سەمتا داركارىن خەستخانەيى دەستپىكا ئىستگەھا بەندەمانا بىست سالان وژدان پىرگى من ھات و سلاق دا. ل گەل قەدەنگى وئ دەستىن من لەرزىن و چۆكىن من سست بوون. وەك رەفدەيەك كۆتران كاغەزىن گۆتارا دەولەتى ژ ھەمبىزى من فرىن. بەرى كو پىن من من بەيلن، من ئەو ھىلا و ئەز بۆرىم، لئ ئەو ل سەر ملئ خوە زقرى و گازى من كر. ئەز راوہستاندم و ھات دەستى من. دەستى من گەرم بوو بەلئ نەسۆت ھەرچەندە ئاورپىن وئ وەك لوولاقى ب سىفدەرىن شكەفتىن چاقان دە شۆر دبوون. دەنگى وئ زى سار بوو. وەك ھەمى بويزنىن بەدبەخت وئ زى بەژن و بالا خوە ب ملدەفەكئ نخافتبوو، ئاسۆ ب درىژيا بيناھيئ تارى ببوو لئ تەنبەرىكا وئ يا سپى مينا مۆمەك ترىسكدار بوو، تارىيا گەردوونئ ھەموويئ نەدكارى بقەمرىنە.

تفا سۆر ژ كانيا دەقى من دزا و بېھنا من چك دبوو. ل بەر پىلنىن بادەقى ئەز ل كاغەزىن خوە گەريام و ئەو زى ل ھندەك پەيفان ژبو لىبۆرىنى. ھەردوو چاقىن وئ بىن جوان - نە تەمەت بىن تە جوان - پتر ژ لىقنىن وئ دئاخقتن و ئەز خامۆش و ماتمايى ببووم.

من دقبا بپه یقم و ببیژم هیژ ئەز ئاقدەلی بەری مە، هیژ
بیریدارم بەلی وی زانی کو ئەزمانی من ناگەرە لەورا ل ھاوارا من
هات و گووت: "هیژ تو میهفانین هەستیگران خوەدان دکی؟ نەخوہ ہزرا
من و ئیشەف بکہ!"

پرسیارا خوہ وەک مابنەکی هافیت بەر پین من و موہلەت نەدا
ئەز برەقم یان خوہ بدم ئالییەکی، رییا خوہ گرت و چوو بەلی دەستی
وی ما د دەست من دە.

ئەری جان، چ نەمایە وژدان بگەہە.

ئەز دزانم ئەو دئ تیر دەنگ بکہ بەلی نزانم دئ چ ببیژە. حەز
ناکم ئەو باسا بەری بکہ. ئەز دترسم وەک جارکین جارن مینا
چویچکہکی ل بەر بارانا رۆندکین وی بلەرزم و قیجا ب ئاسمانی قالا
بکہقم. ئەگەر ئەو بپەژرینە، دئ بیدەنگ خوہ د ھەمبیزی وی دە
ھوندا بکم.

ل رۆژگارا زارۆکیی، جارەکی ئەز ل ناف خەرگەلەیی دە ھوندا
بووم بەلی خوەدان خیرەکی دەستی من گرت و وەک سیوییەکی
راسپیرام مزگەفتی. مەلایی ب کوۆکی بانگ کر: ھەمی ھی زارۆکەک
ھاتییە دیتن نافی وی ئاقدەلە...!

یہ کہم جار بوو د دیروکا مہزگہفتی دہ مہ لایہک ب وی ئاوابی
بانگ بکہ. ہەر جار دہات گوتن: ہہی ہی... زارو کہک ہوندا بوویہ!

ژیلی دایکہک تہ مہ ندر ئو ژی د ناف نقینان دہ - ہیژ زوی من
دہیلہ - کہس دن نہ بوو ل من بگہرہ. ژ ہینگی دہ ئہز ل کہسان
دگہرم نہ کو کہس ل من دگہرن.

نہا دخوازم جارہ کی تنی خوہ ہوندا بکم.

وژدان دی بگہہ و ئازادیی ل گہل خوہ بہینہ... ئہز حہز دکم
من ژ قہیدیئ بہندہمانی و پہستانا فی ژیاننا قورس ئازاد بکہ. ہہست
دکم کو ئازادیا من نیژیکہ بہلی ژ تہ نافہ شیرم فیقیان، یہ کہم جارہ
و ئہز ژ ئازادیی دترسم. پرسیار نہ کہہ چما چونکی ئہز ب خوہ ژ
نزانم.

- گونہہہ تۆ کہسہک دن ببینی و خوہ ہوندا بکی!
- گونہہکاری یان گونہہباری یہ؟
- تۆ تۆلا خوہ ل خوہ قہدکی.

* * *

وژدان بوو سهړئ سه بهیې کو ئه ز بېم به زه کار. به زه بیې من
وهک کینفزاله بیان د بنی ئه قیانووسهک سامدار ده، د ناقبه را جان و
دهروون و جهستی من ده جار ل ریکستانئ دگهرن و جار ل که قزکان.
ساوا سهړئ من ژ کیلیکا هه قذیتنی یه. ئه ز دترسم نه کو جه مه دا من
گرکانا هه ستین وئ بقمه مرینه داوی کو گوب بووی ل قئ ئیفارئ.

ساو...

ئه ف سامانئ نهواز، مه بیې نه دیبه دی و ماته مین به تهر دکه و
دهیله کو ئه م هه ست ب هه بوونهک ئاوارته بکن ل ده مه کی کو هیژ
ئهم ل سهر خه ونین کیفکووی و شوینواران دگرین. ساو به ده و بوونی
دمرینه... ئیزیکبوونا دوماهیان رادگه هینه... ناسنامهیان دبوهورینه و
وهلاتان زی داگیر دکه.

- ساو...! ساو...!

- ئهړئ ساو، قیفیان جان.

- ساو سنوره د ناقبه را خرؤشانا ته و فه هسانا من ده، د ناقبه را
هزا وئ و هه راسه یا من ده. به لئ عهینی ساوئ دکاره که سهک وهک
من که ودهن، کریت و بی سایه، ل گهل ته خوه شک و ئازاد بکه. ئاخ
قیفیانئ، بیان تو درهنگ هاتی بیان ئه ز زوی هاتم. لئ تو ببیژی کو
وژدان د ده م ده بهی؟

- ئه ز هیقیدارم به لئ گومان دکم!

- گومان ...

گومان پېويسته ب تاييهت ل دهمي پرسیاران و وروژاندنا
پرسین ههستدار. ههروهه ل دهمي ههلسهنگاندن و برپاردانی بهلی
هندهک جاران باوهري ژي پېويسته. وهسا دياره کو باوهري بوويه
پرسگریکا سهردهمی لهورا ههركهس دبیره: باوهر بکه! كهس نابیره:
گومان بکه! ههچهنده گومان نیژکتره بو راستی.

ب هه ر حال، گومان بکه و باوهر ژي بکه، و چ بقهومه ژي،
نه هیژا یه کو كهس ل سه ر من بترسه یان دلی خوه ب من بسوژینه ب
تاييهت كهسهك وهك ته گهوههدار ل زه مانهك نه جس ده.

وژدان باوهر دكه كوئه ز مه ز نم، نفیسكارهك مه زن.

ئهو بیقام چه ز ژ لونجینوسی دكه و ل فی نیفرویی ئاخفتنا وی
هینا بیرا من: "نفیسکاری ساز و مه زن خوه داوه نده كه."

ژبه ر هندئ وی گوت: "ما قه ی خوه دئ دمره؟"

من نزانی چاوان به رسقا وی بدم. پشتا وی ب لونجینوسی گهرم
بوو. بلا وژدان من مه زن ببینه بهلی ئه ز وه سان خوه نابینم.

تو دزانی ئەز وهک چ مه فقیان؟

ئەز دئ ببیژم ته بهری کو تو ژی وهک وئ پهسنئ من بدی. ئەز وهک زیارهتی مه؛ ژ دهرفه پاقرژ و ب گولهنار و نییرگزان خهملاندی و ژ نافده تهنگ و تاری، تژی کرم، تژی گوننههه و خریژ.

دبه کو خوهداوهند نهمره ههروهک وژدان دهزینه. لئ ئەنجهق پهريشان دبه. سهري چهند سالانه و ئەو ژ خوهداوهندی خوه دوبر و وهها دزانه کو هيژ پيرۆزه.

من پهسنئ وئ باوهر کر و نیاز هینا کو واتهيا خوهداوهندی بهرجهسته بکم؛ من ژمیژا فهрман دابوو کو سالی ژ دارا براکوژیی نیژیک نه به بهلی ئەو برسی بیوو، بیحهمد دهستی خوه ل بهر نه مهردان قه دکر و سهري خوه دچه ماند. سالی ژی وهک قریاقووسی مه بهژنکورت بوو لئ سهربلند. سیقهک کرمی ژ دارا براکوژیی هافیین بهر... خوار و پی کهت.

و ئەز؟...

ئەزئ (خوهداوهند) مانل ببووم. من سالی ژ بههشتا بهرین نه دریخست بهلی من نکاری ژی پاربییهک نانی بووی دابین بکم. نهخوه، کا هيژ و واتهيا خوهداوهندیا من فقیان؟ من جهندهکی وی ل بن سیها

دارئ نژاند و ههرسال ل گهل ميراتي قوربانين براكوژيئ، ل بهر كيلا
سهري وي سترا ناشتيئ دسترينم.

ئهرئ. پاربيئ ناني سهر ژاھورامهزدايي زي ستانديوو. سيقا
كرمي ببوو تبهرك و يهكي دهافيت بهر بي دن.

كولبه بوو و دارا براكوژيئ تيپرهل و تييسيئ بوو.

٦

[دره و تاوانهك مهزنه بهلى بى سزادانه ژبهركو ههركهس دكه...]

”تۆ دزانی ئەز حەز ژ تە دکم، حەزکرنای ژنی بۆ زهلامی. ئەز ژی دزانم تۆ حەز ژ من دکی بەلی حەزکرنای مروۆفی بۆ مروۆفی. سالای هەفتی یه و بەری من دگههه، هاتمه بهر شوپکرنی، هەرسال ل تافسۆرکین هافینی گورزهک گولگه نمی ب هندهک دافین پۆرا خوه گریددم و دادهینم بهر دهرازینکا ته. ل ئیفارین بوهارئ قهفتهک کولیکین رهنگین ژ باغچهیی قریاقووسی ئەفیندار بۆ رهنگین سرۆشتی بۆ ته دچنم، و ل پایزان مستهک بهلگین زهر، و ل زفستنانی ژی شه مالکهکی هل دکم و دادهینم سهر قهراغی پهنجهرهیی. ئەز مگیژ و ئارهزوویا ته ناس دکم، دزانم کا تۆ حەز ژ چی دکی و حەز ژ چی ناکي. ما قهه هەر ژنهک دزانه کا زهلام حەز ژ چی دکه و حەز ژ چی ناکه؟

هندهک جارن گاڤا کو ئەز ب تنی د قی کهلها خاپوور ده دمینم، ب بهلگین کولیکا بهیینی خوه دخاپینم و ههستی ته بۆ خوه یا دیوانه پهراوه دکم، دبیرم: حەز ژ من دکه؟ حەز ژ وژدانی دکه؟

پرانیا نه فلان بهلگا دوماهیئ بو وژدانی دمینه و هه کهر
جاره کی بهلگا دوماهیئ بو من ما، وئ شهقی هه موویئ خهوکا من
ناهی ژ که یفان ده، جهژن و سه ماگه ری یه. و وه کی دن، دیسان خهوکا
من ناهی بهلی ژ که هران ده.

جارنا تو دبئی: ئه ریئا نازارده ره!

راسته نازارده ره، بهلی د هه مان ده می ده ئارامگه هه ههروهک
بهنده مانا ته و وژدانی، ههردوو ئه قیندارین بی مراد...“

- ته دیسان دالغه لیئا قیقیان؟
- بیوره، هزرین من دویر چوون هه تا کو وه ستیان.
- هزر به رهف جهین بلند تنی دفرن.
- ئه ری، ههفت ساله و ئه ز ناهیلم ئه و نزم بفرن له و دوهستن.
- جاما ته رویبکم؟
- نو، سوپاس. من فراقین و شیف ههردوو نه خوارنه. تو دزانی، مه ی
بو گه ده یی قالا خراپه. تو بقه خوه و ئه ز دئ چغارهییه کی ژ پاکیتا ته
بکیشم.
- قیقیانئ، بیهنا مه یی و بوخویرئ ل گهل بیهنا به فرئ و شهقی
تیکل دبه.
- و بیهنا وژدانی؟

- بېھنا سالی و بهزادی ژ وی دهی و بېھنا وی ژ من دهی.

- ...!

- تو بېدهنگی جانم!

- ئەز چ بېژم هیژا؟ ئەف ئودهیا کو جار تو دبېژی وهک کافلی ئاخئ
یه و جارەک دن وهک زندانا تهکانه یه، باوهر بکه- بیۆره مه بهسنا
من گومانئ بکه داکو تو نه بېژی باوهری بوویه پرسگریکا سهردهمی -
تهک جهه کو ئەز، دیلا ههزین هار، خوه تیده ئازاد و سهربخوه
دبینم. سهعه تین دریژ د ناقههرا هه رچار دیواران ده دقه دینم. روژ
نینه ئەز بهژنا خوه د بهر کهفالی کیاکساری ده نه تهوینم. ئەز
گهلهک ههز ژ وی دکم. هویر هویر لی دنیرم کا چاوان ئەنیشکا خوه
ل سهر کهفلوژانکی روژئ پالانندییه و ب ههردوو چاقین تویر بهرئ
خوه دده ئاسویا دویر. رهین وی دگههن ههتا سهر زویری و سمبیلین
وی ژ ل بن گوهران دزقرن، وهک تهنبه ریکا وژدانئ و سرنجا ته، ئەها
وهسا سیمایی وی ئاورپن من دره قینن. ههروهک تۆلازهک سهلت د
بوهارا ته مهنی ده. تو دزانی، د چاقین رهه بهرک وهها ده مروقی چ
بقئ دکاره ببینه: ژیان، مرن، ئەقین، ئاشتی، ئاگر، پرسیار و بهرسف.
ل دهستپیکئ من دگوت قهی عهورین بارینهرن ل هنداف سهرئ وی
بهلی دوهی ژنوی من زانی کو ههسپئ وی یئ فرینده یه و باسکین
خوه بو شاهسو یاران دگهقره لینه.

- بهردهوام به ژ کهرهما خوه!

- ههروهسا ئەف دیوارئ تژی دهرز. تو دبېژی بوویه مهسکهنی
سیسرک و کمکه و بیرته فنکان بهلی ئەز دبېژم بوویه مهسکهنی

ئەقىن و ژيانى. سەبرى من پى دەھى ژبەركو سالى و بەھزادى دەھىنە
بىرا من. تو دىبىنى، ھىژ دەستخەتتى ھەردوويان ھەك خوھ لى خويا
دكە؟ قەنجە تە ئەو ھزرە كرىبوو، ھەرجار ھىما يان گۆتەكلى ل سەر
گىچا ديوارى بنقىسن و ئەقرو بىن بىرھاتن، بىرھاتنىن ھەرى سەبرىن
و خەمپەقىن. بەلى ئەز نزانم كا ھىمايى قى سازا بى تىل و قى
پەراشوتى واتەيا چى ددە؟

- ھەكەر من زانپا روژەك دى بەھى و سالى و بەھزاد دى من بەھىلن
ھىنگى دا بىژم ئىمزاىين خوھ ل ھەر درى بكن تەنانەت ل سەر سوبا
و سوبەترا زى. ھەك مووزەخانەيى يە، مووزەخانەيەك نەبىندار.
ھىمايى سازا بى تىل و پەراشوتى دوو برىنىن كول و بى دەرمانن. بلا
جارى سوحبەتا وان بو پاشى بمىنە...
- باشە!

- ھندەك جاران ئەز قى ھولا زەمىنى - دەستى خو دادھىنە سەر
ھولا زەمىنى ل سەر ماسەيى - ب سەرتلا خوھ دزقرىنم، دىم سەمتا
روژئاقايى و دىژم: ئەفە ئەلمانبا يە بەلى كانى بەھزاد؟ پاشى دىم
سەمتا روژھەلاتا خوچان و دىژم: ئەفە كوردستانە... ئەفە بازىركى
مە يە بەلى كانى سالى؟ و دزقرىنم و ديسان ل سەمتا روژھەلاتى
رادوھستە، دىژم: ئەفە كەلھا بەندەمانى يە، ئەفە كالى سەردەمى
يە، ئەفە قىقايانە و ئەفە زى ئەو ئافەرىدەيى سەپىرە بەلى كانى
وژدان؟

- ئەف كەفالى تە ژنىگاہى خوھ نىگاركرى، جارنا بېھنا وژدانى ژى
دفرە بەلى دەنگ و رەنگى وئ... ئەف كەفال تاييەتە ژبەركو پىرە ژ

شوینتلین ته. ههروهسا ئەز حەز ژ کەفالی فائوخی ژی دکم. ئەری ئەف رەفدەیا قران ل هنداڤ زەڤیا گولبەررۆژان چ دکە؟ ئەز تیناگەهم، هەلبەت واتەیین کویر دده. ئەز دبیژم ئەف کەقال ژی ب بی دن فە گریدای یه، دبه کو هەرسی عەزیزان بهینه بیرا ته.

- ئەری، هەرسی عەزیزان دهینه بیرا من و ئەز ب خوه دویرخستی ژ بیران.

- وهلی، تهختی ته ل بهر دیواری دوماهی بی ئەز نهویرم نیژیک بيم، ژ دویر فە هیف دکم. دترسم نیژیک بيم و خەوینی ته هشیار بکم. ژ بیر نهکه هیژ ئەز نهبوومه دایک. ههروهسا ئەف دەمژمیرا دارساجی، بیهنا زەمانی ب سەر دکەڤه. ل هەر سهعت و نیفسهعتی زنهگلی وئ دژهنه. هندەک جارن ئەز ژ ئودەیا خوه دهنگی وئ دبهیسم. خۆرتین تاخی ههموو چاڤزلکانی ل گەل من دکن و ئەز چاڤزلکانی تنی ل گەل وئ دکم... دینهک خوه دئ مه!

- نه تنی تو. بهلی ئەز ژی دینهک خوه دئ مه ب تابییهت ههکه ر بیین دن ههموو ب ئاقل بن، ههروهسا وهکی دن.

- سوحبەت ژناف دهر بکهڤه. من بهری نها جیربانندییه، دهمی کو ئەز ژ نشکهکی فە بهری خوه ددم وئ، بهکسەر میلی خولهیان دپوره. تو باوهر دکی؟

- ئەری باوهر دکم.

- تو دکاری شروڤه بکی؟

- سانههی یه. تو ئاورپهستی و ئەو ژ ئاورپین ته درهڤه. ما کی دکاره خوه ل بهر ئاورپین ته بگره ههتا کو ئەو بکاره؟ کا جارەکی

تاقى بکه، چاقىن خوه بنقىنه ئەقجا ھېق بکه... ھەكەر بۆرى ھىنگى
تۆھقى!

- ئەز گۆرى كەنیا تە بم، بەلى ب راستى بوویە مەتەل چونكى ل
گەل ھەر دەمرمىرئ وەسا یە، كەنگى بە و ل كویقە بە.
- پرسىارا قریاقووسى بکه. ئەزموونا وى ل گەل دەمى پترە ژ یا مە.

* * *

- قىقیان، تۆ دزانى كەیفامن بۆ چى دەى؟

- بۆ چى؟

- تە گۆت ھىژ تۆ نەبوویى دایك. بەلى كا چاوان دایك ب دەستىن
خوه زارۆكىن خوه ژ جل دكە و سەرىن وان دشوو، پاشى ب خاولىي
وان زوها دكە، ئەھا وەسا تۆ پرتووكان ژ تۆز و غوبارى دادقوتى و ب
لىقكا ئەتەكى خوه یى شەھدار بەرگىن وان پاقتر دكى و دىسان
دادھىنى جھىن وان.

- تۆ دزانى كا من كىژان پرتووك خواندىیە و كىژان نۆ؟

- ھەلبەت دزانم!

- راستى؟

- ئەز ژى وەك ھەركەس دن، ھندەك جاران درەوان دكم، بەلى د
بارئ وىژە و ئەقىنى دە ھەرگىز نا. چ كەس وەك تۆمایى ئەكویناسى
باندۆرا درەوئ ل سەر دەروونى نزانە.

- ژ ناقتى وى دیارە كو خرىستىانى بوو!

- فیلڈسوف و باوہرمہندہک ژ سہدین ناڤہند بوو ل فہرہنگستانئ۔
 ب رہگہز ئیتالی بوو۔ ببوو جہئ ترانہییئ ہہڤکارین خود د دیړئ دہ۔
 یا ژ وان فہ پہلہدینہ۔ ہینگئ ژئ وہختئ کو ہندہک کہس ژ کہسہک
 دن ژیر و زیرہک دقہہرین ب پوختان دگوتن دینہ۔
 - وہک نؤکہ؟
 - بہلئ، بیڈڤیا وان کہسان ب مہانہیان ہہیہ۔ ل دینان دگہرن
 داکو خود ئاقلدار ل قہلہم بدن۔
 - و ہہکہر دین پہیدا نہبن؟
 - ہینگئ دئ کہسئ ہہری ئاقلدار د ناف خود دہ دین بکن ہہروہک
 مہسہلہیا ئہکویناسی۔
 - کا بیژہ مہسہلہیا وی چ بوو؟
 - جارہکئ ژ جارن قہشہییئ دیړئ ہہموو پیکھاتن کو حہنہکین
 خود ب وی بکن۔ چوون بہر پہنجرہییئ راوہستیان و ب زاراقہک
 نیژیک راستیی گوتن: سہیدایی ئہکویناس، وەرہ بنیرہ کا چاوان چیل
 دفرن!
 - ئئ...!
 - ئہو چوو بہر پہنجرہییئ داکو ل چیلان بنیرہ کا چاوان دفرن، بوو
 تیڤہتیڤا کہنیئ وان۔
 - باوہر کر؟
 - گوت ہوین چما دکہنن؟ ئہز دکارم باوہر بکم کو چیل دفرن بہلئ
 ئہز نکارم باوہر بکم کو ہوین بیئ ریہر و فیڑیار درہوان بکن!

بهري نھا من ب كورتي باسا پرتووكان و خواندني دكر.
دهربارهي پرسيارا ته، كا ئەز دزانم ته كيژان پرتووك خواندييه و
كيژان نو؟ من بهرسف دا و گوت ههلبهت دزانم، چونكي ئەو پرتووكا
تو بخويني بيھنا گولاقا ته ژ رووپهليين وي دفره، دافين پورا ته دناف
ده دتهيسن و بهرگي دوماھيي ژ ئاليي ناف ده ب سوڤه ليقتين ته
ئيمزا دبه .

ئەز دترسم جارھكئ رووپهليين تويژ ليقتين ته بريندار بكن... و
ئەز نكارم برينان ساريژ بكم.

قيفاني!

ئەمانهت تو و خواندن. وهك من بهري قينگاف گوتي، كييم كهس
تەمەت من دخوين لي كييم كهس وهك من نهزانن زي. بهلي سەدەم ژ
منه و نه ژ خواندني يه. بههرا پتر ژ جفاكي مه قەدرئ خواندني
نزانه يان نهفئ بزانه. ئەز هەز دكم تو بزاني و هەتا كو بزاني لازمه
بخويني و ديسان بخويني و هەمديسان.
نه هەر خواندەوارەك زانا يه و نه هەر نهخواندەوارەك نهزانه.

هەكەر جفاك بخوينه دئ بزانه، هەكەر بزانه دئ پرسيار بكه،
و پرسيار ئانكو ليپرسين و دوماھيكا ليپرسيني زي دادگههه.

تکایهک من ههیه قیقیان، بهری کو تو نقیسارهکی بخوینی
پیدقی یه خوه ئاماده بکی. ههمیی ژ بیرا خوه ببه: ناقی خوه،
رهگهزئ خوه. ئانکو: ژ بیر بکه تو کی ی و کی نقیساندییبه داکو ژ
نقیسکاران زیز نه بی.

- مه بهستا ته نقیسکار نه پهنی بمینن دا ناف و رهگهزئ وان
باندوړئ ل خوانده قانان نه کن؟
- له بی، نه تنی ئه و به لی دا خوانده قان گرنگیی ب هزر و رامن و
په یامی بدن نه کو ب ناف و رهگهزئ نقیسکاران.
- ئاموژگاریی ته هه رده م ل بیرا منن ههروه سا تیبینیین ته
دهر باره ی پرتووکان و نقیسکاریی...

- کا چاوان مروث پرتووکئ دخوینه ئه ها وه سان پرتووک ژى مروقان
دخوینه.
- ناقی نقیسکاری پرتووکئ نه گرنه به لی ناقه روکئ وئ گرنه.
- پرتووکا خراپ ب ناقی نقیسکاری خوه دهی ناسکرن.
- پرتووکا قهنج ئه وه یا کو نقیسکاری خوه بده ناسکرن.
- پرتووک ژى وهک ئاده میزادی یه، باوه رنه که بی کیماسی هه به.

دهر باره ی خواندنئ ژى:

- خوانده قانئ ساز کیماسیان دبینه و سه راست دکه.

■ خوانده فانی نه ساز دله زینه تنی دا بگه هه داویا پرتووکئی.

هیژا، هندی ئەز ساخم فان پهندان ژ بیر ناکم. ئایا پهندهک
مایه و من نه گوتی؟

- ئه ری.

- کیژان؟

- مروّف پرتووکا هه ری به ده و و سازه. ئەم هه موو پرتووکن به لی کی
مه دنقیسه؟ ژبو چی؟ ژبو کی؟ و کی مه دخوینه؟

۷

[سهربلندی ههردهم پئویسته و دهنگبلندی هندهک جاران، بهلی
دفلندی جارهکی تنی ژی به زیانداره ...]

”تۆڧى بەفرا سىپى وەك تەنبەرىكا وژدانى دىبىنى بەلى ئەز
وەك دلى تە دىبىنم. ئەز دلنىا مە وژدان ئەقىنا جاويد و بىداوہ لى ب
قاسى من ھەز ژ تە ناكە. دىبىژن كەس ژبو كەسەك دن نەھاتە
ئافراندىن بەلى ئەز باوہر دكم كو تۆ و ئەز ژبو ھەڧدوو ھاتنە
ئافراندىن. تۆ سامانى ھەرى بوھايى و ناھىلم كەس تە ژ من بستىنە
ب خوہ وژدان ژى...”

لاسايى مريان نەكە ڧىڧيان. ئەگەر مرى رابىن دى ھەتكا مە (
زندىان) بىن. بىدەنگ نەمىنە، و چاڧىن خوہ نەنقىنە.

گافكا دن تە باسا ئازادىي دكر. مريين مە گەھيان ئازاديا خوہ
و ھىژ ئەم نەگەھيانە. ما گەرەكە ئەم ژى بمرن ھەتا كو بگەھن؟

ئەز ھەز ناكم ب خاكساريا خوہ تە زڧىر بكم لى تە بىرھاتنىن
كەڧن ھىنان بىرا من. د زندانا تەكانە دە، ئەز پتر ئازاد بووم ژ نۆكە.

هه‌رسی دانین روژی جهستی من دهات ئه‌شکه‌نجه‌دان لی روح و هزرا
من ئازاد بوون، دویر بوون و دهستی و ان ژئ نه‌دگرتن. کهسی
نه‌دکاری سه‌ره‌دانا من بکه به‌لی من دکاری: ئه‌ز ب روح و هزرا خوه
دجووم جه‌م هه‌رکه‌سی کو من دفتیا ئه‌ز ببینم یان بئاخقم.

فیفتیانا من، ژ بیر نه‌که کو مروّف ژ چار زاتان پیک دهی: جه‌ست
زاتی نزم، هه‌ست زاتی نافتین، راما ن زاتی بلند و روّح زاتی بلندتر. چ
که‌س و چ تشت نکاره و ان زاتان ده‌سپلین بکه ب تاییه‌ت زاتی بلندتر.

سالآ بیستی یه و ئه‌ز ل هیفتیا وژدانا دویر به‌لی سالآ هه‌فتی یه
و تۆل هیفتیا ئافده‌لی نیزیکی. مروّف بی‌ریا که‌سه‌ک نیزیکی بکه جودا
یه کو مروّف بی‌ریا که‌سه‌ک دویر بکه. ئه‌ز وئ دزانم.

بی‌گه‌زاف، ئه‌ز دکارم بیژم ژیا‌نه‌ک بی‌داده.

هه‌فت ساله و تۆ دخه‌ونا ویره‌ک ده مه‌زن و په‌روه‌رده دبی و
هیژ قریاقووس ته‌ بجویک دبینه.

- تۆ چاوان من دبینی؟

- چاقتین من تیرا دیتنا ته‌ ناکن.

”ئەگەر راست ئافدەل من وەھا گرنگ دېبىنە، نەخوھ چما سەرى
ھندە سالانە ھىژ ئەو ھەز ژ وژدانى دكە؟ چما ئەز نەشىم وژدانى ژ
بىرا وى بىم؟“

ئەز فى پرسىيائى ژ تەقنى بېدەنگيا تە دقەھىنم بەلى بزانه
بەرسف نەپەنى يە چونكى ئەقېن ب خوە پەيوەندىبەك نەپەنى يە و
ھەتا نھا كەس نكارە ب دورستى سەدەمىن وئ تىيگەھە. زانست
دكارە كارتىكەرن و ھاندەرېن وئ ئەناليز بكە بەلى وەك ھەست و
بىكھاتە؟ ئەز گومان دكم.

قىيان، ھەكەر ھىقېنى ئاقل د سەرى من دە ھەبا، ئەز دا ل
سەرى رۆژى وژدانى ژبىر بكم لى وەسا ديارە، يان ئاقل د سەرى من
دە نىنە يان زى ئەقېنى چ پەيوەندى ب ئاقلى قە نىنە.

پروېلم د من دە يە. پىشتراست بە.

تۆ گەلەك ھىژايى لى ئەز زوى ب زوى نابېژم چونكى ل
دەستىيىكى و داويى تۆژى ئافرەتى و دەمى كو پەسنى ئافرەتى دەئ
دان وى چاخى دفنا خوھ بلند دكە و كەسى دفنبلند ژى بەرپېن خوھ
باش نابىنە. سەربلندى ھەردەم پىويستە و دەنگبلندى ھندەك جاران
لى ھەكەر دفنبلندى جارەكى تنى ژى بە ھەلبەت زياندارە.

فِيئَانِي... پەريزادەيەك وەك تە نەحەوجەدارە كو تەريئەك
وەك من پەسنى وئ بدە. قى راستىي ژ بىر نەكە.

* * *

- ديسان دىيژم: ئىقارا خىر و گوننەھانە. قىجا بلا خىر بەھرا تە بن
و گوننەھ بەھرا من بن. دەنگ بکە دا پىلین دەنگى تە من ل گەل خوە
بىن.

- بو کويقە ھىژا؟

- بو کويقە بە خەم ناکە، يا گرنگ ئەوە كو ژ سنورىن قى باژىركى
دبۆرن.

- تۆ دزانى، ئەز خوەديكى نە تنى ژبو خەملاندنى ب کار دەينم
بەلى بەھرا پتر ژبەركو ھەست ب تنىوونى دكم. ل گەل خوە دئاخقم
و خوە پتر ناس دكم. ل بەرامبەر رادووستم و پرسىارى ژ وئ كەسا
تيدە دكم: تۆ كى ي؟

- بەرسقى ددە؟

- ئەرى، دىيژە وەك ھەر كەچەك دن ل قى باژىركى بى ھەدار ئەز
بى ناسنامە مە، ل ناسنامە و چارەئقىسى خوە دگەرم.

- و پاشى...؟

- پاشى ژ نشكەكى قە خوە ژ خوەديكى دەھاقىژە و پەلامارى من ددە.
پۆرا من قەدچەرىنە و سەرى من دگرە و ل دىواری ددە. زار زارا گرىي
من و تيقە تيقا كەنىي وئ تىكل دىن. پاشى دلى وئ ب من دشەوتە،

من ل هه مبيژئ خوه دته پته پينه و بهري كو بنقم ب پسته پست د
 گوھئ من ده دببژه: ”ياخي ببه و ب ئاوايهك قهكري رهفتار بكه!“
 - ل رۆژ هه لاتا نافه راستئ ياخييون وانه يهك نه ريئي دده. به لي
 گوتنيئ وئ هيژا نه كو تو هزريئ خوه ل سهر بكي.
 - راسته به لي ببهنا من هينا، ئه ز بو وئ ناهيلم.
 - خه م ناكه جانم... خداما ته يه!
 - ئه ز و ئه و ههردوو خدامين ته نه.
 - من ژ بير كر بببژم ته، تشتهك دن ژي گوته من.
 - خير به؟
 - گوت چينابه تو پهراوه يا بيرهاتنيئ سهيدا يئ ئافده لي بي
 ئاگه هيا وي بخويئي.
 - خه بهري وئ يه.
 - ببوره بو راستببژيا من.
 - مالا وئ ئاقا و سوپاس بو وئ راستببژيا كو شيابي دوو كوليلكين
 نيساني ل قئ ئيقارا به فريني ل سهر رويين ته بيشكوقينه.

ته بيرا سالي و دل بهرا وي يا سه لار هينا بيرا من. سالي
 دناقبهينا خوه و من ده دگوت كو دوستا وي دل بهري خوه ب تهنكا
 ده ريبكورتى دكر، مؤمين رهنگين هل دكرن و ل بهر دهنگه ژه يين
 موزيكا كلاسيك ب تاييهت يا ئالان شوپيني، په نجه ره يين جاني خوه
 بو بايي بهنگينيئ قه دكر. رادكهت سهر قانا پشتئ ئه قجا ب ئه سپايي
 دخرماند. وهك سه نتوورا به دهو، جهستئ خوه ل سهر قه راغي ته ختيئ

خەملاندی دريژ دکر و مينا هونه رمه ندهک به هره دار لی بی ئە زموون،
بی زانینا نووته و مه قامان، ب تامه زروویی ب تیل و په رده بیین خوه
دخه بتی به لی نه دهیلا بقه تن. ژ هه ردوو لیقین وئ دلۆپین خونا فا
حه زین قه دهغه دبارین و ژ سۆمایین چاقین وئ تیریزین هه تاقه ک
هاقینی شه قستانا بن برویان دپژکاندن. شه پۆلین پر جا وئ هار دبوون
و ژ که ماخان دپۆرین.

که یفا من بیقام بو دل به را هه راشه دهات. تو دزانی ژ بهرچی؟

ژ بهرکو دویریا. نه هه زه ریبیه ک د ته مه نی شانزده ه سالی ده
دویره د خه لوه تگه هی ده خوه تازی بکه و نه هه زه ریبیه ک دویره
حه ز ژ پیاوه ک ده ه سالان ژ خوه مه زنتر بکه. دل به رئ نه تنی دویریا،
به لی ئاماده بوو دونیا و ئاخه رتئ هه ردوویان گۆری سالی و ئە قینا
وی بکه.

- د جفاکی رۆژه لاتی ده که چک فهیت دکه به حسا هه سنین خوه
بکه.

- هنده ک جفاکین رۆژه لاتی ئازادن به لی ئەم ل مه هانه یان
دگه رن. که سی بخوازه هه ست و ماف و پرنسیپین خوه بپاریزه گه ره که
به رگیریی بکه و خوه دان هه لویست به .
- کانی ئەو که سین وه سان؟

- ههته بهلی ناهین دیتن چونکی خوه ناهینن ریژا هه رکهس دن .
گاڤا دهنگ بکن هندهک که سین بی ههست و ههلوپست بهرئ وان ددن
تهحتی . ب هه ر حال، ئه و چ کاغهزه ته ژ پاخلا خوه ده ریخستی؟
- دوهی من نفیساند . ئه ز نه نفیسکارم بهلی من ههول دا ههستی
خوه ل سهر رووبه رئ کاغهزه کی ئاڤا بکم، ببوره چونکی من شیوازی
ته ب کار هینایه .
- خه م نا که فیفیان . ئه و ژ کارتیکرنا خواندنئ یه ... نه خراپه .

” د رووپلهک قه تاندی ده ژ هزار شهف و شهقه کی، شه هره یار د
په لھا رهنگذار ده جار لاقلاڤ و جار هاواری دکه بهلی شه هره زاد
ناهیله ئه و بنقه ههتا کو هندهک بوویه ریډ دن ژ سهرهاتیا پیاوی
نیف مروّف و نیف خوه داوه ند ل گهل که چکا خریستیانی بو بغه گیره .

و دبیزه: که چکا سه هه ند و ساودار دهنگی ستران و موزیکئ بلند
دکه و هندهک جاران ژئ ب دهنگی خوه بی به ره ههست دسترینه بهلی
وهین و گری ژئی وهک کی رهک تویر وان توخوبیان دبره . په ریبهک
نازه نین و گهرمداره، ب خوه ل ده مسالین سپی ژئ، له ورا کونیله بیډ
له شی خوه بی تیهنی بو با و رو ناهیی قه دکه . ب ژیرکراسئ دیدر و
کورت ههتا سهر چوکان، زه مینئ که لها کالی کوفاندار ژ توژا ته مهنئ
به نده مانئ دجیرفینه و ب هه وهس به ژن و بالا خوه دته وینه دا کو
پیاوی نیف مروّف و نیف خوه داوه ند وئ ببینه، مه مکین وئ وهک دوو
سیقین که رک د ناڤا به لگین گهرده نا وئ ده دگه هن . نا ... نا، وهک دوو

لاله بیین رُونیدار د تاریا کانوونی ده هل دین. وهخما تلکین وئ بیین
ئالویس سهقایی سِردار هینک دکن.

که چکا خریستیانی دزانه کو پیاوئ نیف مروّف و نیف خوه داوه ند
ل ئیقارا درهنگ ئافه کی ل سه رئ خوه دکه لهو ئهو د کونا ده رگه هی
ره، ب خه فی، هیف دکه و د خه یالگه ها خوه ده دگه هه وی. دله رزه و
خوه یا ئاواره ب ستریزه رک و که له مین پیلاخین وی فه دگره. و گافا
که چکا خریستیانی ب خوه د گه رمافی ده به، هینگی دکه وژه، له شی
وئ وهک ریکستانئ بو دلوپین بارانا چه زین ئافز، وهک عه ورین
شباتئ، دشه هته. زایه لا دهنگی زه لال ئاوازا ماته مینیئ دژه نینه و
بیهووده، خوه فه دقوته.

د کیلیکهک ریوار ده ب ده ستین خوه بیین کو پتر ژ چاره کی
سو تین، فه نه ریئ به ژنا خوه فه دم رینه و ب زیماری ل گهل خوه دبیره:
ئهی پیاوئ نیف مروّف و نیف خوه داوه ند، بلا ئه ز بیم مه ریه ما به لی
تکایه تو نه به عیسا!

۸

[زارۆكى واتهيا سهرسامیی دده و سهرسامی ژى واتهيا فهلسهفهیی
[دده]

ل بيرا كئى دهئى، هيژ ئهم دوو زاروڭكىن بئگوننه هـ بوون و ل ناڤا
كولانئين تاخئ بئن ئاخئ دلەيزين. ب دئمين بچويك و بشكورينين
مەزن پيرگى هەڤ دەاتن. تايئ ليڤين مە دگرت وەختئ سەرتلين مە
دگەهيان هەڤ. من نەدزاني نئير و مئ چ نە بەلئ من هەست دكر كو
دوو ئافەريده يان توخمين جودا نە. وەك كەسئ نەخواندەوار دەمئ
كو پرتووكئ دگرە و تنئ ل وينەيان دنئيرە، ئەها وەسا مە ل هەڤ
دنئيرى ژبەركو مە نەدزاني ئەم دەربرينين دئمين هەڤدوو بخوينن.

ئەو نيڤهك و ئەز نيڤهك و دەمئ دگەهن هەڤ دبن يەك. بەلئ
يەك چئ؟ يەك كەس؟ يان يەك پياو؟ يان يەك ژن؟ مە ئەو ژئ
نەدزاني بەلئ مە تنئ دزاني كو پيڤه ئەم دبن تشتەك تايبەت، نە
وەك بئن دن.

ژیو خانرا وی من خوه فیبری پینجۆکانی دکر و وی ژی ژبو خانرا
من خوه فیبری غارانئ دکر. هەر بیهنهکی بیحهمد مه دفیا ئەم قەدەر
ببن، دویری زارۆکیی دن چ ل پشت قەنتەرەیان چ ژی ل کۆلانی تاری
دە.

هیدی هیدی و بی کو ئەم بزانی بو کوبیقه مه خانر ژ زارۆکیی
دخوازت. کەسێ نەدگۆت مه کو هویین زوی مەزن دبن. مه ژی خوه نه
ددیت لەورا مه نەدزانی. تنی د عەینەیان دە جار جار مه ددیت کو
ئەم دەهین گوهۆرین. نه بەژنیین مه وهک خوه مان، نه سیماییین مه، نه
ژی هەست و نەستیین مه.

مه بیقام حەز ژ کۆلارهیی دکر. مه ژ کاغەزکیین رەنگین کۆلاره
چیدکرن و ل تەحرەیا نیفرۆ ل هنداڤ سیبەرین خوه دفراندن،
هەرەوسا ل هنداڤ خانیکین ئاخێ و دارین تویکان. چیکرنا
کۆلارهیهکی کارەک نه ب زەحمەت بوو چکو هەيامین جەنگان سیخۆ و
هەلیکۆپتەر ژ تەبیر و تەوالان پتەر بوون ب تاییهت ل هەيامین شۆرشا
ئیلوونئ هەتا کو دگەهە نسکۆیا ۷۵ ئ و پاشی جەنگی کەنداڤی
یەکی.

ب ره ژیی من ل سەر کاغەزکان دنقیساند (وژدان) و وی ژی
دنقیساند (ئافدەل)، ئەفجا مه ئەو کاغەزک ب دەرزی قە دکرن دا
بگهەن کۆلارهیی. یا ژ مه قە کۆلاره ماکه و کاغەزک تیژکیین وی نه،
گەرەکه بگهەن هەف. د زارۆکیا خوه دە، مه گەلەک تشت گەهیاندن
هەف بەلی ئەم ب خوه قەقەتیان.

وهك خهونين شهقان ل بيرا منه: نيڤرو بوو، هندهك كهسين
گردهله ب رووخسارئ پياوان ل سهنتا مه راوهستيان و هيڤ دكرن
بزاڤين مه بين وهك زيئبهڤي. ئەز ل سهر وژداني دترسيام بهلي من
خوه گيل دكر چونكي من ژ مهزنان بهيستبوو كو ژن خوه گران دكه ب
تايهت ئەگهر پياو خوه سفك بكه. من گهلهك گوهداريا مهزنان دكر،
من وهها دزاني چ تشتي ئەو دبيژن راسته.

فيڤيان جان، كول و خهمان زاروكيا من زوي ب دوماهيك هيئان.
هيئان ئەزئ زاروك ههست بكم كو مهزنم. نها دخوازم جارهكي تني
ههست بكم كو ئەز زاروكم بهلي ههمان كول و خهمن ناهيئن. وي
چاخي ئەز بچويك بووم، ژ ههرتشتي بچويكتر تني ژ تهمنهني خوه
مهزنتر.

* * *

ل وي نيڤرويي يهك ژ وان پياوين گردهله، ب قيافته خوه
خانهدان و ب دهروونا خوه دلوقان، وهك باڤهكي پشتي كو ژ وهغهرئ
ڤهدهگهره، ب مهرهداري دهستي خوه ب سهرئ وژداني ده هيئا. ب
پرسيارهك رهوا ساويلكيا من يا زكماكي تاقى كر: ”چي يا ته يه؟“

هەردوو چاقۆین وی بیین شین وەک دوو لیبن نیسکان مان ل دەقی
من بەلێ چاقۆین من - هینگێ هیژ نەکیم بوون - بیین تزی کنیشتە
مان ل وژدانی. من نزانێ کێژان بەرسقی بدم. پرسپارەک زەحمەت بوو
بەری هینگێ من ژ خوە نەکربوو. ئەز ل پەیفان گەریام، تنی پەیفان (
خوشک) هات بەر دەقی هینا من گۆت: خوشکا منە!

ب دوودلی من بەرسف دا. من نەدزانی واتەیا خوشک یان برا
چی یە بەلێ من هەست کر کو (خوشک) پەیفەک نەگونجایی بوو بو
هەستی من.

” خوەدئ وە بهیلە، تیز یاریان بکن و بکەنن بەری کو هوین
مەزن ببن!“ ژ گۆتتا وی ئەز وەسا تیگەهام کو مەزن یاریان ناکن.

ئەو پیاو چوو، هەر گاقەکی ل سەر ملی خوە دزقری. مستەک
بلغەمی ژ دەقی خوە هاقۆت بەر پیلایا خوە یا بوویاگری. عیلاجی
هاتن من. من حەز دکر ئەو بچە دا وژدان ل گەل من تنی بپەیفە و
بەری خوە بدە من تنی. من وەها دزانی ئەز ب تنی هەمە، زەمین
ساخمەراتی من دزقەرە و روژ ژێ پێخەمەتی من دەهەلە. تیرین
غەزەبێ ژچاقۆین من دوەشیان. ئەز قورنەتگر بووم و پالا خوە دا
دیواری. پاشی ل سەر کوندکان روینشتم وەک رویدنسیپیەکی بەلێ بی
تزی، ل بەر قەنتەرەیا مرگەفتی ل بەندا بانگی بمینە.

د وی تهمه نى ده وهينى ئافره تى ب سهر وژدانى ده زال بوو،
مادى خوه ترش كړو و ئه نيا خوه كر گريك. زانى ئه ز ل سهر وئ دترسم
لى ژ كه ربان ده دهست هاقىت پرتكه ك شويشه يئ ژ په رداغه ك
شكه ستى و سهرتله ك خوه پئ بريندار كر ئه قجا سهرتله ك من دكو
خوينا مه تىكل ببه و قه قه تيانا مه ئه سته م به. گه له ك بئ زراف بوو
به لئ چ شيوه يين دن يين دهر برينى نه دزانى.

سهرتلا خوه يا بريندار ب يا من قه نويساند. پاشى ب قه راغى
ليقن خوه سهرتلا من رامويساند، و من ژى ههروه سا. نيژيك بوو ئه ز
تلا وئ بكرينم، بخوم، هندی هند تاما خوينا وئ شيرين بوو.

سال قه ديان و هپژ ئه م دوو زاروكن و د تونىلا تارى ده دچن و
دچن به لئ ييدى نه بيگونه هن. گونه هين مه مه زنن قيفيان، تيرا
هه موو بيگونه هان دكن و گونه ها هه رى مه زن به نده مانا بيست
سالانه.

- تو ديسان بيدهنگى!

- ئه ز چ ببيرم؟ راسته، بيست سالىن به نده مانى گه له كن به لئ ل
گور بوچوونا قولته رى كيمن چونكى ئه و دبیره: بيست سال بو دقن
هه تا دارى مروقى قايم ببه...! قيجا، د قان بيست سالن ده، ب كيمى،
تو گه هياى ژيانى، مرنى، وژدانى و ئه قينا خوه.

- دبه جانم. بهلئ ههمان كهس دببزه: ببست هزار سال تهمن بو
دقئ ههتا مروف ل قئ ژيانئ تئبگهه و ههتا ههتايئ تهمن بو
دقئ ههتا مروف ل خوه تئبگهه.

ئهم دژين و تئناگههن. ئهم دمرن و ههر تئناگههن.

* * *

ببست ساله و ئهز دتهرازيا بهندهمانئ ده ژيان و مرنئ دببم و
ئهنجام وهكههقه: جار ژيان دبمهك دنه بو مرنئ و جار مرن دبمهك
دنه بو ژيانئ. من دهزراند كو ئهز ل ژيان و مرنئ تئبگههم چونكه د
مرنهك روژانه ده دژيم و د ژيانهك روژانه ده دمرم. ل دوماهيئ ژنوي
من زاني تنئ خهونهروژه و هيژ ئهز د ناقبهرا ههردوويان ده
دالهقاندئ مه.

ببويسته ئهم بژين داکو هندهكئ ل ژيانئ تئبگههن.

- و مرن؟

- ببويست ناکه مروف بمره داکو ل مرنئ تئبگهه.

ل قئ ئقفارا كال و سار نئبزيكه بهفر ههر درئ سبي بكه.

هه می ب جاره کئی ساره: په یف، ئاور و روناھیا فنه رئی. به لئ
سه برائئ سه رمایئ، ژ هه رده مهک دن پتر ئه ز دشیم گوتنا سارته رئ
بیمه سه ب تیگه هم و هه ست ب واته یا وئ بکم وهختئ دبیره: ژیان
دوژه هه!

کا ئه م دیسان بغه گهرن بو مژارا ژیان و مرنئ...

ل سه برسا ژیان و مرنئ ئه ز گه لهک دخوینم و هندهک جارن
ژئ نفیسار و گوتاران دنقیسم. وهک کو تو ل سه ر رهفکان دبینی،
پرتووکین فلهسه فه و پاراسایکولوژیئ وهک ژیدهر ب کار دهینم و ل
سه برهک دیارده یان رادوه ستم به لئ واته هه رده م دنافبه را دوو
کهفنان ده دمینه و سه رجه م بیردوژ، خواندن و لیکولین کیم دمینن.
هه تا راده یه کئ باساری په یدا دبه چکو پتر ب سه ودایئ مروقی فه
گریدای نه و سه ودا ژئ راده داره نه خاسمه سه ودایئ ئافه ریده یهک
سه یر و سه فی. ئافه ریده یهک سه یر هه روک ژ هه ساره یهک دن هاتی.

جارنا ب راهینان هه ول ددم ل گه ل رهوتئ هار بگونجینم و
په یفا (نو) ژ فه رهنگا خوه بسرینم و ل جاتئ وئ (ئهرئ) قه ید بکم.
ل باژیرئ مه بهه را پتر هه ز ژ ئهرئ دکن. کیم کهس، که سین دین و
که سین دهین دینکرن تنئ هه ز ژ نویئ دکن و وهک کو زانایی ل
روژه لاتا نافه راستئ، وارگه هی ئه فسانه یین سه له فیان و خلماشیا
دوینده هان، ماف و بریار هه رده م بهه را برانیئ یه.

* * *

من نه تنی ل سهر کاغهان نفیساند بهلی ل سهر بای و ئاقی،
ل سهر بهلگین داران، ل سهر دیوارین زندانان، ل سهر کهقلی خوه بی
پنیدار وهک کهقلی ماران، ل سهر پاریی نانی رهق و گهلهک چاران
ژی ل سهر پهړکا چغارهیا دوماهیی. مافی من ههبوو کو ئهز د
نقیسارین خوه ده برویین خوه بگههینم ههف لی ئهز دیشکوریم. مافی
وان ژي ههبوو کو نقیسارین من نهخوینن بهلی مافی وان نهبوو
بقهتینن یان خوه خهلهت تیگههینن.

مرؤف پرسهکی تیگهههه جودا یه ژ هندئ کو خوه تیگهههینه.
بهپاتا ههری قهنج ئوه ههركهس ژ مه کهسهک دن تیگهههینه. بهلی
ههتا کو مرؤف تیگهههه، هندهک ئالاق و هوکار پیذقی نه وهک زمان،
دهم و مهژی و ههموو د پرتووکئ ده پهیدا بین.

- کی پرتووکان دخوینه؟

- کیم کهس.

ئو ژي تنی بو کامنه دخوینن. ئهم دیسان دبیزن سهدهم ژ
جفاک و ئاواپین پهروهدهیی یه. کا ئهم - باسی خهبهری - قی

باثیرکی بکن پیقان بو کوردستانی و لی بگهرن کا کیژان جه ئاپورا
یه؟

- بازار؟

- ئۆ. بازار ل ههموو وار و وهلاتان قهرهبالغه. ژکهفن ده وهها یه، ژ
سهردهمی بازارگانیا ئافی وهختی گهمیین سیلان و هندیان دهاتن قان
دهقهران و کهل و پهل پیک دگوهورین. بهلی ل هندهک جهین دن وهک
مزگهفت، خهستهخانه و گازینویان بنیره...

- راسته. ههرسی دانین روژی مزگهفت پرن، ههروهها خهستهخانه و
گازینو. لی ژبهرچی؟

- پرسیارا ته دسهلمینه کو مهی نه تنی سهری مروقان مهست دکه
بهلی فهدکه ژی.

دبیژن دا مروّف نیژیکی خوهدی ببه... وهها دزانن کو خوهدی
دویره و تنی ل مهزگهفتی یه. دبیژن ژی مزگهفت جههک ئارامه و
مروّف قهستا وئ دکن دا بیهنا وان فرهه ببه لی نابیژن چما بیهنا
وان تهنگ بوویه؟ ههروهسا دبیژن ژی دا ئهرک و مافین خوه بیین
ئاینی رابهینن بهلی کیژان ئهرک و مافن؟ ژبلی نفیژ و روژیان چ
دکن؟ ئهری ئهرک و مافین دن بههرا کی نه؟ سهربان و کولانین
پهرسنگههان ژ نفیژکهران پر دبن، تو کهفرهکی بهافیژی ناکهفه
ئهردی و ل گهل هندی کوژتن بهردهوامه، ریژهیا دزیکه و

ههلهپرستان پتره، تيرور فه دگره، فراندنا كه چكان بوويه ديارده و ههژاري ههفركيي ل گهل چاره نقيسي بهلهنگازان دكه.

مهودايين دوپر ب پييان دبرن و د نهجام ده پينگافهك دن نيزيكي كهسان دبن لي يهكه وهك قرياقووسي د جهي خوه ده پينگافهكي نيزيكي خوهدي دبه. نهو هاتنه فيركرن كو قورباني و باوهري و ههزكرنا خوه پيشكيشي كهسان بكن بهلي قرياقووس هاته فيركرن كو تني پيشكيشي خوهدي بكه ژبهركو بنگه هه نهوه.

مهسهلا كاري و خوراي يه فيثياني.

كا نه مافي بهرسفي بو باوهرمه نديين مه بهيلن چونكي نهو گهلهك ههز ژ بهرسفداني دكن.

و نه م بيين نهزان زي تني ههز ژ پرسياران دكن.

دهرباره ي خهسته خانهيي، تني كهسي نهساخ قهستا وي جهي دكه.

نهزانيين « نهسه قامگيري » ماندييون « بيكاري » ههژاري « نهساخي » م... ر... ن.

راسته، هندهك جاران خهستهخانه دبه جهئ ژفانين ئهفنبازان
و بو پهيڤ يان ماچهكئ وهك بهرگومانان رهفتار دكن بهلئ پيرانيا
دهمان قهرهبالغه چونكي ريژهيا نهساخان مهزنه.

- و دهربارهي گزينويان؟
- ئه و ژ بيكاريئ يه فيثيان.

خه م نينه. ئه م دئ خوه ل بهندا عهبدى ئاغايئ دهناني بگرن
ههتا بزقره و قئ بارژيري نويژهن بكه.

- ما قهئ يئ چوويي دزقره؟
- ئه و ل سهر هاتنا وژداني دمينه، ههكه ر وژدان زقري ههترشت
دكاره بزقره.

۹

[ههمى ژ بيرا مروڤى دچه بهلى ئهڤين دمينه! چما؟]

وژدانئ دگۆت: ”سۆز به ئەز ته نه هئلم و ههفسه ریا مئرهک دی نهکم!“

یه کهم جار بوو که سهک سۆزه کئ بده من، یه کهم و دو ماهیک سۆز بوو. من ههست تئئ ب کار دهینا و ههستئ من ژئ وهک حوکۆمهتا مه ل فئگافئ هئژ ساقا بوو.

چ عه جئب، بئدی نابئژن ساقا یه!

- ئەز دترسم کو رۆژهک بهئ و فئجا ببئژن حوکۆمهتا مه پیره!
- [حوکۆمهتا مه ساقا یه] و [شیان و قیان]، فئ ههشمه ندیئ ئەم تئرا خوه گویری کرن.

ب هه ر حال فئفیان ...

پاشی من زانی کو باوہریی پپویستی ب سۆز و سویندی نینہ .

من ژى ب سیرہبندی گۆت: ب خوہ ئهگەر ئهز مرم ژى وژدان؟

ههروهک زارۆکهک ل سپیدهیا رۆژا جهژنی بی جلیکن نوی
بمینه، ب مادهک مهلوپیل ل من فهگهراند و گۆت: خوهدی نهکه!

ژ کهیفان ده ئهز نهگرم بهلی ههردوو چاقین من زهلال بوون و
دونیا ههمی زهلال دیتن. من ب گهرما دلدارین داستانان ئهو
هههبیزاند و ئهف سهری مهزن ب سانههی د ناف دهستین وی بیین
بجویک ده هوندا کر.

* * *

بهلی...

ئاقلداران کارین وی ژى دین بکن چونکی دوپیریا بیژه: نو!

” بهردهوام خوازگینی دهین و دهستی من دخوازن بهلی ئهز ل
ههه جارئ هیجهتهکی دگرم. دایکا من گومانئ د رازا دلئ من ده دکه.
ب گۆتین مزنان هزرین من هان دده و کهچینیا من ژ دهردی
قهیرهبوونی ئاگههدار دکه.“

ل گهل رۆژگاری ههلویستی وئ سست بوو. ئەز دبێژم نکاری خوه
ل ههمبهر هیزا دایکی و پهندین سلهفیان رابگره. ههروهسا ل
ههمبهر هندهک هۆکاری ئارهینه. بهرئ خوه ژ من وهردگهرا و
دپهیقی. بیهنا گومانی ژ پهیقین وئ دهات نهمازه دهمی گۆتی: ”
لهزئ بکه، بهری کو بیه درهنگ...”، ههچهنده ئەو ژ ههركهس دن
پتر ب رهوشا من سهروهخت بوو و دزانی من پی چینابه.

قیفیانئ، ئەف بهری سهرهلدانا بوهارئ بوو ب ههيامهک کورت.

سئ ههیف بو داویا سالا خواندنئ مابوون. ل گهل بهرگههین
سهرهلدانی ههموو ب جارهکی هات گوهورین ههروهسا هیقیخوازی
ژی. بییدی من بهرئ خوه دا ئاسویین دویر و بلند ئەگهچئ من ژ پهقلا
خوه دویرتر نهددیت. ههر هینگئ من ههول دا ئەز ل پهی پرسا ماف،
ناسنامه و نیشتمانی بگهرم. خه ما من یا هه ره مهزن ئەو بوو کو ئەز
پرتووکا خوه چاپ بکم لئ، نه دبستان ما ل بیرا من و نه پرتوووک.
تنئ وژدان و ئەفینا وئ مان ل بیرا من و ههتا رۆژا ئیرو.

ل گهل سالگاری ژ نوی ئەز دئ بزانه کو پرسهک دن ههیه و
بوها و گرنگیا وئ پتره ژ پرسا ماف و ناسنامه و نیشتمانی.

- کیزان پرسه؟

- پیرسا ژيانی .

* * *

سهرهلدانی وهک پرهکی شیا من دهرباز بکه بو جیهانا جفاکی
مه. ههروهسا چهند کهسان بو جیهانا من یا ئاشووبیانه. ل روژین
سهرهتا، نه وهک ههركهسی بهلی وهک گهلهک کهسان، من ژی
بهرهنگاریا هیژین رژیمی دکر. د هه ر پینگاقهکی ده وینهیی وژدانی
دهات بهرچافیین من و ل گهل دهنگی هه ر گوللهیی دهنگی وئ دهات
گوهی من.

وهک جفاک، مه ژبو برهک بوهایین گهلهمپهریانه سهر هلدا لی
وهک تاکهکس من ژبو ئهفینا وئ ب تنی سهر هلدا. هه ر گروپهکی
ئالایهک بلند دکر، ئالایین رهنگدار ب تاییهت کهس و زهر. بهلی من
ئالایا ئهفینی بلند کر، ئهفینا وئ یا دهریرینه ر بو ههستین من ژبو
کوردستانی وهک وهلات، ژبو کوردان وهک نهتهوه، ژبو ئاشتی و
ئازادیی وهک خهون، ژبو نفیسکاریی وهک بههانه و ژبو ژیانی وهک
مه بهست.

به ر ناکهفه ئهز قالا هویرایین روژا سهرهلدانا سیمیلی بو ته
بکم چونکه وهک واته و تیگهه تشتهک بوو و وهک کرداری و ئاکام

تشتهک دن بوو، هندهک ههناسهساری ئافراند ب تاييهت دوماهيکا
وئ.

- هندی هند قرياقووس ل سهر من دترسيا هيئا دهريئ ئودهيي ب
کليي ل من دائيخست و دهركهت. ئهز ب تني مام د تاريي ده. هويين
ههردوو ژ من دووير بوون ل دهمهکي کو پيدفيا من ب وه ههبوو. نه من
دويريا ئهز فهنهري هل بکم نه زي پهنجهرهيي قه بکم. د پشت
پهردهيي ره من ل سهري گري جوھيان دنيري. بهري نوکه ته پرسيار
دکر ئايا ديمه ن زوي دگه هه يان دهنگ؟ نها هات بيرام من کو ديمه ن
بهري دهنگي دگه هه جوئكي ديمه ني ئاگري دهفي تانكي بهري دهنگي
تهقيني دهات. ل گهل گورمينيئ ئهف كهلها كهقنار ب جارهكي
دههژيا و من دگوت ئهها دي ب سهر من ده بههرفه. گوھي من ل
گورمينيئ بوو، ههروهها چاههک من ل ئاگري تانكي و چاههک دن ل
دهرگههي قهنتهرييي بوو بهلي هويين نههاتن.

- ئهه هاتن لي تو نقتي بوويي.

- نقتي بووم يان د گولا گريان و خويدانا ترسي ده نوقي ببووم؟

* * *

پشتي بوويهريئ سهرهلداني و کار و بزافا لهشکهري عيراق
بههرف کوردستاني، ئهف باژيرک زي هات بهردان. وهک روژا
قيامهتي كهسي خوه ل كهس دن نهكر خوهدان. ئهز مام ههتا

دوماهيئ و بهري كو له شڪهه بگههه قهراغيڻ زانكويا گشت و كالي
ئەز ژي پهفيم. من خوه ب داويا كوسترههكي قه گرت. ئەز تهخمين
دكم كو تنئ ژمارهيا نهفهريڻ ل سهر سپيبي پتر بوو ژ بيست و
يهكان. ههتا زاخو بهس دهستين من كيير من هاتن. ههر گافهكي دهات
بهه چاقي من كو ئەز ژي دكهفم و سهرياز من دگرن. ههر گافئ ژي
ئەز قه دجنقيم و من سهري خوه ل جامئ دخست.

ژبهه تفا سوږ من ههرتشت سوږ دديت: عهور، ئەسفهل و
دويكييل.

* * *

دوو شهف و دوو روژان ئەز ل مزگهفتهكي مام و پاشي ب ريكا
هندهك جواميران ئودهيهك ب كرئ ل تاخا گوندكي ب دهست من
كهت. ئەف ئوده ل بهه وي پاليس بوو. جوانيا وي تنئ ئەو بوو كو من
د كولهكي ره دكاري پرا دهلالئ ببينم.

* * *

ئيفارهك بوهاري بوو، كهسك نه وهك في ئيفاري.

ل نافعندا زاخۆ، سەمنا راوہ سنگەھا ترۆمییلان، ب ریکەت
وژدان پیرگی من هات. من نەدزانی ئەوہ چونکی خێلی ب سەر دیمێ
خوہ دە کربوو بەلێ وی ئەز دیتم و بانگی من کر. ل سەر پێیان مە
سلاڤ دا و پرسیا رەوشا هەڤدوو کر. پاشی ئەم ل قورزییەکی گەریان
بەلێ ژ بازارا پەرۆکان پێڤه جەهەک دن نەبوو کو ئەم بکارن بیستەکی
پێڤه لێ بقەدینن. ب سایا خێلیا تاری وژدانی دکاری ب ئاواپەک
ئازاد ل گەل من بناخڤه و ب هەمان ئاواپی دۆرا خوہ ببینە...

- باقی من دبێژە کۆستەرا زەر بەرەڤه ژبو رەڤی هەکەرەت و
قەومی.

- بو کیزان رەخی؟

- هێژ کەس ژ مە پێ نزانە.

- ئەز ل سەر تە دترسم!

بێهەک خوہ دەستین من گرتن و پاشی گۆت:

- کا تۆ ژ دەستین من بگرە و بکە دناڤ هەردوو دەستین خوہ دە
داکو پێڤه بەرەڤ بلنداپی بار بکن و ل ناڤ عەوران خوہ بقەدزن...
ل ویرئ ببن دوو خوہداوہند، تۆ خوہداوہندی جارن و ئەز خوہداوہندا
ئازار و بەندەمانئ. ئەز دئ نڤیژئ بو تە بکم و ل دوماهیئ من مەهرە
بکە دا تنئ یەک خوہداوہند بمینە.

- پەيغەمبەر تە مەن دىسۆزىن، بەلەي تۆ ھەيژايى كۆ ئەز ژبو تە بەيغ
سۆتن. ھەيغدارم كۆ باگىرا بىرى و مەرھەقا تە خوليا مەن بېقىدە و ل
سېئەھەكەي يان ل ئىقارەكەي مەن بگھينە تە. ئەز بەردىبىنم كۆ تۆ دى
بىريا قى سىئەي تەمسار بىكى.
- تۆ سىئەي ھەرى جوان و خوينشېرىنى د گەردوونى دە. ئافدەلەي
مەن، ھەيامەكە و ئەز ھەست پىي دىكى...
- ھەست ب چى وژدان؟
- ھەست ب نەپەنى، كۆ ئاگرەي ئەفينا مە يان دى بگھەمرە يان ژى
دى گۆب بىبە و مە ھەردوويان بسۆزىنە.
- بەرى سۆتنى و پىشتى قەمراندنى ئەز ھەز ژ تە دىكى.
- ل گەل تە ئەز ژ بىر دىكى كۆ ئەز مەرقەم. تۆ مەن بىلند دىكى و تىشتىن
دەن ھەمى نەزىم و بچوبىك دىن.
- ئەز ھەيژا مە كۆ تۆ ھەز ژ مەن بىكى.

بەرى كۆ خاترا خوە ژمەن بخوازە و ھە گۆت:

- و ئەز ژى ھەيژا مە كۆ تۆ ل دوىف مەن بگھەرى ھەكەرھات و قەومى.

قىفیان، تۆ دىبىنى چاوا وژدانى پىشېنىيا بوويەران دىكى؟

ھەروەك ب غەيىبى ئاگەھدار. مەن بايەخ پىي نەددا چونكى مەن
و ھە دزانى كۆ تىئە خوە دەربىرەنە.

- وەسا ديارە. بەلئى قەنجە كو ئاماژە بو كۆستەرا زەر كر چكو
خوەش نیشان بوو و ل دەقەرئ ھەمىئى دوو سئ كۆستەرىن زەر تنى
ھەبوون.

* * *

و ل رۆژا دن قەومى و زاخۆژى ھات بەردان.

ژ سحارئ و ھەتا ئىقارا درەنگ، ئىقارەك بىرەنگ، قى جارئ نە
كەسك و نە سىپى بوو، ل گەلىئى زاخۆكئ وەكو پىشمەرگە من ل بەر
خوە ددا. دگۆتن رۆژا مانئى و نەمانئى يە. ھەرچار وەھا دىيژن و
خوينئ د دەمارىن مە دە دكەلىنن بەلئى ل رۆژا دن ھەمىئى ژ بىر دكن
و دناقبەرا مان و نەمانئى دە مەحفویرىن خوە بىن ھەقرشىمى
رادئىخن لئى بەركا مە ھەژاران ب ئاقئى دە دچە.

دەنگەك دەھات گوھئى من: چاوان ھوبىن دئ بكارن قئى زپە ھىزئ
سەخەر بكن؟

ئەز ل خوە دزقرىم و من بزاقئىن رەقئى ددیتن. يەكسەر دلزار
دبووم و دەستئى من نەدچوو تەفەنگئى. من د تەمەنئى خوە دە تەفەنگ ب
كار نەھىنايوو. ل سەرەتا ئەز دەستقالا بووم، چەكئى من تنى باوهرى

و ئەقېن بوو بەلى پاشى ئەز دى بزانم كو چەكەك نەگونجايى يە ب
تايبەت دەمى ئالىي بەرامبەر ئاميرگەھا لەشكەرەك پېشەباز بە يان
ھندەك ھۆزېن عەرەب.

قىفيايى، ھەكەر ھەقسەنگى د ھېز و بەرھەقىيان دە نەبە وى
چاخى بەربىنيا ئەنجامان سانەھى دىبە.

ناكۆكى د ناقبەرا مە و رزىمى دە بوو بەلى ھېزېن ھۆزېن
عەرەبى فەرسەندە ب ھەل زانېن. ئافرەتېن وان زى تەنگ ھلدگرتن
و ل پەى مە دكەتن. تە دگۆت قەى خەنسا و خەولا نە ل غەزۆ و
فتوحاتان و ئەم زى گاورن.

پاشى ئەم دى پەقىنا خوہ ب شىوھىيىن جودا جودا پەوا بكن تنى
داكو ھەست ب سەركوونەيا وژدانى نەكن. ھەرەسا ئەم دى زفراندا
خوہ زى بكن بەھانە ژىو مەبەستەك سەير وەك تۆلقەكرنى.

“خوہدى كەرىمە بو وان!”

تۆلقەكرن بىوو سروودەك ل سەر سنۆران بەلى ديارە كو ھەزا
ئاشتىيى د فرشكى مە دە مەزنترە ژ ھەزا تۆلقەكرنى.

تېئانگهه ن يان خوه تېئانگهه هينن لهو مه لاواز ل قهلهم ددن.
مهسهله ههمى باوهرى يه. سالههان ساله ههم و عه ره ب پيکفه دژين
بهلى هيژ هه فدوو نانياسن. ههم حه ز ناکن باوه ر بکن کو هه و دخوازن
ههم بمرن و هه و ژى حه ز ناکن باوه ر بکن کو ههم دخوازن هه و بژين.

هه رى جانم، من تنى پيئقيس د دهست خوه ده ديتبوو بهلى وى
روژى تفهنگى باوهرى و هه قينا من پهراوه دکر. روژ بهرهف ناقابوونى
دچوو و ههم ژى بهرهف چاره نقيسى خوه يى پهنى. تهک جار بوو کو
ههم چاره نقيسى خوه پهنى ببينم، هه و ژى يان گرتن يان کورتنه. هه زرا
ديهلک وهک هه زرا کو بهرى نوکه من ئامازه بو کرى هه زرا قورنالبوونى
بوو، بهلى کهسى ژ مه ئاره زوويا ديهلکان نه بوو د وى حه يس و
بهيسى ده.

- ديژن گهلى زوى هات بهردان!

- نه زوى بهلى ب سانه هى.

پشتى پهيكارى گهلى هات بهردان و هه رکهس ب رهقا خوه دى
رهقى. لى گه رکهه کو مافى کهسى نه هى خوارن، هندهک کهسان هه تا
داوين هه ناسه بهرگيى دکرن. ملهت پى ئاگه هداره بهلى زوى ژ بير
دکه.

هه می ره قین: ریک ره قین، خهون ره قین، هه ناسه ره قین.
ته نانهت پین من ژی ئەز هیلام و ره قین.

* * *

ئەم سی کەس بوون: ئەمینئ لەنگ، سه لیمی ده نگبیز و ئەز.

مه نه دزانی کو له شکه ل دۆر گه لی زفرییه و د ئالی
پیشخابیری ره ناقه ندا زاخویئ داگیر کرییه. د ده مه ک زوی ده ب
بویسه و زالگه هان رووانگه ها ته ف ریکان دکر. ل سیرجی ئەم که تن
د ته له زگه یه ک نه ل هزر و بیر ده. هنده ک که س ب جلین کوردی ل
پیشیا مه ده رکه تن و ئەم دۆرپیچ کرن. روواله تی وان ئەم خاپاندن.
مه وه ها زانی کو کوردن به لی که و ده یه ک سه ربازان بوو و پیلان
سازکربوون. ئەم ئیخسیر کرن و ب زیله ک عه سکه ری خه سپال
قه گوه ازتن بو فه رمانیه ریا بره هیم خه لیل، ئوردوگا بیان باره گه هی
به روه خت. بریقه، سه ربازه ک ئەدغه م و فیژدار پیشنیاز کر کو سی
گولله بیان گۆری مه بکن داکو خوه ژ مه خلاس بکن و ل وان نه به
دره نگ ژبو قیدانا یه خته رمه یئ سفیلان. ئەز ل گه ل خوه که نیم. ب
غه ییدین و پیله ک تفی ژ ده ریا ده فی خوه ناقچاقین من شوپستن و
پرسیار کر: تو ب چ دکه نی؟ من هه ول دا کو غه ییدینا وی ژ سنۆرین
گۆتنئ نه بۆره. بی دلئ خوه من دۆزا لیبۆرینی کر و مینا پیره ژنه ک

پېرېژ داوی کو بوبیکا مالی سهر ژئ ستاندى ل گهل خوه گوټ: گوشتی
مه چره، خوینا مه تهحله، بهریکین مه قالا نه و...

و بهری کو ئەز ئاخفتنا خوه تهفأف بكم سهربازەك دن
خاترناس، ب سهر و سیماییڻ خوه بیڻ ئەسمەر خویا دکر کو ژ
باشوورئ عیراقئ یوو، ب لغیزی بهرسفا ههفکاری خوه دا و گوټ: "هیژ
هوین کوردان ناس ناکن. کورد نه توندپه و تیکدهرن وهک کو هوین
دهزرینن. ئەو تنئ دۆزا مافیڻ خوه بیڻ پهوا دکن بهلئ هوین وئ
دۆزئ ب ئاوايهک دن تیدگههن!"

سهربازئ مرؤف بهری کو ببه عهره ب، ب نه بهزی قالا خوه و
ههفالهک خوه بی کورد ب نافئ سیتو کر: "ل جهنگئ کهنداقي يهکئ،
د که تنگهها سهربیل زههاب ده سیتو پی ل ماینهکئ دکه و پشتی کو
بیچار دمینه خوه ب سهر ده دکه تنئ دا ههفالیڻ وی بیڻ دن بریندار
نهبن..."

د ناقبهینا خوه و من ده گهلهک تشتین دن ژئ گوټن وهک: "ئەز
و هندهک عهره بیڻ دن ب جانی خوه قهردارین کوردهکئ نه و زنان
چاوان قهرئ وی ئەدا بکن" ههروهسا: "ژ هینگی ده تیگههی کورد د
سهرئ من ده هاتییه گوهورین."

- ئهري هيژا. كهسي كو حهز ژ ژيانئ بکه گهرهکه ئاشتیخواز به.

- ژ کهرهما خوه ههما ببيژه ئافدهل بيان کاسايي. بههرا پتر دبيژن من سهيدا بيان هيژا، کهس نابيژه ئافدهل. وهسا ئهز پتر ههست ب بيانيووني دکم فيقيان.
- ئافدهل نافهک تاييهته بهلي دهقي من ناگهره ئهز ببيژم.
- ههول بده. ئهز دئ سوپاسدارئ ته بم.
- سهر چاقان، لي ببيژم ئافدهل بيان کاسايي؟
- ل دبستانئ و ل گهل وژدانئ ئافدهله لي ل گهل سالي و بههزادي کاسايي بوو. و ل گهل ته... تو سهريهستي.
- ئهز گهلهک حهز ژ نافئ کاسايي دکم.
- سالي و بههزادي ئهو ناف بو من هلبزارتن. کاسايي، سوپارو، خالدي و ميتاني هاتن و چوون بهلي گهلهک تشت ل پهي خوه هيلان. ئهو تشت ناف و ههبوون و بهردهواميا وان دسهلمينن. وژدانئ ژي تنئ کورتهنامهيهک ل سهر کاغزهک سبي ل پهي خوه هيلا.
- بهلي نوکه ژبلي دويندههي چي ل پهي خوه دهيلن؟

۱۰

[باوهریا ره‌ها زندانهک ته‌کانه یه...]

وہک کو تو دزانی، ژبەر هەيامین کەفن د زندان و گرتیگەهین
تاری و شهگرتی دە و ژبەر ئاوايین ئەشکەنجەدانئ وهک فەرزین
نقیژئ، د بوهارا تەمەنی دە ئەز تووشی هەندەک گوهرانی و
شەفکوربئ د بم. دبیزن دل پیر نابە. دبە راست بە.

بەلئ لەش دوەستە، وهک سندۆقەک قالا ژنگار دگرە.

زیلا خەسپال مە دگەهینە خۆپانا برههیم خەلیل. سەرباز وهک
سئ تەلیسین ئالکی مە دەافیژن بەر هەندەک هۆقین بەرسی و نیهنی،
تنئ گوشتئ مروقان د خون و خوینا وان فر دکن.

هەردوو هەفالیین دن فانیلهیین خوه بیین کو ب خویدانا تاییین
مرئ هاتین ئافدان ل هنداڤ دیمئ من دگفتیشن هەتا کو دیسان
جاقین من بەق دبن. نفا سۆر ئەز زوها کربووم.

” مرؤف ژ جهين بلند تنن دكهفه خوار!“

دهنگهك بياني وهها گوت و ههدارا من هينا.

- تو دزاني كي نهز راگرتم؟

- وژداني؟

- نهخير. وهختي كو زهلام دكهفه ژني جيهاني تهف نكارن وي رايگرن.

- نهخوه؟

- نهردئ گرتيگههي!

فيقيانا من، كيم مابوو كو نهردئ گرتيگههي بگههه رامانا پيروزيي و تهمهني سهرحم گومان و پرسياران ب دوماهيك بهينه. نهردئ جيهاني ههموو ناهي بهرامبهه دلؤپهكي ژ خويانا زارؤكهكي. بهلي د گرتيگههي ده نه وژدان هات بيرا من، نه زارؤكين دبستاني و كولانان، نه پرسيار و گوماني سامان. نهز ژ تهقان دوير ببووم بهلي تنن ژ نهردئ گرتيگههي نيزيك بووم، گهلهك نيزيك ههتا وي رادهيي كو نهنيا من راموبيسانده و سينگي من گهمراند.

دبه كو ليقين نهردئ نه وهك ليقين نافرتهي نهرم بن بهلي گهرمترن.

ل دهستپيکي ئه ز ل بهر خوه که تم پاشي سهرسام و حيبه تي
مام چونکي نه سويارهک بووم د داستانهک روزه لاتانه ده بهلي من
وهسا خوه ديت پشتي کو سهر بازهک تهرهس پستالا خوه وهک رمي
هاقيتي پشتا من. ههر مورکهک بو خوه چوو. ئه ز داکه تم سهر دهقي
خوه، ب خنزي من ل ئه ردي دنيري کا چاوان ب ليقيين خوه خويينا
جهمسي ژاله کي من، ژ دفنا من، ژ ئه رزنک و ليقيين من دميره. ئه ز
دبووم قهديد بهلي ل گهل هندئ ههستي بياو بووني د من ده دلقلقي.

بیرهاتننن جوان ب کوتهکي ئه ز ژ ناف له پين مرني رهفاندم.

ئه ز نه مرم بهلي تووشي دامرکاندنن بووم.

بیرهاتننن جوان پيوستن ب تاييهت ل دهم و جههک وهها.

ههتا رادهيي گه زاقني بيزار ببووم، ته نانهت ژ وژداني و ژ خوه
ژي. گوئنا فيلوسوفهکي هات بيرا من دهمي دبیره: "مرؤف
بوونه وه رهکه و نه زيده تر، هاتيه في ژيانن تني ژبو کو بمره *... و
ريهسيپيهک کورد ب پهندهکي هه قدهنگيا خوه بو وي دهربري و گوئ:
"مرؤف توئي مرني يه"، من سهرتلين خوه گوھين خوه سماندن و کر
قيري و هاوار. لونجينيوس ژ تاريي دهرکهت، د گوھي من ره گرت و ل

* سارتهر ۱۹۸۰-۱۹۰۵

من حەبیتاندا، گۆت: "نەو بە تۆ گۆهداریا وان گۆتنان بکی، ژبیرنەکه کو تۆ خووەداوهندی و خووەداوهند نابە بمره!" من خووە وەک زارۆکهکی ل بەر دەستی وی دیت، نە وەک خووەداوهندەکی.

یەکههەو ئەز ل سەر پین خووە پین وەر می سەکنیم و من بەرئ خووە دا خواری. ب درێژیا بیناھیی د نافبەرا چاڤین من و ئەردئ گرتیگەهی دە من پرسیار و گومان و هندهک مراری تنی ددیتن.

رامویسنەک بیگۆننەه بوو بەلی کیم مابوو کو من ب سەر دە ببە.

هەستەک ل بال من پەیدا بوو کو ئەز هلاویستی مە، زەمین ژ پین من دویر بوو ب دویری ئاسمانی ژ سەرئ من. هیڤییهک تنی ژ نەمابوو کو ئەز خووە پیتە بگرم. من ژهەمیی دابوو ستۆ بەلی دیوارەک ژ دیوارین گرتیگەهی بوو هیراقلیتس و دەنگ ژ هات... ب فەدەنگی خووە گۆلا بیرەوهری یا گەنی شلقاند و هەموو زندیوهر تیدە فەژاندن. مژارا گۆهرینی کو یەکه ژ راستی تەقاه ئەز هاندام کو واتەیا وی د دۆرهیلی گرتیگەهی دە بەرجەستە بکم.

قیڤیان، تۆ دبینی ئەز چاوان دروینم؟

ل هەر جقاتی وهسان دروینم. بهرئ، د گرتیگهه و زندانان ده هندی هند جهی من تهنگ بوو، من ل سهر کوندکان خوه دقورساند ههروهک ئیختیارهک مات د باژییرهک قالا ده پشتی کو خوهدان درهفن و وی ب تنی دهیلن. لی نها وهک قرالهک بیمنهت بهلی بی تانج و تهخت پییهکی د سهر بی دن ره دهافیتیم. گهه دخوازم خوه پان بکم و گهه دریت بی کو تیبینی یان بهرکاران ل بهر چاف وهربگرم.
- کهسی ته ناسنهکه ب زهمهت ل ته تییگهه!

کهسی بییژه کو گرتیگهه سازگههه ئه و درهوان ل خوه دکه، خوه دخاپینه. و کهسی بییژه کو سهرباز یان پۆلیس ماف و یاسایان دپاریزن هینگی ئه و خوه و ته ههردوویمان دخاپینه.

ئهز ناخوازم په یقان ب وان دهربرین و بوویهران بی واته بکم لی بزانه وهختی کو ئهز سهرباز یان پۆلیسهکی دبینم، ههتا ب پۆلیسی هاتن و چوونی، بهکسهر قارس دیم، تیک دچم و مهترسی وهک خهتیرهکی د زولوماتا دیمی من ده هل دبه. تنی وی چاخی ئهز ل بهرامبهر کیلیکا ده می خوه لاواز دبینم و پهناپی بو دیم.

* * *

ل گۆر مهرج و بنه مایین دهمراسنکری ئه و نه زندان بوو بهلی ب تیگهه و باندورا خوه ژهر زندانک دن ساودارتر بوو.

هيٿ من سوحبه تا بوويه رين زنداني و هويراين روژانين وي بو
كهي نه فها گيرانه لي نوكه ب مارهقا ديله كي وهختي كو نازاد دبه،
دكهفه سهر چوكان و ئاخي ماچي دكه، ههز دكم بو ته بفه گيرم.

ئهز وي قاسي دريٿ ناكم كو سهرئ ته گيٿ بكم فيفيان جان.

- بهلي وهسا كورت زي نهكه كو سهرئ من قالا بيمينه!
- گوهي ته ل قهنته رهيي به، ته هند ديت وژدان هات.
- قهنته ره فهكري يه، پشتراست به.

پينچ روژان د وي قبرستاني ده ههتا رادهيي خواهزيا ب مرنئ
ئه م پهريشان بوون. وهك ده واران؛ ههروژ دوو ستل دهاقئين بهر مه،
ستلهك ئاقا بيس و ستلهك ئاري تيكل. مه ئهو ئاوپته دكر ههقير و ب
خافي دخوار. روژا بهكي گهلهك زهحمهت بوو لي ب ئهسپايي ئه م
راهاتن و مه باوهر نه دكر كا كهنگي دي دوو ستلين دن بدن مه.

- مهزن دبيژن: برس چ ناسناكه!
- راسته. برس بهر بهسته د ريكا بهرده واميي و پرنسيپان ده.

مروفت نه ديبشكه ههتا كو دوو سي سالان برسي بقهدينه.
بهلكي بكاره ههيفهكي برسي بقهدينه بهلي نه تيهنئ. ئهو پتر ل

سەر ھېزا خوھراگريي دمينه. مەسەلەيا دەرکەتنى و دەستئاقى ھندەكى زقىر بوو. ھەمان كونجك ببوو جھى دەستئاقا مە ھەميان. نە پېلەك بايى ساز، نە سيناھى. و سەقايى پيس نەساخىي پەيدا دكە و نەساخى زى قەدگرە.

د گرتيگەھان دە، گەرەكە ژھەردەمەك دن پتر مروڤ ل رەوشا تەندورستيا خوھ مقاتە بە، ب كيمايى تەندورستيا بەدەنى چونكى يا دەروونى ب خوھ تىك دچە. من ئنيەت ھەبوو ئەز مانى بگرم، ب ئاف و قەندى رۆزىن بى رۆژ بىم سەرى بەلى لەپك قەندى ب زىر زى پەيدا نەدبوو. ل ھەرسى دانين رۆزى تنى دانەكى من دخوار و قەدخوار و ئەو زى دا رويڤيكيىن من زوھا نەبن و گەدەيى من كول نەبە.

رويىن مە دكەتن ئەردى گافا كو يەك ژ مە تەنگاف دبوو. بەلى د بارودۆخەك وھەا دە تىگەھى فھيتى و ريزگرتنى ل ھەمبەر ئازاردان و چەوساندنى قالا دمينه ژ رامانى. رۆژ بو رۆزى ئەم راھاتن ھەتا كو بوو دياردە و دياردە زى ل گەل راھينانى خوھرستەيى پەژراندنى دسەپپنە. دوو سى رۆژ ب سەر دە بۆرىن و وەك سەلەفيان مە گۆت خوھزيا بەرى. ل بەر چافىن مە گرتى ژ ئودەيىن وان دەرڤخستن نەژبو كو رزگار بكن نا، بەلى ژبو كو ب ئالافىن جودا جودا ئەشكەنجە بدن. جارەكى ب كەفران دكەفراندن ھەتا كو خوين د بن وان دە وەك جۆكېن فان كۆلانان دھەركى و ئەو ب خوھ ھشك و زوھا

دبوون. هينگي ديسان دهني من پر بوو ژ تفا سور بهلي من نه دوپريا
تف بکم چونکي پوسترين کابرايي ب هر درئ فه هلاويستي بوون.
جارهک دن ژي ب کابل و فونتاخين تفهنگان هستيئ ساخ د له شين
وان ده نه دهيلان و جاري ديتر پانزين ب وان ده دکرن ئه قجا ب
گولله يين ئاگريني دوماهیک موی د ناقبه را ژيان و مرنئ ده د هزارا
من ده دقه تياندن.

همی بوويه که لتوور و بهر باف ل سهر په روه رده دين. تنئ د
که لتوورئ ئيسلامی ده که فراندن مایه بهلي د که لتوورين دن ده وهک
په يف ژي د فهرهنگان ده نه مایه. کابلئ ژي تنئ ژبو که هره بي ب
کار دهينن و پانزينئ ژي تنئ ژبو په يداکرنا تين و وزه يئ.

- دادگه ه و ليپرسين نه بوو؟
- روژ ه لات ب خوه دادگه هه قيفيان.

بريارئ دستينن و پاشی ل گور ئه زموون و ئامرازين به رده ست
شپوه بي ئازاردانئ فه دبرن.

* * *

ل روژا بهري داويئ سهر باز بوونه حه جي لي بهلي ب جلين
مغاويران. سه ليمئ زه يندار برن و هه تا هه ناسه يا داويئ که فراندن. ژ

هينگي ده، ژ كهفران هه موويان نهز حهز ژ كهفره موهری تنی دكم چونكى نهو ناهي هافيتن.

سهليم خورتهك نهستيله بوو. دهنگي وي بهرههست بوو. ل ئيفارين گرتيگههي سترانين كاويس ئاغاي و ئهياز يوسف و ئهرددهوان زاخويي ب دهنگهك كيم بو مه دسترانند. دزاني كو نهز حهز ژ سترانا (خالو) يا كاويس ئاغايي دكم. د وي سهقايي زامدار ده ب گيزهيا دهنگي خوه گيانئ من دنازاند بهلي ههتا كو ئازارين من كههي دبوون روندكيين من كيئي دبوون. سهليم بهري ههترتشتهك دن مروف بوو، مروقهك ساز و بيكين. نهكاري ب پهيقان دوژا خوه وهك هه كوردهك دن دهربيره بهلي ب دهنگبيزيي گيره ژئ چيدكر. رووبهري دهنگي وي ژ يي گهلهك (هونهرمهنديين) نها پتر بوو و ل گهل هندئ نه دگوت نهز هونهرمهندم چونكى دزاني كو هونهرمهندي نه تنئ دهنگي خوه شه.

ل ئيفارا روژا داويي، ئيفارا ئهينئي، سهليمي هندهك پرسين كهسايهتي بو من گوتن: پرسا ئهقينا خوه بو كوردستاني وهك وهلات و بو هاجهري وهك دايلان.

ميكين پستوك و سينگي وي قهتاندی بوون. ل ناڤا مويين سينگي ده كوردستانكهك دتهيسي و رامانيين من درهقاندن. دگوت و قه دگيرا: "عهرب و ترك و فارسان هه مي ب جارهكي دزين: زه مين، زمان،

دیروک، ستران و ئاواز. و نها دخوازن کوردستان و هاجهرا من ژى
بدزن!

ل سهه پيستهيي زهندي وي يي چهپي قهتهک دلي ب درييزي و
شييري قوتاندي بوو، دگوت کو قهتي دن ل سهه زهندي هاجهري يه.

- فيفيان، من کاري کوردستانکي ببينم بهلي کي دکاره قهتي دي يي
دلي ببينه؟

- نه ز نه مينم!

- ديمهني که فراندنا سهليمي دهنگيژ زوي ب زوي ناهي بيرا من
بهلي هه رگيز ژبيرا من ناچه زي.

- ته وي نه يي وي هه يه؟

- بداخه نو، تني د خه يالا من ده هه يه: ههفته مهني من بوو بهلي ژ
من لاوتر خويا دکر. هيژ من نه سمه رين وه سا خوینشييرين نه ديتنه.
بهژنا وي وهک يا باقي ته قرياقووسي بوو. تليين مروقي دچوون ناف
خه له کين پورا وي ده. جيئنيکين وي سپي دکرن بهلي درانين وي ژبه ر
گه مارا چغاره بيان زهر دکرن. ته دگوت قه ي گرنژين وهک چاقي بيان
دفتي نه ندانه که ژ ديمي وي مروقي.

* * *

سەربازەك كوندك گۆت سوبا نۆرەيا ئەمىنى يە بۆ كەفراندنى.
وئ ئىقارئ، ئىقارا ساوئ ژ مرنا كو ئەم وئ كىم دبىنن بەلى د ھەمان
دەمى دە ژئ دترسن، خەو ب چاقتىن مە نەكەت. ھەتا بەرئ بەيانى
من ل بەر دلى ئەمىنى ددا.

ژبەرکو ئەز گوھدارەك باش بووم، وى ژى وەك سەلىمى دەنگبىژ
ژياننامەيا خوە بۆ من فەدگىرا. بەحس دكر كا چاوان د جەنگى
كەنداقتى دوويى دە برىندار دبە. ھەتا سەر گۆزەكى پى وى دەھەرشە و
د ئاكام دە ل بنگەھەك ھاوارھاتنى دەئ برىن. گەلەك دكەت خەما
پى خوە چونكى ژبو دۆزەك نەپەوا و ل وارەك بيانى ھات برىن.
وینەيىن زاروكىن خوە ژ بەرىكا پاخلى دەريخستن، نە ئىسر بەلى
بىرى د جاقان دە دبوو لەھى.

تە دگۆت قەى ئەمىن تەك كەسە ژ ھەلەبجەيى قەپرەستى.

- دلى من ل گەل وى بوو بەلى ئاقلى من نۆ.

- ژبەر چى؟

- ژ بەر كو مرن وەك كەچكەك قەيرە و بۆ گانەكى پەرتى ب دويف
وى دكەت و ھەر گافەكى كراسى خوە ژ سەر دانگا خوە ھلدادا.

ھىنگى من پچەك ئاقل ھەبوو. من دقيا ئەز وى پشتراست بكم
كو ئەو نامرە. ھەستى من تشتەك دگۆت و سەودايى من تشتەك دن.

من ئیڙه بی ب نۆستر ئەدامۆسی دبر و خوازت ل وئ ئیقارئ جھئی خوه
د گۆرستانی ده ب یئ من د گرتیگه هی ده پیک بگوهورن.

ل رۆژا دن - رۆژا دوماهیئ - ئەم هەردوو ل بەندا هاتنا
مەلکەمۆتئ مرنئ مان داوی کو خوینا گرتیی بەری مه کرین بەرکا
سۆر و بو پینگاقتین وی رانیخستین. هەرچار ب رووالهتەکی خوه نیشا
مه ددا.

د وان هویرده مان ده بیردانکا من کون ببوو. بیرهاتنهک تنئ ژئ
بو هیقتینی تپده نەمابوو. نه وژدان، نه تو و نه زاروک. ژ ترسان ده
من د بەره هیکا دەمی ره دکر. رابردوو و هه قدهم ب دویف من دکه تن و
ئەز ب دویف لهیلانا داهاتوویی بەرەلا دکه تم. ئەز پیره گه هیام و من
گه لهک دیمه نین سۆسره تانه دیتن.

قیقیانا من، هندهک کەس لەزئ دکن داکو بگه هن داهاتوویی
بهلئ ئەگەر نیزیك ببن و ببینن بەری کو بگه هن وی چاخی دویر نینه
بره فن و خوه بی داهاتوو بهیلن.

دیمه نی بهکی:

که قراندنا مه هەردووکیڤن بیزاراف، ئەمینی و من... هەمی
ئەندامین لەشی من تف دکرن خوین.

دیمه نئی دوویئی:

ئەم دېوھوزین، دېوون دوو کۆمپین رەژیئ بەلئ باگیئا ئاشتیی
ئەتۆمپین مە ل گەل خوە دېرن بۆ سەرپین ملان.

دیمه نئی سئیی:

سەربازان ئەم وەک دەواران لغاف دکرن، ل مە سوپار دېوون
هەتا کو گپئ خوە دشکاندن، ئەفجا ل شوینا لیھازەیان ب قۆنتاخین
تفەنگان کلۆخین مە دەھورانندن. ب سەرئ قامەیان چاقتین مە
دقۆقلاندن و ل دوماھیئ، ژبۆ گرتیی دن قامەیی خوە ب هەستیی مە
کارتیک دکرن.

قیقیانا نازدار، نەھ سال ب سەر دە بۆرین بەلئ...

- بەلئ هەروەک ژنوی روپیدە. ئەز نابیزم هەروەک دوھی چونکی
دوھی چوو بەلئ ئەفە ژ بېر ناچە. ئەز ب تە دحەسم کاسایی من. کا
سەرئ خوە دابھینە سەر زەندئ من و ھندەکی بېھنا خوە بقیەکە ھەئ
ئەز گۆری.

* * *

- تۆ نامرى كهكى ئەمىن!
- ھەي مالا تە، ئەز مرم و چووم. تىنى ئەو ماىە كو سالۇخى مرنا من رابگەھىنن.

- تە باوھرى ب ژيانى ھەپە؟
- ھەپە و ئەز گەلەك پىدقىيى وئ مە. لى وەسا ديارە كو باوھرى ب من نىنە و پىدقى ب من ئەماپە. من باوھرى ب ژيانى ھەپە بەلى ب مرنى نىنە. ئەز ھەست پى دكم كو مرنا من ھانتىپە و ل بەندا منە. كەكۆ، مە ژبو ژيانى ل بەر خوە دا، نەكو ژبو مرنا پىزەقەنگ.

بەرى ھىنگى دگۆت من سەيدا بەلى من ئەو تىگەھاند كو ئەم تەف مىريين ھەمان كونى نە.

- تە دىت چاوان ھەموو ژ وئ مرنا كو تۆ دبىژى پىزەقەنگە رەقپىن و ئەم ل تالىيى مان لەو ھاتن گرتن؟ ھىژ تەحرەپا نىقرو گەلەكان سوپىريين خوە بەردان. سەلىم و ئەز چاقەرئ بوون كو تۆ ژى برپيارا رەقى بدى چونكى تۆيى مەزن بوويى بەلى تە پىشپا خوە تىنى ددىت. ئەز ژ تە ناقەشىرم... ھىنگى ھەمى د چاقپىن مە دە بچويك دبوون بەلى تۆ مەزنتر دبوويى.
- ئەز نە رەقىم بەلى نھا...
- نھا چى؟
- نھا دخوازم ژ مرنى برەقم.

- تنی ژ مرنی؟ باشه، ئه گهر ئه م مرن؟
- رهحمهت ل باقی ته... ئه گهر ئه م مرن هینگی ئه م شههیدن و ژ کیستی خوه چوون.
- ژ کیست خوه؟
- پا...؟
- ئه ز نزانم، و ئه گهر ئه م نه مرن؟
- سۆز به ئه ز وه ههردوو بیان، ته و وژدانی، بگه هینم ههفدوو.

ل ده مهک دژوار و ل جههک پیس وهک زندانی ئه ز فییری وانه یا ههری گرنگ بووم د ژبانی ده: ئه مینی نه خوانده وار ئه زئ خوانده وار فییرکم کو مروّف نه تنی بوّ خوه دژی.

ژبه رکو روژا دوماهیی بوو، کیلیکا ده می دریژ دبوو.

ده مژمی ل جه م مه نه بوو به لی ژ هیلین تاقی و سیه ری مه دزانی چ ده مه. که سیی به ری مه ل به رنیفرۆیی دبرن.

دبیژن مروّف جاره کی تنی دمره به لی هه تا به رنیفرۆیی ئه مین د هه ر چرکه یه کی ده چه ندین جاران دمر. تنی موژیلانکیی مه دلغین و ب زمانی بیده نگیی وه ردگیان کو (هیژ) ئه م زندی نه.

په نه خوه شه کو مروّف ژقانی مرنا خوه بزانه فیقیان.

وهك دوو ريٽنگان ل بيا بانا بيٽ ٺهنداز ل كارواني هوندا ببن،
تيهني بمينن و كهفا سبي ليٽين وان بگره بهلي بيٽ ٺماژه عهورهك
باركري بهيٽ و ل هنداشي سهريٽ وان بيارينه، ٺها د ويٽ قيروسيابيٽ
ده ٺهفسه رهك پايه دار ب پاوهرئ سهريزهك په رگه نده به رهف
گرتيگه هيٽ هات و ده رگه هيٽ زيانيٽ، بيان مرنئ، فهكر. ٺهو ٺهنكيتا ل
روٽا گرتنيٽ ناٽين مه ل سهر نٽيساندي د دهست ده بوو. ٺهمينيٽ
مردار بهريٽ خوه دا من، ب هيٽهك هه ٽي زيما ر و فرقاتا زهنگه لوريٽ
مالٺاٽايا دوماهيٽي ل من كر و من ٽي وهك قولنگهك بويميٽر باسكيٽ
خوه بيٽ شكهستي بوٽ هلدا.

يه كه مين جار بوو من نه دٽيا هه ٽالهك بهريٽ من بگه هه.

بارئ وي گران ببوو. گوٽنيٽن سه رجهم زمان و زاراٽان نه دكارين
سٽك بكن. بهليٽ ده ميٽ كو بالا چهنگليٽ من ٽي كرين هيٽيگيٽ هه تا
را ده يه كيٽ روح ب سهر ده هات چونكي مه سه له بوو ته ٽايي و ل گهل
ته ٽاييٽ مروٽ هه ست ب هه ٽبه هريٽيٽ دكه. گرتيگه هه ب ٽي كجاريٽ ٽالا
كرن ليٽ بيره اتن و شويٽجه وهك خوه ليٽ مان. دبن بروبيٽن خوه ره من
ٺهمين تيگه هاند كو داويا مه خيٽره. سه رسام بوو، نه دزانيٽ چ دقه ومه
بهليٽ هنده كيٽ باوه ريا وي ب من هات ٽبه ركو دزانيٽ كهنگيٽ ٺهز
حه نه كان دكم و كهنگيٽ ٽدل دٺاخٽم.

قەنجە مروڧ ھەقالى خوە ناس بکە ب تايبەت ل دەمىن پېدڧى .

من دل نەدھيلا ئەز ئەمىنى پى بحەسىنم چکو دامرکاندى بوو
بەلئ ل گەل خوە من گەلەک مەوال دگۆتن: دئ مە تەقان
بکەڧرىن!... دئ ب ھۆليکۆستەک نوى دپروکى دووبارە بکن!... دئ مە
ئزاد بکن!... دئ... دئ... دئ...!

ھايئ مە ژ دەنگوياسان نەبوو. مە ژ بىر دکر کو رووبەرى
جىھانى ژ گومرکا برەھىم خەليل مەزنترە و ژيان ل دەرڧە بەردەوامە.

ريژەيا ھەردوو کارينان، ژيان و مرنئ، وەکھەڧ بوو.

سەربازئ پەرگەندە د بن ليقان رە ئەز ئاگەھدار کرم کو رژيمى
فەرمانئ ليپورىنى بو ھەموو کوردان دايە لئ تنئ ژ جەلال تالەبانى
ناگرە، ئەو ئاوارتە يە .

من وەسا زانى کو ئەڧيندارەکا دلەمەزن و مەرەدارە غەزەلئ ب
من دکە و نە سەربازئ پەرگەندە يە. وەک دینەکئ بەلئ لال ئەز د
جھئ خوە دە کەنیم و شەھبايئ کەنيئ من گەھيا ھەتا توخوييئ
دئيمئ ئەمىنى يئ چرمىسى. ئەمىنى نکارى بکەنە، تنئ گرنئى.

ئەفسەرى پايەدار ژگەورپى و پى دە پەياما لىيۆرىنى دخواند و
ل دويڧ ره فەرمان دا هەر گرتييهك جهى خوه پاقر بکه، ناقى خوه
قهيد بکه و ل بهندا ئازادنامەيا خوه بمينه. ب زارافهك گەفدار بالا
مه تەفان كيشا سەر رهفتار و كرىارين كەسايەتى، كو خوه دويىرى
سياسەتى بگرن و هەرن ل دويڧ كەس و كار و مالباتين خوه ل سەر
سنۆرين تركيا و ئيرانى بگەرن.

خوهزى تنى سنۆر بههرا وان بان قىقيان جان.

د گرتيگەهى دە دبىژن: خوه دويىرى راميارىي بکه.

د پەرستگەهى دە دبىژن: خوه دويىرى ئاين و ئاينهتى بکه.

د جفاتان دە دبىژن: باسا گوھنيليى نەكە.

و ئەنجام = داگيركرن + خلماشبوون + نيرهكەرى.

* * *

ژ نوى ئەمىنى باوهر كر كو ئەو نامره.

ژ نوى من زى زانى كو هەستى من راستياره.

- ته چاوان دزانی ئەز نامرم؟
- من نه دزانی لئ من دقیا تو نه مری. من ههستی خوه وهر دگێراند.

ل دهستپیککی ئەز گهلهک وهستیام چونکه من جهندهکی خوه بیی گهنی ل پشتا خوه هلدگرت بهلی ل شهراشئی ئەز نه جار بووم خوه ژئی خلاس بکم. ئەو بهرهف خواری گندری و ئەز ژئی بهرهف ئەقراز چووم. ب پپیان و ب ئافهندهک لاواز مه قوناغین دوویر و دریش دبرین. بریقه ئەمین دلهنگی و گهلهک جارن ل دوماهیئی دما و دگۆت: تو دکاری من بهیلی!

راسته، من دکاری بهلی بو کی بهیلم؟

من ههست دکر کو ئەز بهرپرسیارم د دهرحهق وی ده. من دخوازت ئەو بگههه خیزانا خوه، ههفسهر و زاروکیین خوه چونکی ل وئ ههییامی ژ ههر ههییامهک دن پتر ههوجهداری وی بوون. لئ بو خاترا وژدانی و من، ئەمینئ سایه دار ههرتشت ژبیر دکر: خوه، خیزانا خوه، روژین گرتیگههی. وژدان و ئەز تنئ دمان ل بیرا وی. بهردهوام پرسیارا مالباتا وژدانی ژ ریواران دکر. دخوازت سوژا خوه ب جه بهینه. ل گهل ههر پینگاههکی هیقیا من بچویکتر دبوو لئ مه رهقا وی مهزنتر دبوو. وهک ههلبهستفانهک ههستیار دگۆته من: من دیمی ته ل تاریئ تنئ دیت لئ ئەز ههز دکم ل روناهیی ژئی ببینم ب تاییهت

ل بهر تيريزين روڻاھيا وڙدائڻي دھمي ڪو ٺھز - ب ٺانھيا خوهدي -
وھ دگھينم ھهڻو!

ديسان دھليڻھ ل ھاوارا مھ ھاٽ. ٺھميني ڙ ھندھڪ خزمين خوه
زاني ڪو مالباتا وڙدائڻي ٺالڻي (بلهھي) گرتييه. بهلڻي ڙمارھيا
ڪوردڻي ٺاوارھ ل بلهھي گھھيا ٻو مھليون ڪھسان و رھنگھ پتر ڙي.

ڦيڇا ٺھم دي ڇاوان ب سھر ھل بين؟

گھرھڪھ ڪو مرؤڻ رؤلڻي خوه بلهيزھ بهلي د ھمان وھختي دھ
بهيلھ زھمان و جھ و ليھاتن ڙي رؤلڻي خوه بلهيزن. من باوھري ب وان
ھھيه و وي ڇا باوھري وي وھڪ سيناھي دي وي ٺاريستانڻي دھ دچرساند.

ڦيڻيانا ڦياندار، تنڻي ليھاتنڻي راستيا خوه د وي خھرگھلهي دي دھ
سھلماند.

ديارھ ڙ ھھمي دانين رؤڙي تنڻي دانڻي ٺيڦاري سھري من دڦي...

ديسان ل ٺيڦارھڪ رؤنيدار و بهفريني، ب سھدھمي خوارنا
ڦوتنيڪان و پھيدا ٻوونا درڙانڪان، وھڪ دوو زارؤڪين ساڦا دھمي درانين
وان دھين، ٺھم تووشي زڪچووني ٻوون. ٺھز - پشتي ٺھزموونا
گرتيگھھي - بستھھ دھرڪھتم ڪيلھڪا خيڦھتي بهلڻي ٺھميني ڪر و

نەكر نكارى ل عەينى جەي بروينە چكو دەنگين زكچوونئ مينا
برويسيان د وئ بيدةنگيئ دە دقەدان. ئەمىن ب پيسكى بەرهف
زنارين دوپر، نيزيكي كانيا ئاقئ، چوو. دا بيژئ ئاگر ب دويف وى قە
يە. وەها دزاني ئەو در قالا يە بەلئ پشتى كو گەهايي، دەنگي
مروقان دبھيسە ھەروەھا ھندەك دەنگين دن.

ئەوقاس تەنگاف ببوو، د ريبا رئ دە دۇخينا خوە فەدكە.

د وى گافئ دە ئەز ل سەر كوندكان بووم، د ھزريين وژداني دە.

ياريين روژگارار زارووكيئ ھاتن بيرا من: كۆلارە، پياوئ گردەلە و
سەرتلئين بريندار و... و تفا سوؤ.

ببۆرە جانم، بەلئ خوينا سوؤ ژ رويفيكيين من دەردكەت.

ئەمىن ل بايئ بەزئ زفري و مزگيني راگەھاند كو ب سەر جەئ
وژداني ھلبوو. ب خنزي گوھداريا سوحبەتا دوو كەچكان دكە...

يەك دبئژە: ئەز پيخواس ل ناف تەقنى و بەفرئ دگەريام لەوما
پەحنينين من كولن بوونە، وەك پەحنينين جيرانا مە فاتوئا قەرەچ! و
كەچكا دن لئ فەدگيرە: خەمان نەخو، باقئ من كۆستەرا زەر ب

گوینیهک پیلایین لاستیکی ل گهل بازرگانکهک گوئی پیکگوهوری.
گاقهک دن ئەز دئ جوتهکی بدم ته!

ديسان کوستهرا زهر...

ئەز دوودل بووم. دبه کو وژدانا مه به و دبه ژى وژدانهک دن
به. چ ددهست من ده نهما، هينا من هیقی کر کو وژدان ل وی جهی
تنی هه به و ل هیچ جهین دن ژ فی جیهانی نه به. من هه موو تیکده
ژبیر کر، چل و چه ند سالیخ خوه، گرتیگه ه و دیمه نین سوسره تانه،
که فراندنا سه لیمی ده نگبیز و به لينا ئەمینی ل روژا دوماهیی د
گرتیگه هی ده ئەگه رهات و ئەم نه مرن.

ئەزئ ماقویل و گرانه، وهک سه یهک گوپی ژ تیھنان ده شه هتی
ب دویف ئەمینی که تم بو سهر کانیا ئافی.

وژدان بوو...

وی ژى ل سهر کوندکان ده زرانند. ژ بهر سه قایی سردار و قریژ و
گه مارا بیئافیا روژین ده ستپیکى دیمی وی شه فینی بوو به لی
ته نه ریکا وی وهک لامپه یه کی روئاهی ددا.

د وی تاریگه هی ده و بی بهرچا فک من ژ دویر قه ئەو نیاسی.

رۆژ ببوو مستهك خوهليا سار ل پشت عهوران. د كئيفه راتا مرنا
پاشخستى ده، دهنگى هه ناسه يين مه ليقين مه وهك سوڤيلانكان
تهرقاندن و پاشى فيرى فرينى كرن... ل هنداڤ خيڤه تين كهسك،
قورميين داران، چرا و سيكوچكان، كاميره يين رۆژنامه گران و سنورين
قهدهغه ئاوازهك نوى دخواندن.

فيقيان، ئهم نڤستبوون بهلى ل بن سيبه را هه فدوو ژنوى ئهم
هشيار بوون. ئهم بشكورين، پاشى كهنين و پاشتر گرين.

گريان خوهشه بهلى هه كهر بهرى وئ كهنى به و بهرى كهنى
بشكورين به.

۱۱

[رہف پیدقنیہک بہردہوامہ بہلئ ژ چی؟ ...]

دهملدهست ههريهك ژ مه فهگهريا خيفهتا خوه، وارگههي نوي.
وارگههي بيانبيووني: ههم زاگههه و ههم مرنگههه.

- ههم زاگههه و ههم مرنگههه؟
- ئهري. بو من زاگههه بوو بهلي بوئهميني مرنگههه بوو.
- مهبهستا ته چي يه؟
- بيهنا خوه فرههه بکه قيفيان، هيژ وژدان نهگههاييه، هيژ ئيقاره و
سوحبهت بهردهوامه.

پشتي هنده بهندهمانئ، كهيفا ئهميني و من وهك زاروكهك
سهقهت ژ دايك دبه...

مه وژدان ديت لي خيزانا وي نو. ئهمين د گرتيگههي ده ژ
مرنهك تهقهز قهههست بهلي مهلكهموئي مرني ل بلههي تولا خوه لي

فهدكه. ههفژينا وي تۆلئ، يا كو زك ل بهر دهفي، ب سئ زارۆكان فه ب سلامتئ دگهه بلههئ بهلئ ل ئيقارهك بئ ئيقبال، بهري كو چرايئ ژيانئ بي كيم د خيغهتئ ده گهش ببه بايئ مرنئ ب ئيكجاري فهدمرينه.

تۆ ل من تيناگههئ چونكي ئهز ب خوه ژئ نزانم چ دبببم. زهحمهته فيفيان. بوويهرهك دلتهزين بوو، ئهز نكارم ب پهيفان تنئ دهريبم.

ديتنا وژدانئ خالهك گهش بوو د وئ ئيقارئ ده. مه گۆت ئهه دئ هزرا خوه ل سهر بكن داکو ببه هاندهر بو پيشوازياروژا دن بهلئ بداخه بهروفارئي رويدا: تۆلئ و ههرسئ زارۆكين وئ ئهرخهفان و ئايفان و ميھفان برسي و سهرمایی بيوون... د وئ خهلا و جهلايئ ده پيوستيا وان ب (هندهك) بهتانی و قۆتيكين خوارئ و كنجران ههبوو بهلئ نه ب بارئ پهراشوتا ئهوقاس گران. ههميان رووانينا ئاسمانئ بي ستير دكرن. د هيقيمانهك زوخينه ده گهه پالا خوه ددان برسا برسي و گهه سهرمایا زالم. بيھنا بهرمایين كهلهخين مردار د ناڤا بهفرئ ده ههناسه دخهتماندن، ههروهها بيھنا بهرمایكين زكچوونئ. بهري كو خوين ببه لههئ دهفرسي. كهسئ ل ديمهن و گهودئ بالهفرئ نهدينري بهلئ تنئ ل دهريئ وئ يئ داويئ كاتئ كو فهديه و ههر فهدهرهكئ بارهكئ دهافيزه خوار. ههرجار بارين خوه دهافيت فهراغيين خيغهتگههئ، ل ناڤا قورمين دارين بي

بهلگ و گول و وئ ئیقاری ژی دیسان هاقبیت هه مان جهان بهلی
ژبه رکو بار گران بوو و داکه ته سهر زه مینه ک بهروار، وهک بهرکار
بلند بوو ئه قجا به رهف نشیف گرپله بوو. چ تشتی نکاری خوه ل بهر
رابگره، نه تۆلی و نه زاروکین بهرهنگار بو برسئ و سه رمایئ.

روژا حه شری بوو، ههر پیغه مبه رهک ل به ره هیا نه ته وهیا خوه
دبه زی.

خوه دان خیر ل هاوارا تۆلی و هه رسئ زاروکان دچن به لی پشتی
چی. وهک ماسیپن مراره د گولا خوینی ده، ب دهستان دگرن و سپار
ددن ئاخا سنوران، سنورین نه مانئ.

* * *

و ئه مین ده قسی...

ئه و کیر مه ته فان هات به لی نه من کاری ئه ز کیر وی بهیم، نه
لنگئ وی یئ دن و نه ره قئ.

ژ هینگئ ده ئه م بوونه ده سه بهرا. ل خیر و شه پان قه ستا
هه فدوو دکن و هه یامه کئ پیکفه دقه دینن. ئه مین بوو باق و برایی
مه زن. که سئ خوه نه ما ژ بلی من به لی ئه ز ژ بیچارم، نه شییم

روژەك وى ل گەل تۆلئ و ھەرسى زارۆكان قەرەبو بكم. ئەز دزانم كو برينئ پمان ب ئافا گولان ناھيئ كەواندن لئ ھندەك جاران ھەول ددم خەمئ وى برەقنم و ھەك كۆمپلیمۆ تەمببا ژنھينانئ ئاراستە بكم، دبیژم ژنەك دن بەھینە داكو ژيان بەردەوام ببە بەلئ ئەو دبیژە: بئ ژن ژى ژيان دكارە بەردەوام ببە.

ئەمین سەبرئ خوہ ب بېرھاتنان دەھینە: بېرھاتنئ خیزانا خوہ و گرتیگەھئ، ھەرۆھا بېرھاتنئ وژدانئ و فئ ئافدەلئ ماندئ.

* * *

ئەو دەقەر ژى ھەر خاک و زەمینئ وەلاتئ مە بوو لئ بەلئ ئاسمانئ وئ ھەستئ نامۆبوونئ ل جەم مە پەیدا دكر. ھەك زالکئافەكئ لئ ھاتبوو و خوینا مە یا شیرین دەھیلا، نە تنئ ئاژەلئین کوپقى، بەلئ ھەمئ ئافەرىدە تئدە بژین تەنانەت بیئ دیم ژى.

ب راستئ ئبستگەھەك ئاوارتە بوو د رېڤنگیا کاروانئ مە دە ل دەستپیکئ دەھسالآ دوماھيئ ژ سەدسالآ بیستئ.

ناف و ئارا و بوھا و خەون ھەمئ ھاتن گوھورین. ناف بوو رەقەند. ئارا بوو خیقەت. بوھا ئەرزان بو ب ئەرزانیا فرەك ئافا بەفرا ھەلاندئ ب قودرەتا خوہزايئ و تارى ژ تارىا دوپکيلا جەنگئ

کهنداڻی دوویئ. و پاریی نانی توری ببوو ههڻرک بو خهونین بی
خهوان. وهک گیانهوهرین دارستانی ب سهری مه دهات، ناکوکی تنی
ژیو نهمرنی بوو.

قیفیان گیان، نهمرن جودا یه ژندیبوونی.

ئهم دکارن نهمرن بهلی چاوا ئهم دی بکارن زندی بمین؟

ژیان... نهمرن... زندگیوون!

من ب ههستیستی دگوت وژدانی: ههکه ل سال و زهمانهکی
مه کورهک یان کهچهک ههبه، ئهم دی نافی وی/وی بکن زندگیوون
ژبهرکو جودا یه ژ زیان و نهمرنی. ژیان ههیه، نهمر ههیه، بهلی
زندیبوون؟

خهزا - دهولهسهری خه - ژیان دده مه، مرنی و نهمرنی دده
مه بهلی زندگیوونی ناده. خهزا دکاره - ئهگه بخوازه - قهنجیی
بکه. دکاره مروقان پهروهده بکه کو ل زندگیوونی برووانین.
ههلبهت نه ل گور یاسایی بهرتنگ بهلی ئهجهق بهرفره ژ
فرههبونا خه.

قیفیان، ژ بیر نهکه کو ههزا مروقان ژ خهزایی بهرفرههتره.

* * *

مهليوون كهس و پتر. دوو كهسيين وهكههف دناف ده نهبوون.
ههريهك نهنجاما پهروهدهيهك جودا بوو. ههكهه مرؤف ب هزاران
سالان داگيركړي و چهوساندي به ههلبهت دهريپين و داناسين دي كييم
و چهوت بن. مهليوون كهس و پتر و ب قاسي وان ل چهلي و ههمي زي
خلماش بيوون. ژمرني، ژ بريندريي، ژ گرتن و هافييووني درهقين
بهلي د ئاكام ده ديسان مرن، ديسان بريندار بوون و ديسان هاتن
گرتن و هافي بوون. پهف پيدفي يه. و نهگهه تنيگههن، پيوسته كو
ههرروژ برهفن بهلي نه تني ژ مرني چونكي نه ل بهر گهفين مرني
تني - ژيانا خوه - دين سهري.

* * *

داوي كو هم ژ چيان هاتين خورئ، گهلهك تشنين دن زي هاتن
خوار وهك: هيژ، ههناسه، ئاكار، پرنسيپ و ههستي بهرپرسيايي.
ههتا روژا ئيرو هندهك كهس وها بو دچن كو كورهف بوو
سهركهتن. ژ بېر دكن يان نزانن كو تني بهشهك ژ پلانين دريژ بوو د
ئاجندهيا هندهك هيژين مهزن ده. دلي مروقايب ب مه دشهوتاند
چونكي ل سهر ئهكرانين تهلهقزيونان هم كييم و لاواز و قالا نيشا
ددان ل دهمهكي كو هم زيده دخورن. نهگهه راست هم كييم و لاواز و

قالا بن نهخوه ئەم ب چى و كى دخورن؟ ژ خوه ئەگەر ئەم نه كىم و لاواز و قالا بن چما ئەم دانپیدانى ناكن و ل خوه موکور ناهین؟ چما ئەم تۆبه ناكن و دەستین خوه ب سەرئ هەف دە ناهین؟ و خوه ئاماده بكن ژبۆ رهقهك راستهقینه ههكهه دوماهيك هه رهف به.

كهسین كىم و لاواز و قالا چاوان دكارن ههقدوو بكوژن؟

تۆ و ئەز ژى هندهك جارن درهفن بهلئ نه ژ ههرتشتى قىفیان.
دبه كو بئ رهف ئەم بكارن سهركهتنئ تۆمار بكن بهلئ چاوان؟

- چاوان ههئ ئەز ههيران؟

- ئەز نزانم، لئ باوهريا مه ب كهدا سهرهلدانى دا موکومتر به.

قههرا بهندهمانا بيست سالان ل ئالهكئ و قههرا زاروكئ د زكئ
تۆلئ ده مری ل ئالهك دن. ئەمینی سۆز دابوو كو ههكهه كوپ به ناقيئ
وى بكه ئافدهل.

- و ههكهه كهچ با؟

- وژدان.

۱۲

[تهڪ خهونا ڪو ٻوويه راستي ...]

پشتی کو دہفہرا تہناھیئی ل باشووری کوردستانئی ہاتی دامہزراندن، و فرینا بالہفہر و فرۆکان لئی ہاتی قہدہغہکرن، بہہرا پتر ژ مللہتی زقزی بۆ بنہجہا خوہ ئہگہرچی بہہرہک ئاوارہبوو، و بہہرہک ل ئاخا سنۆرین مرنئی ہاتن سپاردان. خانیک و ہک گۆران قالا و تاری ل بہندا زندییین مری دمان. ہندہک ہاتن داگرتن بہلئی ہیژ ہندہک قالا و تاری نہ.

مرۆف مریبہک زندگی بہ جودا یہ کو مرۆف زندیبہک مری بہ فیقیان.

ئہف کہلہا ویران ژئی ل بہر تالانئی کہت. نہ من دایباف ہہبوون ئہزل سہر بترسم، نہ خوشک و برا، نہ ژن و زارۆک بہلئی تنئی ئہف پرتوکیین سہمیان و وان ژئی و ہک مریشکیین سہرژیکری خوہ قہدقوتان.

دهوسين پېخواسان ل سهر بوون. قیما خوه ب پرتووکان نههینان. خویا
بوو کول هندهک تشتین دن دگهریان. هینگی من ل گهل خوه هزارند و
گوت: ههکههر ههر مالهک کورد پرتووکخانهیهک تیده ههبا دبه کو
تالانکههر نیزیک نههبان.

ئهگهر دیو ژ ئاسنی برهفن، نهزان ژ پرتووکان درهفن.

* * *

ههمدیسان ئیقار بوو... تو و قریاقووس ل شانهدیرو بوون و ئهز
ل مالئ بووم. من ژقان ل گهل سالی و بههزادی ههبوو. ئهم وهسا ل
ههف هاتبوون کو ئهز باربکیویئ ئاماده بکم، گوشت خهما من
ههرچهنده ئهز فیژیتاری مه، و میوه و چهرهز خهما سالی و ویسکی
ژی خهما بههزادی.

قیفیان جان، خوهزی ل وئ ئیقار ته ئهز دیتبام، وهک
کریکارهکی من زهند و بهندی خوه هلدابوون و ب قئ دهنگی بوو
هیقینی گهوری بو خوه نههیلا، دهنگی چهیران و لاوکان ب سهر
ئاقایی قئ کهلهی دکهت، ههروهسا بیهنا تکه و کهبابین براژتی ل
سهر ئاگرئ پهلان. سالی و بههزاد هندهکی درهنگ هاتن. من وهها
دزانی کو دئ میوه و چهرهز و ویسکی تنئ ل گهل خوه بهینن. کولیکا
دیمی سالی زهر بوو، وهک تویتنا قریاقووسی. بههزاد ژئ مت بوو و

بهري خوه ژ من وهردگهرا، نه دوپريا ل چاقين من بنيره. ههردوويان
سهريين خوه د بهر خوه ده بهردان. من نهذزاني چ قهومييه بهلي ژ
سيمايين وان من بهربينيا بوبهلاتهک مهزن دکر. تني د گرتيگههي ده
ئەز وەسا دترسيام.

- کاسايي برا، ئەز نزانم چ بييزم...
- ئەز ژي نزانم بهلي ههکه بهردهوام ببی ئەم ههردوو دئ بزانی!
- دهفي من ناگههه ئەز بييزم. بههزاد تو بييزه!
- نه تني دهفي ته ناگههه.

من خوه هافيت بهختي ههردوويان کو هه و من نازار بدن. ئەز
بزديام، من گووت نهکو سالوخي خوهکوژتتا ئەميني بگههينن من
چونكي هندهک جاران وي هزرئ خوه ل سهري وي ددا.

- وژدان...!
- ئي!
- وژدان ها...
- ئي ئي!
- وژدان هات...
- دئ بييزه هه بي وژدان!
- وژدان هات خوازتن!
- وژدان هات خوازتن؟

- ئەرئ.

- ھەي مالكلئیس، تە زراقئ من قەتاندا!

ئەز تیقە تیق کەنیم. من گۆتە سالی ئیقارا مە یە و ھەبە نەبە
تۆ ھەنەکان دکی بەلی بەھزادی ب دوو چاقئین تژی ھئستر ل من
قەگەراند و گۆت: "خوہزی ھەنەک بان، ب راستی وژدان ھات
خوازتن!"

کەنئیی من بەردەوام بوو. دەست من یئ کو ھەردەم دەستئ وئ
یئ تەزی تئدە، خوہ ھاقئیت پەلئین سۆر و ھەک نیازکان ل ئاسمانئ
ھەوشئ تئک فراندن. چرئسکئین ئاگری د بئیلکئین چاقئین ھەردووئیان
دە دتەئیسئین بەلی د چاقئین من دە قەدمرئین. بوو زپئنا من ھەک
کەرەکئ کو تئیر ھئ قوتان و ئەقجا بارەک گران پئ بدن ھلگرتن. ئەز
داکەتم سەر چۆکئین خوہ و دئسان ئەنیا من گەھا ئەردئ لئ من
ھەست ب پئاووونئ نەکر ھەک جارا دن. من نکاری یئدی ھەناسەیا
خوہ بئم و بھئیم. سالی و بەھزاد ل سەر من گریان و ھئژ ئەز
دکەنیم. زانئین کو گری د زەنگەلۆرا من دە ئاسئ یە لەورا ب لەز
رەفتار دکن. کاسئنا قورئانئ دادھئین سەر و دەنگئ وئ بلند دکن.

ل وئ ئیقارئ من ھەز دکر کو ھەموو ئافەرئیدە و بەندەروح
درەوان بکن ب تائبەت سالی و بەھزاد.

ئېقار بوو شەف و شەف تارى و دريژ بوو. هەتا تاڤزەرکى خەو
ب چاقين مە هەرسىيان نەكەت. ئەز وەك كورئ ئىكانه د ناڤا نڤيان
دە تايين سار و گەرم گرتن و بەردانى پى دكرن، سالى و بەهزاد وەك
دايپان ل بەر سەرئ من دگرين. ئەز خلماش ببووم، نزانم خەون يان
شەڤپەست بوو كو من دپتى: وژدانا بووك ب مەكسىپهك رەش بەژنا
خوە دخەملاند... زافايي خورت و بەژنراف ب هيمنى دەستئ وئ
دگرت و دكەتن ديلائي. گەڤولا وى وەك تەنبەريكا وژداني سىي دكر.
سمبيلين وى ل سەر تايهكى بوون. د خەولەتگراني دە من پالا خوە
دابوو كۆسەرا خانىپهك ئاخى و دبن ئەنيسكا خوە رە دمەيزاند. من
دزاني ژبەرچى زافا دگرنژە بەلى من نزاني وژدان ژبەرچى. وئ ئەز
ديتم و زوى بەرئ خوە وەرگەراند. ژبو كو تەنگين من سست نەبن من
هەول دا ليقتين خوە بو وئ بگرنژينم بەلى لەرزكى گرتن و پشتى كەفا
سىي تڤا سوڤ ب سەر كەت. دەنگي تلليان پەردەيىن گوھين من
دتهقاندن و قزكيين خويي ژكونيله يين من هەركاندن.

هەموويان دەلنگين خوە هلدان و دبورين.

* * *

ئەرئ قيفيان...

سالی و بههزاد ل سهر من دترسیان. نهدهیلان ئەز ب تنی بچم زاخۆ. ل سپیدهیی زوی سالی تهکسیا نیاسهک خوه ب کرئ دگره و ب خوه دهازوو. بههزاد ل کیلهکا وی دروینه و ئەز ژئ ل داویی، ل گهل یادئ وژدانئ. دهنگ و دیمهئین کهفن دهاتن بهر چافئ من: "سۆز به کو ئەز ته نههیلیم و ههفسهريا مپرهک دن نهکم!" ههروهسا: "ل گهل ته ئەز ژ بیر دکم کو ئەز مروقم... تو من بلند دکی و تشتین دن ههمی نزم و بچویک دبن!" و گهلهک بیرهاتنئین دن و تهف ژئ ژاندارن بو نموونه دهمی کو سهرتلین مه بریندار کرین.

سالی ب لهز دهازووت، د ماوهیی بیست خولهیان ده ئەم گههاندن زاخۆ. ل سهر پرا دهلالئ ئەم بیستهکئ چاههئ مان ههتا کو دونیا زهلال ببه. هئژ زوی بوو، وئ هزرئ بکه کو ئافا خابیری هئژ تهزی بوو. ل گهل ههلینا روژئ داڤئین روئاهیی پیلین خابیری هشیار کرن. مه ناچاقئین خوه ب ئافا تهزی شویشتن و فرهک ئافئ د دهقی خوه وهردا داکو بیهنا ویسکیئ و چغارهیان ژ دهقیین مه نههی بهلی مه نهقهخوار. ژنشکهکئ فه سالی غهواره دبه. بههزادی خوه ب سهر فه لی نهدا چونکی ب مهسهلهیی ئاگههدار بوو و ئەز ژئ نه دترسیام چونکی خابیر هیمن و تهناه بوو و من دزانی کو کەس ب هیمنی و تهناهی د ئافئ ده ناخندقه.

- سالی خپر بوو؟

- بهری هینگئ ل گهل خوه بریاری دده کو وژدانی و من بهری نیفرۆ
بگههینه ههقدوو بهلی چاوان و ل کویقه؟ بههزادی وهسا ئهز
تیگههاندنم.

ل بن سیها پرا دهلالئ مه کیلیکین دهمی دهژمارتن و بهندهمانا
ههری زهحمهت بوو. مه ههست دکر کو ههرتشت ل جهئ خوه
رادوهسته: رۆژ، ئافا خابیری و زهمان.

۱۳
[... و ئىقارەك]

- 176 - بىست سال و ئىقارەك

قیفینا خەمرەقین، ل شەفا کەفراندنا سەلیمی دەنگبێژ ئەز
ببووم پەیکەرەک ل بەر بەخت و بارئ بالەندەیین دەمسالی پینجی و
زلقین وان، نە دەنگ، نە هەناسە و نە لقین. هەرتشت د بەر من رە
دبۆری و بابی وان ل من ددا بەلی ئەز ماتمایی و بیجان بووم. پاشی
ل نیقا شەقی، لقین من لەرزین و بیحەمد بوو پستە پستا من. من نە
دزانی کو سەلیم هیژ هشیارە و ب ئیکجاری خەو ژ چاقان قەرەقییە.
پەیفین من ژبەرکرن و ستراندن... ئەو گرتی ب جارەکی گریاندن ب
تابیەت ئەمینی دەستەبرا.

تۆژی وان پەیفان ژبەر بکە و بستریه ب تابیهت دەمی بیری
من دکی:

”کی دیبێژە ب سانههی دقهده ژیان...؟“

کی دبیژہ پینگاقہ کی فہدگہرہ زہمان...؟
پیلا خہمی من ناہہژینہ
دل بوویہ دہریا خہمان
ئاگرئ ئہقینی من ناسوژینہ
ئاگر دبه بہرد و سہلام
ژیان دبه خہون د چاقہک پیر گریان دہ
خہون دبه شہفہست د دریژیا شہفی دہ
شہف، خوہ د تنیوونا من دہ دبینہ
ئہز ژی خوہ ہوندا دکم د شہفی دہ
د ناقبہرا ہہسرت و مہرہفی دہ
تہمہن قہدیا
د ناقبہرا گرنژین و روئدکی دہ
پورا من سپی بوو
ہہر تشتت چوو... ژ بیرا من چوو
چاوا ہات و ہسا چوو
تنی...
کولا تہ ما د دل دہ“

ژ بہر پیویستیا ئاوازی سہلیمی ژ بال خوہ ”ہہی لو دہ لالو...
ہہی لی دہ لالی“ و ہک سہرہند ب سہر فہ زیڈہ کر.

* * *

ههتا ئیقفارا درهنگ بههزاد و ئهز ب هیئرس ل بهندا سالی مان.

ل دوماهیئ ب تنئ فهگه ریا . چاوان چوو وهسان فهگه ریا .

وهک مروقهک کهر و لال و حوتم ب سهرئ من هات. تنئ
ههستی من ما ئه و ژئ دا من تیئگه هینه کو ئهز زیده مه ل قئ
جیهانی و بیئدی پیئدقی ب من نیئه.

بهری کو سالی دهنگ بکه دیمه نی وی گهلهک تشت گوتن:

- وژدان ناخوازه ته ببینه.
- وژدان مر.
- وژدانی ژ بیر بکه.
- وژدانی خوه سوئت.
- وژدان... وژدان... وژدان.

* * *

” ئافدهل ئه سهمیانی روحا من، دلئ من و ههستین من هه می
ل گهل ته مان بهلئ تنئ لهشی من بوو بههرا زهلامهک بیانی نه من
دیئتی و نه بیئاتی.

گەردەنا من ئازا بکە.

ئىمزا
وژدان

ھەر ل وئ ئىقارئ وژدانئ ئەف كورته نامە نقيساند و ل گەل
سالى ھنارت.

ژ ھىنگئ دە، نىزىكى دئ بن دەھ سال، وەك نقتىھكئ ھەردەم
د بەرىكا خوە دە ھلدگرم. ئەقرؤ نىقرؤ پىشتى كو ل بەر قەنتەرەيا
خەستەخانئ پىرگئ من ھاتى ژ نوى من زانى كورته نامە سەربەندەك
بوو د ناقتەرا رابدوو و داھاتوويئ مە دە.

* * *

- سىپدە باش وژدان!
- ژيان باش قىقيان!
- من بەرى نھا پرىمز قەمراند... ئاقت گەرمە.
- سوپاس بو تە.
- سوپاس خوەش. چاقتين تە سۆرن، ديارە كو تو تير نەنقتى!
- راستە، نە ئەز نقتىم و نە من ھيلا ئاقتەل ژى بنقتە.

- پېژنا وی ناهی... چما ئوده تارى و بېدهنگه؟
- ژ خواهشيان ده بيقام وهستيا. بهرى بيپنهکي گوته من: "ئەز دئ
بيستهکي چاڤين خواه گهرم بکم ههتا کو روژ دهر بکهفه. پاشي، ئهگهر
ته شيا، من ژ خواه هشير بکه" ما ژ ميژا نه نغستبوو؟

هۆلهندا
ژ: چريا يهکي ۲۰۰۴
ههتا: چريا يهکي ۲۰۰۵